

ЎЗБЕКИСТОН РЕСПУБЛИКАСИ
ҚОНУН ҲУЖЖАТЛАРИ
ТЎПЛАМИ

30-сон
(218)
2006 й.
июль

Ўзбекистон Республикаси Қонун ҳужжатлари тўплами беш бўлимдан иборат:

тўпلامнинг биринчи бўлимида Ўзбекистон Республикаси қонунлари ва Ўзбекистон Республикаси Олий Мажлиси палаталарининг қарорлари эълон қилинади;

иккинчи бўлимда Ўзбекистон Республикаси Президентининг фармон, қарор ва фармойишлари эълон қилинади;

учинчи бўлимда Вазирлар Маҳкамасининг қарор ва фармойишлари эълон қилинади;

тўртинчи бўлимда Ўзбекистон Республикаси Конституциявий судининг қарорлари эълон қилинади;

тўпلامнинг бешинчи бўлимида вазирликлар, давлат қўмиталари ва идораларининг Ўзбекистон Республикаси Адлия вазирлигида давлат рўйхатидан ўтказилган норматив-ҳуқуқий ҳужжатлари эълон қилинади.

+

-

МУНДАРИЖА

Иккинчи бўлим

288. «Юридик шахслар ва фуқароларнинг бинолари ҳамда иншоотлари билан банд бўлган ер участкаларини хусусийлаштириш тўғрисида» Ўзбекистон Республикаси Президентининг 2006 йил 24 июлдаги ПФ-3780-сон Фармони
289. «Баъзи республика комиссиялари ва кенгашлари таркиблари ҳамда уларнинг фаолиятини ташкил этиш масалалари тўғрисида» Ўзбекистон Республикаси Президентининг 2006 йил 21 июлдаги ПҚ-423-сон қарори
290. «Давлат активларига эга айрим йирик акциядорлик компаниялари Кенгашларининг таркибларини тасдиқлаш тўғрисида» Ўзбекистон Республикаси Президентининг 2006 йил 24 июлдаги ПҚ-424-сон қарори
291. «1991 йилгача қурилган кўп хонадонли турар жой биноларининг умумфойдаланадиган жойлари ва муҳандислик коммуникациялари капитал таъмирланишини яқунлаш чора-тадбирлари тўғрисида» Ўзбекистон Республикаси Президентининг 2006 йил 25 июлдаги ПҚ-425-сон қарори

Учинчи бўлим

292. «Давлат мулки бўлган объектларни давлат тасарруфидан чиқариш ва хусусийлаштириш тартиби тўғрисидаги низомни тасдиқлаш ҳақида» Ўзбекистон Республикаси Вазирлар Маҳкамасининг 2006 йил 21 июлдаги 145-сон қарори
293. «Ўзбекистон Республикаси Президентининг «Юридик шахслар ва фуқароларнинг бинолари ҳамда иншоотлари билан банд бўлган ер участкаларини хусусийлаштириш тўғрисида» 2006 йил 24 июлдаги ПФ-3780-сон Фармони амалга ошириш ҳақида» Ўзбекистон Республикаси Вазирлар Маҳкамасининг 2006 йил 26 июлдаги 147-сон қарори
294. «Ўзбекистон Республикаси Ҳукуматининг айрим қарорларига қўшимчалар киритиш тўғрисида (Ўзбекистон Республикаси Президентининг «Ўзбекистон Республикасининг Тикланиш ва тараққиёт жамғармасини ташкил этиш тўғрисида» 2006 йил 11 майдаги ПФ-3751-сон Фармони)» Ўзбекистон Республикаси Вазирлар Маҳкамасининг 2006 йил 27 июлдаги 149-сон қарори
295. «Республика ахборот-кутубхона тизими фаолиятини мувофиқлаштириш бўйича Идоралараро кенгаш тўғрисидаги низомни тасдиқлаш ҳақида» Ўзбекистон Республикаси Вазирлар Маҳкамасининг 2006 йил 27 июлдаги 150-сон қарори

Бешинчи бўлим

- 296. «Самарқанд вилояти маҳаллий бюджетининг ғазна ижроси ҳисоби тўғрисидаги Вақтинчалик қоидаларини тасдиқлаш тўғрисида» Ўзбекистон Республикаси Молия вазирлиги, Ўзбекистон Республикаси Марказий банки Бошқарувининг 2006 йил 12 июлдаги 61, 279-В-сон қарори. (*Ўзбекистон Республикаси Адлия вазирлиги томонидан 2006 йил 24 июлда 1599-сон билан давлат рўйхатидан ўтказилди*) +
297. «Бюджетдан маблағ олувчиларнинг шахсий ҳисобварағини очиш ҳақида вақтинчалик қоидаларини тасдиқлаш тўғрисида» Ўзбекистон Республикаси Молия вазирининг 2006 йил 27 июндаги 59-сон буйруғи. (*Ўзбекистон Республикаси Адлия вазирлиги томонидан 2006 йил 24 июлда 1600-сон билан давлат рўйхатидан ўтказилди*)
298. «Самарқанд вилояти ғазначилик ижросида бухгалтерия ҳисоби ҳақида вақтинчалик қоидаларини тасдиқлаш тўғрисида» Ўзбекистон Молия вазирининг 2006 йил 27 июндаги 60-сон буйруғи. (*Ўзбекистон Республикаси Адлия вазирлиги томонидан 2006 йил 24 июлда 1601-сон билан давлат рўйхатидан ўтказилди*)
299. «Ўзбекистон Республикаси банкларида касса амалларининг бухгалтерия ҳисобини юритиш қоидаларини тасдиқлаш тўғрисида» Ўзбекистон Республикаси Марказий банки Бошқарувининг 2006 йил 15 июндаги 13/6 қарори. (*Ўзбекистон Республикаси Адлия вазирлиги томонидан 2006 йил 24 июлда 1602-сон билан давлат рўйхатидан ўтказилди*)
300. «Ўзбекистон Республикаси тижорат банкларида бухгалтерия ҳисоби ҳисобварақлар режасига ўзгартириш ва қўшимчалар киритиш тўғрисида» Ўзбекистон Республикаси Марказий банки Бошқарувининг 2006 йил 15 июндаги 13/7 қаро-

ри. (Ўзбекистон Республикаси Адлия вазирлиги томонидан 2006 йил 24 июлда 773-22-сон билан давлат рўйхатидан ўтказилди)

301. «Умумтаълим мактабларини дарсликлар ва ўқув-методик қўлланмалар билан таъминлаш тартиби тўғрисидаги низомни тасдиқлаш ҳақида» Ўзбекистон Республикаси Халқ таълим вазирлиги, Молия вазирлиги, Маданият ва спорт ишлари вазирлиги, Ўзбекистон матбуот ва ахборот агентлигининг 2006 йил 30 июндаги 17, 63, 2, 1-сон қарори. (Ўзбекистон Республикаси Адлия вазирлиги томонидан 2006 йил 24 июлда 1603-сон билан давлат рўйхатидан ўтказилди)
302. «Ўзбекистон Республикаси мулкни баҳолаш миллий стандартини тасдиқлаш тўғрисида» «Баҳолашни умумий тушунча ва принциплари» Ўзбекистон Республикаси Давлат мулки қўмитасининг 2006 йил 14 июндаги 01/19-19-сон қарори. (Ўзбекистон Республикаси Адлия вазирлиги томонидан 2006 йил 24 июлда 1604-сон билан давлат рўйхатидан ўтказилди)
303. «Ўзбекистон Республикаси мулкни баҳолаш миллий стандартини тасдиқлаш тўғрисида» «Бозор қиймати баҳолаш базаси сифатида» Ўзбекистон Республикаси Давлат мулки қўмитасининг 2006 йил 14 июндаги 01/19-20-сон қарори. (Ўзбекистон Республикаси Адлия вазирлиги томонидан 2006 йил 24 июлда 1605-сон билан давлат рўйхатидан ўтказилди)
304. «Ўзбекистон Республикаси мулкни баҳолаш миллий стандартини тасдиқлаш тўғрисида» «Бозор қийматидан фарқланувчи баҳолаш базаси» Ўзбекистон Республикаси Давлат мулки қўмитасининг 2006 йил 14 июндаги 01/19-21-сон қарори. (Ўзбекистон Республикаси Адлия вазирлиги томонидан 2006 йил 24 июлда 1606-сон билан давлат рўйхатидан ўтказилди)
305. «Ўзбекистон Республикаси мулкни баҳолаш миллий стандартини тасдиқлаш тўғрисида» «Молиявий ҳисобот ва турдош ҳужжатлар мақсадида баҳолаш» Ўзбекистон Республикаси Давлат мулки қўмитасининг 2006 йил 14 июндаги 01/19-22-сон қарори. (Ўзбекистон Республикаси Адлия вазирлиги томонидан 2006 йил 24 июлда 1607-сон билан давлат рўйхатидан ўтказилди)
306. «Ўзбекистон Республикаси мулкни баҳолаш миллий стандартини тасдиқлаш тўғрисида» «Ссуда, гаров ва қарз мажбуриятларини таъминлаш учун баҳолаш» Ўзбекистон Республикаси Давлат мулки қўмитасининг 2006 йил 14 июндаги 01/19-23-сон қарори. (Ўзбекистон Республикаси Адлия вазирлиги томонидан 2006 йил 24 июлда 1608-сон билан давлат рўйхатидан ўтказилди)
307. «Ўзбекистон Республикасида ишлаб чиқарилмайдиган, четдан олиб келинадиган технология асбоб-ускуналари, эҳтиёт қисмлар, материаллар ва компонентларни маҳаллийлаштириладиган маҳсулотлар ишлаб чиқаришда технология жараёнида фойдаланиладиган тоифага киритиш тўғрисида хулосалар бериш тартиби ҳақидаги низомни тасдиқлаш тўғрисида»ги қарорга ўзгартиришлар киритиш ҳақида» Ўзбекистон Республикаси Ташқи иқтисодий алоқалар, инвестициялар ва савдо вазирлиги, Иқтисодиёт вазирлиги, Молия вазирлиги, Давлат божхона қўмитаси, Давлат солиқ қўмитасининг 2006 йил 25-июлдаги ЭГ-01/10-4090, 4, 68, 01-02/8-14, 2006-33-сонли қарори. (Ўзбекистон Республикаси Адлия вазирлиги томонидан 2006 йил 26 июлда 1311-1-сон билан давлат рўйхатидан ўтказилди)

Вазирликлар, давлат қўмиталари ва идораларининг умумий мажбурий тусдаги меъёрий ҳужжатларини давлат рўйхатидан ўтказиш ҳолати тўғрисида 2006 йил 22 июлдан 28 июлгача бўлган маълумот

—

+

ИККИНЧИ БЎЛИМ

ЎЗБЕКИСТОН РЕСПУБЛИКАСИ ПРЕЗИДЕНТИНИНГ ФАРМОНИ

288 Юридик шахслар ва фуқароларнинг бинолари ҳамда иншоотлари билан банд бўлган ер участкаларини хусусийлаштириш тўғрисида

Иқтисодиётда хусусий мулкчиликни янада кенгайтириш ва унинг ролини ошириш, бизнесни ривожлантириш учун қулай шарт-шароитлар яратиш ҳамда хусусий тадбиркорликнинг ҳуқуқий кафолатларини мустаҳкамлаш, хусусийлаштирилган корхоналар билан банд бўлган ер участкаларидан мақсадли ва самарали фойдаланишни таъминлаш, шунингдек уй-жой бозори ва ипотекани ривожлантириш учун кучли рағбатлантирувчи омилларни вужудга келтириш мақсадида:

1. Шундай тартиб ўрнатилсинки, унга мувофиқ, 2007 йилнинг 1 январидан бошлаб Ўзбекистон Республикасининг юридик шахслари — резидентлар мулкий ҳуқуқ асосида ўзларига қарашли ёки улар томонидан хусусийлаштириладиган бино ва иншоотлар, ишлаб чиқариш инфратузилмаси объектлари жойлашган ер участкаларини, шунингдек мазкур объектларга туташ ер участкаларини қўлланиладиган технология жараёнлари, шаҳар қурилиши норма ва қоидаларини ҳисобга олган ҳолда, ишлаб чиқариш фаолиятини амалга ошириш учун зарур бўлган миқдорда хусусийлаштириш ҳуқуқига эга бўладилар.

Ушбу бандда назарда тутилган ер участкаларини хусусийлаштириш бозор қийматидан келиб чиқиб, қонун ҳужжатларида белгиланган тартибда мулкка эгалик ҳуқуқини расмийлаштирган ҳолда ихтиёрийлик асосида амалга оширилади.

2. Белгилансинки, мазкур Фармоннинг 1-бандига мувофиқ хусусийлаштирилмаган, Ўзбекистон Республикасининг юридик шахслари — резидентлари томонидан доимий фойдаланиб келинаётган ер участкалари 2008 йилнинг 1 январига қадар эллик йилгача, аммо ўттиз йилдан кам бўлмаган узоқ муддатли ижарага қайтадан расмийлаштирилиши лозим.

Ер тўғрисидаги қонун ҳужжатларида назарда тутилган ҳолларда, ер участкасини узоқ муддатли ижарага олиш ҳуқуқи шартномада кўрсатилган муддат тугамасдан тўхтатилиши ёки ижарага олинган ер участкаси майдони қисқартирилиши мумкин.

3. 2008 йил 1 январидан бошлаб Ўзбекистон Республикасининг фуқаролари — резидентларига яқка тартибда уй-жой қуриш ва турар-жой биносига хизмат кўрсатиш учун ажратилган ер участкаларини хусусийлаштириш ҳуқуқи берилсин.

Бунда яқка тартибда уй-жой қуриш ва турар-жой биносига хизмат кўрсатиш учун ажратилган ер участкалари қуйидаги тартибда хусусийлаштирилади:

ушбу Фармон чиққан пайтда амалда эгаллаб турилган ва ўрнатилган тартибда берилган кадастр ҳужжатларида белгиланган чегара ва миқдорда доимий фойдаланиш ёки умрбод мерос қилиб қолдириладиган эгалик ҳуқуқи билан участкаларга эга бўлган фуқаролар томонидан ихтиёрийлик асосида;

ер участкаларини яқка тартибда уй-жой қурилишига ким ошди асосида қонун

хужжатларида белгиланган миқдорларда сотиш чоғида, кейинчалик мулкка эгалик ҳуқуқини ўрнатилган тартибда давлат рўйхатидан ўтказиш;

томонлар — кўчмас мулкни бегоналаштираётган ёки сотиб олаётган (қабул қилаётган) шахснинг аҳдлашуви бўйича яқка тартибдаги уй-жойни сотиш ёки ҳады этиш (яқин қариндошлар бундан мустасно) чоғида мажбурий тартибда.

4. Қўйидагилар белгилансин:

кадастр хужжатларида белгиланган чегара ва миқдорларда яқка тартибда уй-жой қуриш ва турар-жой биносига хизмат кўрсатиш учун берилган ер участкаларини хусусийлаштириш қатъиян бозор нархлари бўйича амалга оширилади;

фуқаролар томонидан яқка тартибда уй-жой қуриш ва турар-жой биносига хизмат кўрсатиш учун ер участкаларини олишда илгари тўланган қиймат ким ошди савдолари натижалари бўйича ер участкаларини хусусийлаштириш учун тўланадиган ҳақ миқдорини белгилаш чоғида ҳисобга олинади;

хусусийлаштирилган ер участкаси оборотда, жумладан харид қилиш-сотиш, айирбошлаш, ҳады қилиш, мерос, фойдаланиш (ижарага бериш) бўйича битимлар тузишда чекланмаган, гаров, шу жумладан банклар ва бошқа кредит муассасаларидан кредит олиш учун гаров бўлиб хизмат қилиши мумкин.

5. Ўзбекистон Республикаси ер ресурслари, геодезия, картография ва давлат кадастри Давлат қўмитаси Қорақалпоғистон Республикаси Вазирлар Кенгаши, вилоятлар, шаҳар ва туманлар ҳокимликлари ҳамда бошқа манфаатдор тузилмалар билан биргаликда 2007 йилнинг 1 октябригача бўлган муддатда юридик шахслар ва фуқароларнинг бинолари ҳамда иншоотлари билан банд бўлган ер участкаларини хусусийлаштириш чоғида бозор нархларини белгилаш учун асос сифатида қишлоқ хўжалик аҳамиятига эга бўлмаган ерлар кадастрини ишлаб чиқсин ва апробациядан ўтказсин.

6. Ўзбекистон Республикаси Давлат мулки қўмитаси, «Ергеодезкадастр» давлат қўмитаси, «Давархитектқурилиш» давлат қўмитаси, Молия вазирлиги, Иқтисодиёт вазирлиги, Монополиядан чиқариш, рақобат ва тадбиркорликни қўллаб-қувватлаш давлат қўмитаси, Адлия вазирлиги 2006 йилнинг 1 октябригача:

юридик шахсларга тегишли бино ва иншоотлар билан банд бўлган ер участкаларини хусусийлаштириш ҳамда бозор қийматини белгилаш тартиби тўғрисидаги низомни;

бино ва иншоотлар билан банд бўлган ер участкалари, шунингдек ишлаб чиқариш фаолиятини амалга ошириш учун зарур бўлган уларга туташ участкаларнинг чегараларини белгилаш тартиби тўғрисидаги низомни;

яқка тартибда уй-жой қуриш ва турар-жой биносига хизмат кўрсатиш учун бериладиган ер участкаларини хусусийлаштириш ва уларнинг бозор қийматини аниқлаш тартиби тўғрисидаги низомни;

ер участкаларини ижарага бериш тартиби тўғрисидаги низомни ишлаб чиқсин ва Ўзбекистон Республикаси Вазирлар Маҳкамасига тасдиқлаш учун киритсин.

7. Белгилансинки, ер участкаларини хусусийлаштиришдан тушадиган маблағлар давлат бюджетига тўлиқ ўтказилади ва 80 фоиз миқдори республика бюджетига ҳамда 20 фоиз миқдори тегишли маҳаллий бюджетларга йўналтирилган ҳолда инфратузилмани ривожлантириш ва ҳудудларни ободонлаштиришда мақсадли фойдаланилади. Бунда ер участкаларини хусусийлаштиришдан республика бюджетига тушадиган маблағларнинг камида 3 фоизи инвентаризация, муҳандислик инфратузилмаси бош режалари ва схемаларини ишлаб чиқиш ҳамда тузатишлар киритиш, ер кадастрларини шакллантириш ва иқтисодий зоналарга ажратиш бўйича қилинадиган сарф-харажатларни қоплашга йўналтирилади.

8. Ўзбекистон Республикаси Адлия вазирлиги Иқтисодиёт вазирлиги, Молия вазирлиги, бошқа манфаатдор вазирликлар ва идоралар билан биргаликда икки ой муддатда қонун ҳужжатларига ушбу Фармондан келиб чиқадиган ўзгартиш ва қўшимчалар тўғрисида таклифлар киритсин.

9. Мазкур Фармоннинг ижросини назорат қилиш Ўзбекистон Республикаси Бош вазири Ш.М. Мирзиёев зиммасига юклансин.

Ўзбекистон Республикаси Президенти И. КАРИМОВ

Тошкент ш.,
2006 йил 24 июль,
ПФ-3780-сон

ЎЗБЕКИСТОН РЕСПУБЛИКАСИ ПРЕЗИДЕНТИНИНГ ҚАРОРИ

289 Баъзи республика комиссиялари ва кенгашлари таркиблари ҳамда уларнинг фаолиятини ташкил этиш масалалари тўғрисида

Республиканинг баъзи комиссиялари ва кенгашлари таркибини Ўзбекистон Республикаси Вазирлар Маҳкамасининг ижро этувчи тузилмаси билан мувофиқлаштириш, шунингдек улар фаолиятини тартибга солиш мақсадида:

1. Қуйидагилар:

давлат мулкани хорижий инвесторларга сотиш бўйича тендер савдоларини ўтказувчи Давлат комиссияси таркиби 1-иловага* мувофиқ;

акциядорлик бирлашмалари ва компанияларидаги акциялар давлат улушидан самарали фойдаланилиши устидан мониторинг олиб бориш комиссияси таркиби 2-иловага* мувофиқ;

Идоралараро божхона-тариф кенгашининг таркиби 3-иловага* мувофиқ;

давлат мулкани хорижий инвесторларга сотиш бўйича тендер савдоларини ўтказувчи Давлат комиссияси тўғрисидаги низом 4-иловага мувофиқ тасдиқлансин.

2. Асосий озик-овқат маҳсулотларини харид қилиш бўйича тендерлар ўтказилишини мувофиқлаштирувчи Давлат комиссияси тугатилсин.

3. Ўзбекистон Республикаси Ташқи иқтисодий алоқалар, инвестициялар ва савдо вазирлиги Адлия вазирлиги ҳамда бошқа манфаатдор вазирликлар ва идоралар билан биргаликда бир ой муддатда қонун ҳужжатларига ушбу қарордан келиб чиқадиган ўзгартиш ва қўшимчалар, жумладан Ўзбекистон Республикаси Вазирлар Маҳкамасининг 2000 йил 8 апрелдаги 136-сонли қарори билан тасдиқланган ижтимоий соҳа муассасаларини, махсус истеъмолчилар ва давлат резервини асосий озик-овқат маҳсулотлари билан таъминлаш Тартибига ўзгартишлар тўғрисида Вазирлар Маҳкамасига таклифлар киритсин.

Баъзи қонун ҳужжатларига 5-иловага мувофиқ ўзгартишлар киритилсин ҳамда айрим қонун ҳужжатлари ўз кучини йўқотган деб ҳисоблансин.

* 1—3-илвалар берилмайди.

4. Мазкур қарорнинг ижросини назорат қилиш Ўзбекистон Республикаси Бош вазири Ш.М. Мирзиёев зиммасига юклансин.

Ўзбекистон Республикаси Президенти И. КАРИМОВ

Тошкент ш.,
2006 йил 21 июль,
ПҚ-423-сон

Ўзбекистон Республикаси
Президентининг 2006 йил 21 июлдаги
ПҚ-423-сон қарорига
4-ИЛОВА

**Давлат мулкани хорижий инвесторларга сотиш бўйича тендер савдолари ўтказувчи Давлат комиссияси тўғрисида
НИЗОМ**

I. Умумий қоидалар

1. Мазкур Низом Ўзбекистон Республикаси Президенти қарорлари билан тасдиқланган давлат тасарруфидан чиқариш ва хусусийлаштириш дастурларига мувофиқ давлат корхоналари (мулки) қисми бўйича, шунингдек яқка тартибдаги лойиҳалар бўйича давлатга тегишли ва сотилиши зарур бўлган акциялар пакетлари ва улушларини хорижий инвесторларга сотиш бўйича тендер савдолари ўтказувчи Давлат комиссиясининг (кейинги ўринларда Комиссия деб аталади) вазифалари, ҳуқуқлари ва мажбуриятларини белгилаб беради.

2. Комиссиянинг ўз ваколатлари доирасида қабул қилган қарорлари давлат ва хўжалик бошқаруви органлари ҳамда маҳаллий давлат ҳокимияти органлари, мулкчилик шаклларида қатъи назар, хўжалик юритувчи субъектлар ва уларнинг бирлашмалари (хўжалик уюшмалари), мансабдор шахслар томонидан бажарилиши мажбурийдир.

II. Комиссиянинг вазифалари

3. Қуйидагилар Комиссиянинг асосий вазифалари ҳисобланади:

давлат ва хўжалик бошқаруви органлари, корхоналар бошқарув органлари, маҳаллий давлат ҳокимияти органлари, шунингдек жалб қилинган хорижий экспорт компаниялар ва маслаҳатчи-консультантларнинг сотишдан олдинги тайёргарлик ҳамда яқка тартибдаги лойиҳалар бўйича хусусийлаштириладиган объектларни сотиш масалалари бўйича биргаликдаги фаолиятини ташкил этиш;

ошкоралик, баҳолашнинг холислиги ва талабларнинг ягоналиги асосида тендер қатнашчилари учун тенг рақобат шарт-шароитлари яратиш;

тендер савдолари асосида сотиладиган корхоналарнинг давлат активларини харид қилишга номзодларнинг энг манфаатли таклифлари танловини ўтказиш;

давлат корхоналарини хорижий инвесторлар иштирокида хусусийлаштириш жараёнларини чуқурлаштиришга йўналтирилган Президент ва Ҳукумат ҳужжатларининг сўзсиз бажарилишини ташкил этиш, республика иқтисодиётига хорижий ин-

вестицияларни, айниқса тўғридан-тўғри инвестицияларни кенг жалб қилиш, хусусий секторнинг иқтисодиётдаги ролини янада ривожлантириш ва ошириш;

сансалорлик, бюрократизмнинг пайдо бўлиши ва объектларни хусусийлаштириш, шу жумладан хорижий инвесторлар иштирокида хусусийлаштириш ҳамда акциялар пакетларини ва корхоналарни тўлиқ танлов (тендер) савдолари қолибларига сотишни жадаллаштириш билан боғлиқ масалаларни ҳал этиш муддатлари чўзиб юборилиши ҳолларини бартараф этиш;

иқтисодиёт тармоқларида Давлат комиссияси қарорлари қабул қилинган хусусийлаштирилган корхоналар ва объектларнинг фаолияти устидан мониторинг ташкил этиш.

III. Комиссиянинг ҳуқуқ ва мажбуриятлари

4. Комиссия қўйидаги ҳуқуқларга эга:

Давлат мулки қўмитаси томонидан давлат манфаатлари учун, биринчи навбатда янги иш жойларини яратиш, хусусийлаштириладиган корхоналарнинг самарали фойдали фаолият юритиши, уларда ишлаб чиқариш ҳажмларининг ўсишини таъминлайдиган давлат активларини хорижий инвесторларга белгиланган тартибда сотиш учун (тендер, ким ошди, биржа) савдоларнинг шартлари ва шаклларини белгилаш;

тендер қатнашчиларини малакали танлаш ва тендер таклифларини баҳолаш мақсадида объектлар, акциялар (улушлар)ни инвесторларга сотиш бўйича тендерлар ўтказиш учун идоралараро ишчи гуруҳлар ташкил этиш;

тендер ҳужжатларини ва шунингдек тендер объектларининг сотилиш баҳосини, тендер объектларини сотишга жалб қилинадиган эксперт, шу жумладан хорижий, компаниялар ва воситачиларни танлаш шартлари ва мезонларини тасдиқлаш;

хусусийлаштириладиган объектга (акциялар пакетига) талаб конъюктурасига кўра ҳамда тегишли инвестиция мажбуриятлари бўлган аниқ стратегик инвесторлар мавжуд бўлганда Ўзбекистон Республикаси Вазирлар Маҳкамаси томонидан белгиланадиган тартибда тендер объектларининг бошланғич нархини ўзгартириш;

Давлат мулки қўмитаси томонидан ёки унинг томонидан шартномавий асосда жалб қилинган маҳаллий ва хорижий инвестициялар воситачилари орқали ўтказиладиган тендер савдолари натижаларини тасдиқлаш;

тендер ёки ким ошди савдолари натижаларига кўра қолиб бўлмаган тақдирда давлат активларини бошқа усуллар (биржа савдолари ёки потенциал инвесторлар билан тўғридан-тўғри музокаралар ўтказиш йўллари) билан сотишни амалга ошириш тўғрисида қарорлар қабул қилиш;

объектлар ва акцияларни (улушларни) ҳам эркин муомаладаги валютада, ҳам миллий валютада, шу жумладан ҳақ тўлашнинг аралаш шаклларида ва инвестор томонидан эркин муомаладаги валютада аниқ инвестиция мажбуриятлари қабул қилиниши шarti билан замонавий технология асбоб-ускуналари етказиб бериш ҳисобига сотиш тўғрисида қарор қабул қилиш;

давлат ва хўжалик бошқаруви органлари, корхоналар бошқарув органлари, маҳаллий давлат ҳокимияти органларидан Комиссияга юкланган вазифаларни таъминлаш учун зарур ахборотларни олиш;

объектларни хусусийлаштириш билан боғлиқ масалаларни ҳал этишдаги сансалорлик, бюрократизмнинг пайдо бўлиши, муддатларни чўзиш ҳоллари ҳамда корхоналар ва акцияларни хорижий инвесторларга сотишни жадаллаштириш бўйича мустақил қарор қабул қилиш;

давлат бошқаруви органлари, маҳаллий давлат ҳокимияти органлари тармоқ

бирлашмалари, корхоналарнинг ижро этувчи органлари вакилларини Комиссия фаолияти учун жалб этиш;

давлат активларини муваффақиятли сотиш учун молиявий маслаҳатчи-консультантлар, экспертлар ва техник мутахассисларни жалб қилиш шартлари ва мезонларини тасдиқлаш;

бепул сотилиши лозим бўлган паст рентабелли, зарар кўриб ишлайдиган, иқтисодий ночор давлат корхоналари ва паст ликвидли объектлар рўйхатларини, шунингдек уларни инвесторлар томонидан қабул қилинган инвестиция мажбуриятлари билан сотиш шартларини тасдиқлаш тўғрисида қарорлар қабул қилиш.

Комиссия шунингдек айрим ҳолларда, иқтисодиёт учун стратегик аҳамиятга эга бўлган корхоналарга инвестицияларни жалб этишда қуйидаги ҳуқуқларга ҳам эга:

корхона (акциялар улушлари) сотилгунга қадар бюджетдан ва давлат корхоналаридан, жумладан муддатлари кечиктирилган йиғилган қарзларини таркибий ўзгартириш тўғрисида қарорлар қабул қилиш;

инвесторнинг сўровига кўра, янги ишлаб чиқариш қувватлари ва маҳсулотларни ўзлаштириш даврида табиатни муҳофаза қилиш кўрсаткичлари бўйича талабларни оширишга мораторийларни белгилаш.

Комиссия давлат мулкни биринчи даражали стратегик инвесторларга уларнинг корхоналарни ривожлантириш бўйича инвестиция мажбуриятлари остида сотганида, Ўзбекистон Республикаси Вазирлар Маҳкамасига қуйидаги таклифларни кириштириш тўғрисида қарор қабул қилишга ҳақли:

инвестор томонидан Ўзбекистон Республикаси Ҳукуматининг кафолати остида олинган банкларнинг, шу жумладан хорижий банкларнинг кредитлари бўйича корхоналарнинг қарзларини тўлиқ сўндирилиши бўйича қўшимча мажбуриятлар олиш шартларида корхонани яхлит ёки сотиладиган давлат улушини акцияларнинг назорат пакетига ошириш ҳақида;

хусусийлаштирилаётган корхоналарнинг Ўзбекистон Республикаси Ҳукуматининг кафолати остида олинган банкларнинг, шу жумладан хорижий банкларнинг кредитлари бўйича қарзларини қисман ёки тўлалигича таркибий ўзгартириш тўғрисида.

5. Комиссия:

Ўзбекистон Республикаси Ҳукуматининг тендер объектларини сотишни ташкил этиш бўйича қарорларини бажаришга;

Комиссия мажлисларида қабул қилинган қарорларнинг ўз вақтида бажарилиши устидан назоратни амалга оширишга мажбурдир.

IV. Комиссия ишини ташкил этиш

6. Комиссия ўзининг иш жараёнида ушбу Низомга амал қилади ва ўз фаолиятини тасдиқланган тартибга мувофиқ амалга оширади.

7. Комиссия мажлислари унинг аъзоларининг камида тўртдан уч қисми қатнашган ҳолда заруратга қараб вақти-вақти билан ўтказиб турилади.

Комиссия қарорлари мажлисда қатнашаётган Комиссия аъзоларининг оддий кўпчилик овози билан қабул қилинади. Овозлар тенг бўлиб қолган ҳолларда Комиссия раисининг овози ҳал қилувчи овоз ҳисобланади.

Комиссия қарорлари мажлисда қатнашган Комиссия аъзолари томонидан имзоланадиган ва Комиссия раиси ёки унинг ўринбосари томонидан тасдиқланадиган баённома билан расмийлаштирилади. Баённома имзоланаётганда Комиссия аъзолари унга ўзларининг алоҳида фикрларини илова қилишга ҳақлидирлар.

8. Тендер объектларини унинг ғолибларига бериш Комиссиянинг тегишли қаро-

рига кўра Ўзбекистон Республикаси Давлат мулки қўмитаси томонидан амалга оширилади.

9. Комиссия иши билан боғлиқ ахборотлар махфий ҳисобланади ва хусусийлаштириш жараёнида қатнашмайдиган учинчи шахсга ошкор қилишга йўл қўйилмайди.

Комиссия аъзолари, шунингдек ишчи гуруҳ аъзолари кўрсатиб ўтилган ахборотни ошкор қилганликлари учун қонун ҳужжатларида белгиланган тартибда жавобгар бўладилар.

10. Комиссиянинг тендерларни ташкил этиш ва уларни ўтказиш, шунингдек, эксперт компанияларни ва воситачиларни, шу жумладан хорижий, тендер асосида танлаш харажатлари ҳамда уларга тўланадиган пул мукофотлари:

давлат мулки объектларини давлат тасарруфидан чиқариш ва хусусийлаштиришдан;

тендер объектини сотишдан тушадиган маблағлар ҳисобидан тўланади.

V. Комиссиянинг ишчи гуруҳлари

11. Идоралараро ишчи гуруҳлар (кейинги ўринларда ишчи гуруҳлар деб аталади) Комиссия қарорига кўра корхоналарнинг қайси тармоққа қарашлилигига қараб Вазирлар Маҳкамаси, Молия вазирлиги, Адлия вазирлиги, Иқтисодиёт вазирлиги, Давлат мулки қўмитаси, Ташқи иқтисодий алоқалар, инвестициялар ва савдо вазирлигининг масъул ходимлари ҳамда тегишли тармоқлар ва корхоналар вакиллари иборат таркибда тузилади.

Ишчи гуруҳларга Вазирлар Маҳкамасининг тегишли тармоқлар комплекслари раҳбарлари бошчилик қиладилар. Ишчи гуруҳлар аъзоларининг шахсий таркиби Комиссия қарорига кўра тасдиқланади. Ишчи гуруҳларнинг иш режаси Ишчи гуруҳ раҳбари томонидан тасдиқланади.

12. Ишчи гуруҳларнинг асосий функциялари қуйидагилар ҳисобланади:

Давлат мулки қўмитаси томонидан тақдим этилган материаллар асосида объектларнинг техник-иқтисодий кўрсаткичлари, уларни ривожлантириш истиқболлари тўғрисидаги барча дастлабки ахборотларни тайёрлаш;

тендерларни ташкил этишга жалб қилинадиган воситачилар учун техник топшириқларни тузишда қатнашиш;

давлат активларини сотиш шартлари ва шакллари, уларни сотиш қийматини белгилаш, инвестиция таклифларини баҳолаш тартиби, ғолибни танлаш мезонлари, тўловлар тартиби ва шартлари бўйича Комиссия ишчи органига таклифлар киритиш;

потенциал инвесторларни хусусийлаштириладиган корхоналар билан таништиришни ташкил этиш;

эксперт баҳолашни амалга ошириш ва инвесторлардан тушаётган инвестиция таклифлари бўйича хулосалар тайёрлаш.

13. Ишчи гуруҳ раҳбари хусусийлаштириладиган корхоналарнинг давлат активларини сотиш шакллари муҳокама қилаётганда, шунингдек тасарруфидаги тармоқларнинг сотиладиган объектлари бўйича хорижий инвесторларнинг таклифлари кўриб чиқилаётганда Тендер комиссияси мажлисларида қатнашиши шарт.

14. Ишчи гуруҳ мажлиси унинг аъзоларининг тўртдан уч қисми қатнашганда ҳақиқий деб ҳисобланади.

Ишчи гуруҳ мажлислари қарорлари мажлисда қатнашган ишчи гуруҳининг барча аъзолари томонидан имзоланадиган баённома билан расмийлаштирилади ва раҳбар томонидан тасдиқланади.

Қарорлар мажлисда қатнашаётган барча ишчи гуруҳ аъзоларининг оддий кўпчилик овози билан қабул қилинади. Овозлар тенг бўлиб қолган тақдирда ишчи гуруҳ раҳбарининг овози ҳал қилувчи овоз ҳисобланади.

VI. Комиссиянинг ишчи органи

15. Ўзбекистон Республикаси Давлат мулки қўмитаси Комиссиянинг савдоларни тайёрлаш ва ўтказишни ташкил қилишни амалга оширувчи (тушаётган таклифларни эксперт баҳолаш, Комиссия томонидан кўриб чиқиладиган ҳужжатларни расмийлаштириш, реклама ишлари, Комиссияда иш юритиш) ишчи органи ҳисобланади.

16. Комиссиянинг ишчи органи қуйидаги ҳуқуқларга эга:

а) Комиссия томонидан тасдиқланган шартларда, жумладан ихтисослаштирилган ташкилотлар ва воситачиларни жалб этган ҳолда ким ошди ва тендер савдоларини ташкил этиш ва ўтказиш;

б) Комиссия томонидан белгиланган шартлар ва мезонларда, шу жумладан хорижий, техник, молиявий, юридик экспертларни ва воситачиларни давлат мулкни хусусийлаштиришдан тушадиган умумий маблағлардан, кейинчалик харажатларни объектлар (акциялар) сотилишидан тушадиган тушумлар ҳисобидан компенсация қилиш билан уларнинг хизматларига ҳақ тўлаган ҳолда тендер ва ким ошди савдоларини тайёрлаш ва ўтказиш учун танлов асосида таклиф этиш;

в) Комиссияга:

белгиланган тартибда тендер ва ким ошди савдолари эълон қилинган ва ўтказилгандан кейин потенциал инвесторларда манфаатдорлик бўлмаган тақдирда давлат активларини сотиш шакллари ва шартларини ўзгартириш бўйича;

тендер савдоларини тайёрлаш ва ўтказишнинг молиявий ва техник шартлари, инвестиция таклифларини баҳолаш тартиби, ғолибни танлаш мезонлари, тўловлар тартиби ва шартлари бўйича таклифлар киритиш;

г) давлат бошқаруви органлари, маҳаллий давлат ҳокимияти ва бошқаруви органлари, юридик шахслар бирлашмалари ва хусусийлаштириладиган корхоналардан унга юкланган вазифаларни таъминлаш учун зарур бўлган ахборотларни олиш;

д) идоралараро ишчи гуруҳлар ишлари тўғрисидаги ҳисоботларни сўраб олиш;

е) Комиссия билан келишган ҳолда тендер савдоларини ўтказиш ва уларнинг яқунлари тўғрисида оммавий ахборот воситаларида ўз номидан эълонлар чиқариш.

17. Комиссиянинг ишчи органи қуйидагиларга мажбур:

Комиссия томонидан қабул қилинган қарорларни ўз вақтида ва тўлиқ бажариш;

хар бир хусусийлаштириш объекти тўғрисидаги ахборотларни тўплаш, тартибга солиш ва ишлашни амалга ошириш;

потенциал инвесторларга, шу жумладан хорижий инвесторларга объектлар ҳақидаги умумий мажбурий ахборотлар ва уларнинг сўровлари бўйича қўшимча ахборот ўз вақтида жўнатилишини таъминлаш;

бевосита ёхуд сотиш бўйича бошқа агентлар билан биргаликда техник топширик, контракт лойиҳаларини ва Комиссия тасдиғига киритиладиган бошқа тендер ҳужжатларини ишлаб чиқиш ва расмийлаштириш;

идоралараро гуруҳларнинг лойиҳаларни ишлаб чиқиш ва сотиладиган объектлар бўйича тушаётган таклифларни эксперт баҳолаш юзасидан ишларини мувофиқлаштириш;

тендерлар ва ким ошди савдоларини ўтказиш бўйича реклама-маърифий ишларни

ташқил этиш. Таркибига кирадиган корхоналар-эмитентлар ва хўжалик бошқаруви органлари билан биргаликда ишчи орган корхоналар тўғрисидаги ахборотни очишни амалга оширади, потенциал инвесторларнинг корхоналар ва уларнинг асосий техник-иқтисодий, молиявий ҳамда ишлаб чиқариш кўрсаткичлари билан танишиш учун шароитлар яратади, инвесторлар излаш ва улар билан музокаралар олиб боришни ташқил этади;

мунтазам равишда, чоракда камида бир марта тендер, ким ошди, биржа савдолари яқунлари, шунингдек Комиссия томонидан тасдиқланган шартларда давлат активларини сотиш бўйича тўғридан-тўғри шартномалар тузиш натижалари бўйича Комиссияга ахборот бериш;

Комиссия мажлисларини чақиришнинг барча ташкилий масалаларини ҳал қилиш;

Комиссияда аниқ ва тўлиқ иш юритиш, Комиссия хат-хабарларини ҳисобга олиш ва туркумлаш, Комиссия ва идоралараро гуруҳлар барча мажлисларининг баённомаларини ўз вақтида расмийлаштириш.

18. Давлат мулки қўмитаси тасдиқланган хусусийлаштириш дастурларининг сўзсиз бажарилиши, хусусийлаштиришдан валюта ресурсларининг қўшимча тўлдирилиши, шунингдек, давлат тасарруфидан чиқаришдан тушумларни тақсимлаш юзасидан талабларга қатъий риоя қилиниши учун тўлиқ жавоб беради.

Ўзбекистон Республикаси
Президентининг 2006 йил 21 июлдаги
ПҚ-423-сон қарорига
5-ИЛОВА

I. Баъзи қонун ҳужжатларига киритиладиган ўзгартишлар

1. Вазирлар Маҳкамасининг «Паст рентабелли, зарар кўриб ишлаётган, иқтисодий ночор давлат корхоналарини ва объектларни хусусийлаштиришни жадаллаштиришга доир қўшимча чора-тадбирлар тўғрисида» 2003 йил 26 августдаги 368-сон қарори (Ўзбекистон Республикаси ҚТ, 2003 й., 8-сон, 78-модда) 1-иловасининг 5-бандидаги «Ўзбекистон Республикаси Вазирлар Маҳкамасининг 2003 йил 21 августдаги 362-сон қарорига мувофиқ ташқил этилган» сўзлари чиқариб ташлансин.

2. Вазирлар Маҳкамасининг «Қурилиш соҳасида ислохотларнинг амалга оширилиши мониторинги ва фаолиятни лицензиялаш бўйича Республика комиссияси таркибини тасдиқлаш тўғрисида» 2004 йил 14 апрелдаги 181-сон қарорининг 1-иловасидаги «В.А. Голишев — Бош вазир ўринбосари, Комиссия раисининг ўринбосари» сўзлари «Б.А.Хўжаев — Ўзбекистон Республикаси иқтисодиёт вазири, Комиссия раисининг ўринбосари» деган сўзлар билан алмаштирилсин.

II. Ўз кучини йўқотган деб ҳисобланадиган қонун ҳужжатлари

1. Ўзбекистон Республикаси Президентининг «2005-2006 йилларда корхоналарни давлат тасарруфидан чиқариш ва хусусийлаштириш дастури тўғрисида» 2005 йил 14 мартдаги ПҚ-29-сон қарорига 5-илованинг 8-банди.

2. Ўзбекистон Республикаси Президентининг «Экспорт-импорт операцияларини тартибга солиш борасидаги қўшимча чора-тадбирлар тўғрисида» 2005 йил 19 сентябрдаги ПҚ-183-сон қарори 5-бандининг биринчи хатбоши ва ушбу қарорнинг 3-иловаси.

3. Вазирлар Маҳкамасининг «Ўзбекистон Республикаси Вазирлар Маҳкамаси-

нинг 1998 йил 18 ноябрдаги 477-сон ва 1998 йил 17 декабрдаги 525-сон қарорларини бажариш юзасидан жавобгарликни кучайтириш чора-тадбирлари тўғрисида» 1999 йил 20 майдаги 258-сон қарори.

4. Вазирлар Маҳкамасининг «Давлат мулкани хорижий инвесторларга сотиш бўйича тендер савдолари ўтказувчи Давлат комиссияси тўғрисидаги янги тахрирдаги низомни тасдиқлаш ҳақида» 1999 йил 22 июндаги 309-сон қарори (Ўзбекистон Республикаси ҚТ, 1999 й., 6-сон, 32-модда).

5. Вазирлар Маҳкамасининг «2000-2001 йилларда хорижий инвесторларни жалб қилган ҳолда корхоналарни давлат тасарруфидан чиқариш ва хусусийлаштириш чора-тадбирлари тўғрисида» 1999 йил 26 ноябрдаги 511-сон қарорига (Ўзбекистон Республикаси ҚТ, 1999 й., 11-сон, 69-модда) 4-илованинг 4 ва 5-бандлари.

6. Вазирлар Маҳкамасининг «Ўзбекистон Республикаси Ҳукуматининг айрим қарорларига ўзгартиришлар киритиш тўғрисида» 2003 йил 28 февралдаги 112-сон қарорига (Ўзбекистон Республикаси ҚТ, 2003 й., 2-сон, 19-модда) илованинг 23-банди.

7. Вазирлар Маҳкамасининг «2003-2004 йилларда корхоналарни давлат тасарруфидан чиқариш ва хусусийлаштириш дастури тўғрисида» 2003 йил 17 апрелдаги 185-сон қарорига 6-илованинг 10-банди.

8. Вазирлар Маҳкамасининг «Давлат мулкани хорижий инвесторларга сотиш бўйича тендер савдолари ўтказувчи Давлат комиссиясининг роли ва масъулиятини ошириш чора-тадбирлари тўғрисида» 2003 йил 21 августдаги 362-сон қарори (Ўзбекистон Республикаси ҚТ, 2003 й., 8-сон, 75-модда)

9. Вазирлар Маҳкамасининг «Акциядорлик бирлашмалари ва компанияларидаги акциялар давлат улушидан самарали фойдаланилиши устидан мониторинг олиб бориш комиссияси фаолиятини ташкил этиш тўғрисида» 2004 йил 25 июндаги 295-сон қарори (Ўзбекистон Республикаси ҚТ, 2004 й., 6-сон, 61-модда) 1-бандининг иккинчи хатбоши ва ушбу қарорнинг 1-илоvasи.

10. Вазирлар Маҳкамасининг «Республика комиссиялари ва кенгашлари таркибларини тасдиқлаш тўғрисида» 2004 йил 26 июлдаги 358-сон қарорига 25 ва 31-иловалар.

11. Вазирлар Маҳкамасининг «Ўзбекистон Республикаси Ҳукуматининг айрим қарорларини ўз кучини йўқотган деб ҳисоблаш ҳамда баъзиларига ўзгартиришлар киритиш тўғрисида» 2005 йил 22 февралдаги 73-сон қарорига (Ўзбекистон Республикаси ҚТ, 2005 й., 2-сон, 13-модда) 2-илова 36-бандининг йигирма биринчи хатбоши.

12. Вазирлар Маҳкамасининг «Ўзбекистон Республикаси Ҳукуматининг айрим қарорларига ўзгартиришлар киритиш ҳамда баъзиларини ўз кучини йўқотган деб ҳисоблаш тўғрисида» 2005 йил 8 сентябрдаги 206-сон қарорига (Ўзбекистон Республикаси ҚТ, 2005 й., 9-10-сон, 48-модда) 1-илованинг 16-банди.

13. Вазирлар Маҳкамасининг «Айрим республика комиссиялари ва кенгашлари таркибига ўзгартиришлар киритиш тўғрисида» 2005 йил 7 ноябрдаги 244-сон қарорига 1-илова 10-бандининг ўн иккинчи хатбоши.

ЎЗБЕКИСТОН РЕСПУБЛИКАСИ ПРЕЗИДЕНТИНИНГ ҚАРОРИ

290 Давлат активларига эга айрим йирик акциядорлик компаниялари Кенгашларининг таркибларини тасдиқлаш тўғрисида

Давлат активларига эга йирик акциядорлик компаниялари фаолияти самарадорлигини ошириш бўйича кузатув кенгашлари аъзоларининг ролини кучайтириш ва шахсий масъулиятини ошириш мақсадида:

1. Давлат активларига эга айрим йирик акциядорлик компаниялари Кенгашларининг янгиланган таркиблари 1-иловага* мувофиқ тасдиқлансин.

2. Кенгашларга:

мунтазам асосда (ҳар чоракда) акциядорлик компаниялари молия-хўжалик фаолияти кўрсаткичлари ўсишининг кўргазмали таҳлилини амалга ошириш;

корпоратив бошқарув тизимини такомиллаштириш, тасдиқланган бизнес-режа параметрларини бажариш борасида компания ва корхоналар раҳбарлари фаолияти натижаларини, уларнинг эгаллаб турган лавозимига мувофиқлигини принципиал баҳолашни назарда тутган ҳолда компаниялар ва уларнинг таркибига кирувчи корхоналар ижро этувчи органларининг шахсий жавобгарлигини кучайтириш бўйича зарур чора-тадбирларни амалга оширишни таъминлаш;

ҳисобот йилидаги иш яқунларини чиқаришда ҳар бир Кенгаш аъзосининг ундаги шахсий иштироки самарадорлигини танқидий кўриб чиқиш вазифаси топширилсин.

Кенгашлар раислари, зарур ҳолларда, етарли ташаббус ва принципиаллик кўрсатмаётган Кенгаш аъзоларини алмаштириш бўйича белгиланган тартибда асосли таклифлар киритсин.

3. Ўзбекистон Республикаси Ҳукуматининг баъзи қарорларига 2-иловага мувофиқ ўзгартишлар киритилсин.

Ўзбекистон Республикаси Ҳукуматининг баъзи қарорлари 3-иловага мувофиқ ўз кучини йўқотган деб ҳисоблансин.

4. Мазкур қарорнинг ижросини назорат қилиш Ўзбекистон Республикаси Бош вазири Ш.М. Мирзиёев зиммасига юклансин.

Ўзбекистон Республикаси Президенти И. КАРИМОВ

Тошкент ш.,
2006 йил 24 июль,
ПҚ-424-сон

* 1-илова берилмайди.

Ўзбекистон Республикаси
Президентининг 2006 йил 24 июлдаги
ПҚ-424-сон қарорига
2-ИЛОВА

Ўзбекистон Республикаси Ҳукуматининг баъзи қарорларига киритиладиган ўзгартишлар

1. Вазирлар Маҳкамасининг «Ўзбекэнерго» давлат-акциядорлик компанияси фаолиятини ташкил этиш чора-тадбирлар тўғрисида» 2001 йил 24 февралдаги 93-сон қарориди:

а) 6-бандининг иккинчи хатбоши қуйидаги янги таҳрирда берилсин:

«Компания кенгаши «Ўзбекэнерго» ДАКнинг юқори бошқарув органи ҳисобланади. Унинг таркиби Вазирлар Маҳкамаси томонидан тасдиқланади»;

б) 10-илловаси ўз кучини йўқотган деб ҳисоблансин.

2. Вазирлар Маҳкамасининг «Ўзбекистон темир йўллари» давлат-акциядорлик компаниясини бошқаришни ташкил этишни такомиллаштириш тўғрисида» 2001 йил 3 мартдаги 108-сон қарориди:

а) 6-бандининг иккинчи хатбоши қуйидаги янги таҳрирда берилсин:

«Компания кенгаши «Ўзбекистон темир йўллари» давлат-акциядорлик компаниясининг юқори бошқарув органи ҳисобланади. Унинг таркиби Вазирлар Маҳкамаси томонидан тасдиқланади»;

б) 6-илловаси ўз кучини йўқотган деб ҳисоблансин.

3. Вазирлар Маҳкамасининг «Кимё саноати корхоналарини бошқариш тузилмасини такомиллаштириш ва қишлоқ хўжалигига агрокимё хизмати кўрсатишни яхшилаш чора-тадбирлари тўғрисида» 2004 йил 23 январдаги 33-сон қарориди:

а) 3-бандининг учинчи «6-илловага мувофиқ 13 кишидан иборат таркибдаги» сўзлари чиқариб ташлансин;

б) 6-илловаси ўз кучини йўқотган деб ҳисоблансин.

4. Вазирлар Маҳкамасининг «Автомобиль саноатини бошқариш тузилмасини такомиллаштириш чора-тадбирлари тўғрисида» 2004 йил 23 августдаги 405-сон қарориди:

а) 4-бандининг биринчи хатбошисидаги «3-илловага мувофиқ таркибда 7 кишидан иборат» сўзлари чиқариб ташлансин ва жумла охирига «Унинг таркиби Вазирлар Маҳкамаси томонидан тасдиқланади» сўзлари қўшиб қўйилсин;

б) 3-илловаси ўз кучини йўқотган деб ҳисоблансин.

Ўзбекистон Республикаси
Президентининг 2006 йил 24 июлдаги
ПҚ-424-сон қарорига
3-ИЛОВА

Ўзбекистон Республикаси Ҳукуматининг ўз кучини йўқотган қарорлари рўйхати

1. Вазирлар Маҳкамасининг 1998 йил 29 декабрдаги 605-ф-сон Фармойиши.

2. Вазирлар Маҳкамасининг «Ўзбекэнерго» Давлат-акциядорлик компанияси Кенгаши аъзоларининг таркиби тўғрисида» 2001 йил 15 мартдаги 127-сон қарори ва унинг иловаси.

3. Вазирлар Маҳкамасининг «Ўзбекистон темир йўллари» Давлат-акциядорлик

компанияси Кенгаши аъзоларининг таркиби тўғрисида» 2001 йил 15 мартдаги 128-сон қарори ва унинг иловаси.

4. Вазирлар Маҳкамасининг «Ўзбекистон темир йўллари» Давлат-акциядорлик компанияси Кенгаши аъзоларининг таркиби тўғрисида» 2001 йил 15 мартдаги 128-сон қарорига қўшимча киритиш ҳақида» 2001 йил 29 мартдаги 154-сон қарори.

5. Вазирлар Маҳкамасининг «Ўзавтойўл» Давлат-акциядорлик компанияси Кенгаши аъзоларининг таркиби тўғрисида» 2003 йил 4 сентябрдаги 384-сон қарори ва унинг иловаси.

6. Вазирлар Маҳкамасининг «Ўзбекистон Республикаси Ҳукуматининг айрим қарорларини ўз кучини йўқотган деб ҳисоблаш ҳамда баъзиларига ўзгартиришлар киритиш тўғрисида» 2005 йил 22 февралдаги 73-сон қарорига (Ўзбекистон Республикаси ҚТ, 2005 й., 2-сон, 13-модда) 2-илованинг 21-банди.

7. Вазирлар Маҳкамасининг «Ўзбекистон Республикаси Ҳукуматининг айрим қарорларига ўзгартиришлар киритиш ҳамда баъзиларини ўз кучини йўқотган деб ҳисоблаш тўғрисида» 2005 йил 8 сентябрдаги 206-сон қарорига (Ўзбекистон Республикаси ҚТ, 2005 й., 9-10-сон, 48-модда) 1-илованинг 54-банди.

ЎЗБЕКИСТОН РЕСПУБЛИКАСИ ПРЕЗИДЕНТИНИНГ ҚАРОРИ

291 1991 йилгача қурилган кўп хонадонли турар жой биноларининг умумфойдаланадиган жойлари ва муҳандислик коммуникациялари капитал таъмирланишини яқунлаш чора-тадбирлари тўғрисида

Аҳолига коммунал хизмат кўрсатиш тизимини ислоҳ қилиш Дастурини босқичма-босқич амалга ошириш, хусусий уй-жой мулкдорлари ширкатларининг самарали фаолият юритиши учун зарур шарт-шароитлар яратиш, мулкдорларга тегишли турар жой фондиди сақлашда уларнинг ролини ошириш, 1991 йилгача қурилган кўп хонадонли турар жой биноларининг умумфойдаланадиган жойлари ва муҳандислик коммуникациялари капитал таъмирланишини ўз вақтида яқунлашни таъминлаш мақсадида:

1. Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари томонидан ишлаб чиқилган, 1991 йилгача қурилган кўп хонадонли турар жой биноларининг умумфойдаланадиган жойлари ва муҳандислик коммуникацияларини 2007-2010 йилларда капитал таъмирлаш Жадвали иловага* мувофиқ тасдиқлансин.

Қорақалпоғистон Республикаси Вазирлар Кенгаши Раиси, вилоятлар ва Тошкент шаҳар ҳокимлари, уй-жой фондиди сақлаш мониторингини ўтказувчи комиссиялар раҳбарлари ва хусусий уй-жой мулкдорлари ширкатларининг раислари зиммасига мазкур Жадвалнинг ижроси бўйича шахсий жавобгарлик юклансин.

2. Белгилансинки:

Қорақалпоғистон Республикаси Вазирлар Кенгаши ва вилоят ҳокимликлари ҳузуридаги ягона буюртмачи хизматлари, Тошкент шаҳрида эса Тошкент шаҳар ҳуду-

* Илова берилмайди.

дий коммунал-эксплуатация бирлашмалари турар жой биноларини капитал таъмирлаш ишлари бўйича бош буюртмачи, хусусий уй-жой мулкдорларининг ширкатлари эса буюртмачи ҳисобланади;

хусусий уй-жой мулкдорлари ширкатлари капитал таъмирлаш умумий смета қийматининг 30 фоизи миқдоридаги маблағлар депозит ҳисобварақларда жамланишини таъминлаш ва капитал таъмирлаш яқунлангандан сўнг биноларни фойдаланиш учун қабул қилиб олиш ишларини ташкил этишга жавобгардирлар;

1991 йилгача қурилган кўп хонадонли турар жой биноларини капитал таъмирлаш фақат танлов (тендер) савдолари асосида шартнома тузиш орқали, танлов комиссиялари таркибига хусусий уй-жой мулкдорлари ширкатлари ва фуқароларнинг маҳаллий ўзини-ўзи бошқариш органлари вакилларини албатта киритган ҳолда амалга оширилади;

хусусий уй-жой мулкдорлари ширкатлари турар жой биноларини фойдаланиш учун қабул қилиб олгандан сўнг уни сақлашни таъминлаш, профилактика ва таъмирлаш ишларини олиб бориш, уйлар атрофини яхши сақлаш ва аҳолига коммунал хизмат кўрсатишни ташкил этадилар.

3. Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари, уй-жой фондини сақлаш мониторингини ўтказувчи комиссиялар хусусий уй-жой мулкдорлари ширкатлари иштирокида:

1991 йилгача қурилган кўп хонадонли турар жой биноларини пухта инвентаризация қилиш бўйича ҳулосалар асосида ҳар йили уйларнинг нуқсонлари кўрсатилган далолатномалар тузсин ҳамда уларнинг шаҳар ва туманлар бўйича 2007—2010 йилларда капитал таъмирлашнинг аниқ манзилли дастурларини белгиланган тартибда тасдиқласин;

ҳар йили тасдиқланадиган манзиллар рўйхатига 1991 йилгача қурилган турар жой биноларини капитал таъмирлаш умумий смета қийматининг ширкатнинг депозит ҳисобварақларида жамланган 30 фоизи миқдорида, жумладан ҳомийлар маблағлари ҳисобига, хусусий уй-жой мулкдорлари ширкатлари томонидан молиялаштирилиши шarti билан киритсин;

кўп хонадонли уй-жой фондида тасдиқланган лойиҳа ҳужжатларини, жумладан ресурс сметасини (уйларни капитал таъмирлаш бўйича ишларнинг баҳоланган рўйхатини) ҳисобга олган ҳолда олиб борилаётган таъмирлаш-қайта тиклаш ишлари устидан назоратни амалга оширсин.

4. Ўзбекистон Республикаси Давлат архитектура ва қурилиш қўмитаси, иловага мувофиқ, 1991 йилгача қурилган кўп хонадонли турар жой биноларини капитал таъмирлашда бажарилаётган ишлар сифати, қурилиш меъёрлари ва қоидаларига риоя этилишини қаттиқ назоратга олсин.

5. Ўзбекистон Республикаси Молия вазирлиги:

2007—2010 йилларда тегишли йилга Давлат бюджети параметрларини шакллантиришда 1991 йилгача қурилган кўп хонадонли турар жой биноларини капитал таъмирлашни молиялаштириш учун таъмирлаш умумий смета қийматининг 70 фоизи миқдорида маблағ ажратишни назарда тутсин;

мазкур маблағлар турар жой биноларининг муҳандислик коммуникациялари ва томининг капитал таъмирлашга қатъий йўналтирилганлигини назарда тутган ҳолда, ажратиладиган бюджет маблағларидан мақсадли фойдаланилишини назорат қилсин.

6. 2007 йилнинг 1 январидан 2010 йилнинг 31 декабригача бўлган муддатда барча турдаги солиқлар, йиғимлар ва бюджетга, давлат мақсадли фондлари ҳамда Мактаб таълими жамғармасига, ягона ижтимоий тўловдан ташқари, мажбурий ажратмалар тўлашдан:

хусусий уй-жой мулкдорлари ширкатлари;
хусусий уй-жой мулкдорлари ширкатларининг ихтисослаштирилган бошқарувчилари — хизмат кўрсатиш ташкилотлари уй-жой фондига хизмат қилиш ва таъмирлаш бўйича хизмат кўрсатганда озод этилсин.

7. «Ўзкоммунхизмат» агентлиги Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари билан биргаликда 1991 йилгача қурилган кўп хонадонли турар жой биноларининг умумфойдаланадиган жойлари ва муҳандислик коммуникацияларини 2007—2010 йилларда капитал таъмирлаш Жадвалининг бажарилиши тўғрисида Ўзбекистон Республикаси Вазирлар Маҳкамасига ҳар ойда таҳлилий ахборот бериб борсин.

8. Мазкур қарорнинг ижросини назорат қилиш Ўзбекистон Республикаси Бош вазирининг ўринбосари Н.М. Ханов зиммасига юклансин.

Ўзбекистон Республикаси Президенти И. КАРИМОВ

Тошкент ш.,
2006 йил 25 июль,
ПҚ-425-сон

+

-

УЧИНЧИ БЎЛИМ

ЎЗБЕКИСТОН RESPUBLIKASI VAZIRLAR MAҲKAMASINING QARORI

292 Давлат мулки бўлган объектларни давлат тасарруфидан чиқариш ва хусусийлаштириш тартиби тўғрисидаги низомни тасдиқлаш ҳақида

Ўзбекистон Республикаси Президентининг «Ўзбекистон Республикаси Давлат мулки қўмитаси фаолиятини такомиллаштиришга доир чора-тадбирлар тўғрисида» 2006 йил 26 апрелдаги ПҚ–335-сон қарорини бажариш юзасидан, шунингдек давлат тасарруфидан чиқариш ва хусусийлаштириш жараёнларини такомиллаштириш мақсадида Вазирлар Маҳкамаси **қарор қилади:**

1. Давлат мулки бўлган объектларни давлат тасарруфидан чиқариш ва хусусийлаштириш тартиби тўғрисидаги янгиланган низом 1-иловага мувофиқ тасдиқлансин.

2. Ўзбекистон Республикаси Давлат мулки қўмитаси:

давлат тасарруфидан чиқариш ва хусусийлаштиришни амалга оширишда тасдиқланган Низом талабларига қатъий риоя қилинишини, шу жумладан давлат активларини хусусийлаштиришнинг самарали стратегияси ишлаб чиқилишини, шунингдек корхоналарни сотишдан олдин сифатли тайёрлашни, улар молиявий соғломлаштирилишини, хусусийлаштирилаётган корхоналар (объектлар) тўғрисидаги ахборот маълум қилинишини, ўтказиладиган савдоларнинг очиқ-ошкоралигини, шунингдек янги мулкдорлар ўз инвестиция мажбуриятларини бажариши устидан амалий назорат қилинишини таъминласин;

Ўзбекистон миллий телерадиокомпанияси билан биргаликда давлат активларини хусусий мулк қилиб сотиш механизмини аҳоли ўртасида тушунтириш бўйича телекўрсатувлар туркумини ташкил этсин.

3. Ўзбекистон Республикаси Ҳукуматининг 2-иловага мувофиқ айрим қарорлари ўз кучини йўқотган деб ҳисоблансин.

4. Вазирликлар ва идоралар бир ой муддатда ўз норматив ҳужжатларини мазкур қарорга мувофиқлаштирсинлар.

5. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари Р.С. Азимов зиммасига юклансин.

Ўзбекистон Республикасининг Бош вазири Ш. МИРЗИЁЕВ

Тошкент ш.,
2006 йил 21 июль,
145-сон

Вазирлар Маҳкамасининг
2006 йил 21 июлдаги 145-сон қарорига
1-ИЛОВА

Давлат мулки бўлган объектларни давлат тасарруфидан чиқариш ва хусусийлаштириш тартиби тўғрисида НИЗОМ

I. Умумий қоидалар

1. Ушбу Низом Ўзбекистон Республикаси Фуқаролик кодексига, «Давлат тасарруфидан чиқариш ва хусусийлаштириш тўғрисида»ги Ўзбекистон Республикаси Қонунига, бошқа қонун ҳужжатларига мувофиқ ишлаб чиқилган ҳамда давлат мулки бўлган объектларни давлат тасарруфидан чиқариш ва хусусийлаштириш тартиб-таомилларини белгилайди.

2. Ўзбекистон Республикасида давлат тасарруфидан чиқариш (хусусийлаштириш) қуйидаги шаклларда амалга оширилиши мумкин:

давлат корхонасини хўжалик жамиятига (акциядорлик жамиятига, масъулияти чекланган ва қўшимча мажбуриятли жамиятга) ёки бошқа тижорат ташкилотларига айлантириш;

давлат мулки бўлган объектларни ва (ёки) давлатга тегишли акцияларни, улушлар ва мулк пайларни жисмоний ва нодавлат юридик шахсларга, шу жумладан Ўзбекистон Республикаси норезидентларига биржа ва биржадан ташқари савдоларда қонун ҳужжатларида назарда тутилган тартибда сотиш.

3. Қонун ҳужжатларига мувофиқ давлат тасарруфидан чиқариш (хусусийлаштириш)ни амалга ошириш даврида корхона маъмурияти олдин тузилган жамоа шартномасининг барча қоидаларига риоя қилишга мажбурдир.

4. Давлат тасарруфидан чиқариш (хусусийлаштириш) шаклларини танлаш Ўзбекистон Республикаси Президентининг, Вазирлар Маҳкамасининг ёки Давлат мулки қўмитасининг (Давлат мулки қўмитаси ҳудудий бошқармасининг) қарорларига мувофиқ, ишлаб чиқариш хусусиятларини, корхоналар фаолияти самарадорлигини ошириш мақсадларини ва ишлаб чиқариш қўламларини, асосий фондлар қийматини ҳамда потенциал инвесторларнинг таклифларини ҳисобга олган ҳолда амалга оширилади.

5. Ўзбекистон Республикасининг республикадан ташқарида жойлашган мулкни давлат тасарруфидан чиқариш (хусусийлаштириш) Ўзбекистон Республикасининг қонун ҳужжатларига ва халқаро шартномаларига мувофиқ амалга оширилади.

6. Давлат тасарруфидан чиқариш (хусусийлаштириш)нинг бориши, мол-мулкни сотиш бўйича битишувлар ва сотиб олиш тушумлари суммаси тўғрисидаги статистик ахборот Ўзбекистон Республикаси Давлат мулки қўмитаси томонидан Ўзбекистон Республикаси Давлат статистика қўмитаси белгилаган тартибда ва муддатларда статистика органларига тақдим этилади.

II. Давлат тасарруфидан чиқариш (хусусийлаштириш) жараёнлари бўйича ташаббус кўрсатиш

7. Давлат тасарруфидан чиқариш (хусусийлаштириш) Ўзбекистон Республикаси Давлат мулки қўмитаси ёки унинг ҳудудий бошқармалари томонидан Ўзбекистон Республикаси Президенти қарорлари, Вазирлар Маҳкамаси қарорлари билан

тасдиқланадиган (белгиланадиган) давлат тасарруфидан чиқариш ва хусусийлаштириш дастурлари (корхоналар рўйхатлари), шунингдек юридик ва жисмоний шахсларнинг мурожаатномалари (буюртманомалари) асосида амалга оширилади.

8. Ўзбекистон Республикаси Президенти, Вазирлар Маҳкамасининг қарорлари билан белгиланган объектлар бўйича Ўзбекистон Республикаси Давлат мулки қўмитаси томонидан:

давлат ва хўжалик бошқаруви органлари билан биргаликда Ўзбекистон Республикаси Президенти, Ўзбекистон Республикаси Вазирлар Маҳкамасининг қарорлари билан белгиланган муддатларга мувофиқ давлат тасарруфидан чиқариш (хусусийлаштириш) жараёнларини амалга ошириш жадваллари тасдиқланади;

давлат тасарруфидан чиқариш (хусусийлаштириш)ни амалга оширувчи орган — Давлат мулки қўмитаси ёки унинг ҳудудий бошқармаси белгиланади.

Ўзбекистон Республикаси Президенти, Ўзбекистон Республикаси Вазирлар Маҳкамасининг қарорлари билан белгиланган объектлар бўйича давлат тасарруфидан чиқариш (хусусийлаштириш) юзасидан юридик ва жисмоний шахслардан (шу жумладан меҳнат жамоаси аъзоларидан) буюртманомалар талаб қилинмайди.

9. Ушбу Низомнинг 8-бандида кўрсатилмаган объектлар бўйича давлат тасарруфидан чиқариш ва хусусийлаштириш Давлат мулки қўмитаси ёки унинг ҳудудий бошқармаси қарори бўйича, уларнинг ваколатлари доирасида, шу жумладан юридик ёки жисмоний шахсларнинг, шу жумладан ушбу корхоналар меҳнат жамоалари аъзоларининг буюртманомалари асосида амалга оширилиши мумкин.

Давлат тасарруфидан чиқариш ёки хусусийлаштиришни амалга оширувчи орган (Давлат мулки қўмитаси ёки унинг ҳудудий бошқармаси) Ўзбекистон Республикаси Давлат мулки қўмитаси томонидан тасдиқланадиган тартибда белгиланади.

10. Давлат тасарруфидан чиқариш (хусусийлаштириш) юзасидан:

нодавлат юридик шахслардан, шу жумладан Ўзбекистон Республикаси норезидентларидан берилган буюртманома мулкдорлар томонидан ёки мулкдорлар бунга вакил қилган шахслар томонидан имзоланган ва ариза берувчининг муҳри билан тасдиқланган бўлиши керак (1-илова);

жисмоний шахсдан (Ўзбекистон Республикаси фуқаросидан, хорижий давлат фуқаросидан ва фуқаролиги бўлмаган шахсдан) берилган буюртманома унинг томонидан ёки бунга вакил қилинган шахс томонидан имзоланган бўлиши керак (2-илова);

корхонанинг меҳнат жамоасидан берилган буюртманома меҳнат жамоаси аъзоларининг умумий йиғилиши (конференцияси) томонидан бунга вакил қилинган корхона, бўлинма меҳнат жамоаси аъзоси томонидан имзоланади (3-илова). Меҳнат жамоаси буюртманомасига меҳнат жамоаси умумий йиғилиши (конференцияси)нинг корхона муҳри билан тасдиқланган протоколдан кўчирма, имзолаш варақаси илова қилинади. Юқорида санаб ўтилган ҳужжатларнинг барчаси корхона муҳри билан тасдиқланади.

11. Корхона (объект)ни давлат тасарруфидан чиқариш (хусусийлаштириш) юзасидан буюртманома давлат тасарруфидан чиқарилаётган (хусусийлаштирилаётган) корхона (объект) жойлашган жой бўйича Давлат мулки қўмитасининг ҳудудий бошқармасига берилади.

12. Давлат тасарруфидан чиқариш (хусусийлаштириш) юзасидан буюртманомага энг кам ойлик иш ҳақининг уч баравари миқдоридаги махсус йиғим тўланганлиги тўғрисидаги ҳужжат нусхаси илова қилинган бўлиши керак. Йиғим суммаси, кўриб чиқиш натижаларидан қатъи назар, ариза берувчига қайтарилмайди.

13. Давлат мулки қўмитасининг ҳудудий бошқармаси давлат тасарруфидан

чиқариш (хусусийлаштириш)га буюртманома тушган пайтдан бошлаб бир иш куни мобайнида бу ҳақда Ўзбекистон Республикаси Давлат мулки қўмитасини хабардор қилади. Ўзбекистон Республикаси Давлат мулки қўмитаси Давлат мулки қўмитасининг ҳудудий бошқармасидан ахборот олингандан кейин қонун ҳужжатларига мувофиқ давлат тасарруфидан чиқариш (хусусийлаштириш)ни амалга ошириш ёки буни рад этиш тўғрисида қарор қабул қилади, давлат тасарруфидан чиқариш (хусусийлаштириш)ни амалга оширувчи органни (марказий аппарат ёки ҳудудий бошқарма) белгилайди.

Буюртманома берилган вақтдан бошлаб ўн кун мобайнида Давлат мулки қўмитаси ёки унинг ҳудудий бошқармаси томонидан ариза берувчига давлат тасарруфидан чиқариш (хусусийлаштириш)ни амалга ошириш ёки буни рад этиш тўғрисида қабул қилинган қарор ҳақидаги ахборот ёзма шаклда етказилади. Ахборотда давлат тасарруфидан чиқариш (хусусийлаштириш)ни амалга оширувчи орган — Давлат мулки қўмитаси ёки унинг ҳудудий бошқармаси кўрсатилади. Салбий қарор қабул қилинган тақдирда ариза берувчига рад этиш сабаблари хабар қилинади. Бунда рад этиш сабаблари билан бирга давлат тасарруфидан чиқариш (хусусийлаштириш) амалга оширилиши мумкин бўлган шартлар ва муддатлар кўрсатилади.

Қуйидаги ҳолларда «Давлат тасарруфидан чиқариш ва хусусийлаштириш тўғрисида»ги Ўзбекистон Республикаси Қонунига мувофиқ, агар:

корхона (объект) давлат тасарруфидан чиқарилмайдиган ва хусусийлаштирилмайдиган корхоналар рўйхатига кирса;

ариза берувчи томонидан корхона (объект)нинг мазкур тури учун назарда тутилган давлат тасарруфидан чиқариш ва хусусийлаштириш хусусиятлари ҳисобга олинмаса давлат тасарруфидан чиқариш ёки хусусийлаштириш рад этилиши мумкин.

14. Агар буюртманома давлат тасарруфидан чиқариш (хусусийлаштириш) «Давлат тасарруфидан чиқариш ва хусусийлаштириш тўғрисида»ги Ўзбекистон Республикаси Қонунига мувофиқ Ўзбекистон Республикаси Президентининг қарори бўйича амалга оширилаётган корхона (объект) бўйича тушган тақдирда ҳамда давлат тасарруфидан чиқариш (хусусийлаштириш) жараёнини ўтказишга тўсқинлик қилувчи сабаблар мавжуд бўлмаганда Ўзбекистон Республикаси Давлат мулки қўмитаси корхона (объект)ни давлат тасарруфидан чиқариш (хусусийлаштириш) тўғрисида Вазирлар Маҳкамасига таклиф киритади. Ўзбекистон Республикаси Президенти томонидан ижобий қарор қабул қилинган тақдирда Давлат мулки қўмитаси томонидан корхона (объект)ни давлат тасарруфидан чиқариш (хусусийлаштириш) ушбу Низомга мувофиқ амалга оширилади.

15. Ўзбекистон Республикаси Президенти, Ўзбекистон Республикаси Вазирлар Маҳкамасининг давлат тасарруфидан чиқариш (хусусийлаштириш) тўғрисида қарори қабул қилинган, объектни давлат тасарруфидан чиқариш (хусусийлаштириш) юзасидан буюртманомалар берилган вақтдан бошлаб ҳамда ижобий қарор қабул қилинган тақдирда ушбу корхонага (улуш, пай, акцияларга) мулккий эгаллик қилиш ҳуқуқи бошқа мулкдорга берилгунгача ёки корхонани қайта ўзгартириш рад этилгунгача:

корхонани қайта ташкил этиш ва тугатиш (белгиланган тартибда банкротлик тартиб-таомилларини ўтказиш бундан мустасно);

давлат тасарруфидан чиқарилаётган (хусусийлаштирилаётган) корхонанинг хўжалик юритиш ёки оператив бошқариш ҳуқуқидаги мулкани, мулккий ҳуқуқларини бегоналаштириш (рўйхатдан чиқариш) тақиқланади.

III. Корхона (объект)ни давлат тасарруфидан чиқариш ва хусусийлаштириш бўйича комиссияни тузиш ва унинг фаолиятини ташкил этиш

16. Давлат тасарруфидан чиқариш (хусусийлаштириш)ни ўтказиш учун Давлат мулки қўмитаси ёки унинг ҳудудий бошқармаси Давлат тасарруфидан чиқариш (хусусийлаштириш) бўйича комиссия (кейинги ўринларда Комиссия деб аталади) тузади. Комиссия таркибига Давлат мулки қўмитаси ёки унинг ҳудудий бошқармаси вакиллари билан бир қаторда:

таркибига давлат тасарруфидан чиқарилаётган (хусусийлаштирилаётган) корхона кирадиган давлат органи ёки хўжалик бошқармаси;

давлат тасарруфидан чиқарилаётган (хусусийлаштирилаётган) корхона маъмурияти ва меҳнат жамоаси;

молия ва солиқ органлари;

хизмат кўрсатувчи банк;

махаллий давлат ҳокимияти органлари;

Ўзбекистон Республикаси Монополиядан чиқариш, рақобат ва тадбиркорликни қўллаб-қувватлаш давлат қўмитаси (корхоналар қайта ташкил этилган ҳолларда);

ер участкаси хусусийлаштирилган ёки корхона (объект) ер участкаси билан биргаликда давлат тасарруфидан чиқарилган (хусусийлаштирилган) ҳолларда «Ер-геодезкадастр» давлат қўмитаси, «Давархитектқурилиш» қўмитаси вакиллари;

бошқа мутахассислар киритилади.

17. Ушбу Низомнинг 8-бандига мувофиқ тузилган давлат тасарруфидан чиқариш (хусусийлаштириш) жараёнларини ўтказиш жадвали асосида ёки давлат тасарруфидан чиқариш (хусусийлаштириш) юзасидан буюртманома асосида давлат мулки объектини давлат тасарруфидан чиқариш (хусусийлаштириш) тўғрисида қарор қабул қилингандан кейин Давлат мулки қўмитаси ёки унинг ҳудудий бошқармаси тегишли органлардан Комиссия таркибига киритиш учун номзодларни сўрайди.

18. Тегишли бошқарув органларининг ва ушбу Низомнинг 16-бандида кўрсатилган муассасаларнинг раҳбарлари Давлат мулки қўмитаси ёки унинг ҳудудий бошқармаси сўровномаси олингандан кейин уч кун муддатда Комиссия таркибига киритиш учун номзод тўғрисидаги маълумотларни хабар қиладилар ҳамда кейинчалик унинг Комиссия ишларида иштирок этиши учун зарур шароитларни таъминлайдилар.

Комиссия аъзоларининг Комиссияда ишлаган вақти учун асосий иш жойи бўйича иш ҳақи ва бошқа қўшимча тўловлари сақланиб қолади.

Комиссия ўз фаолиятини бевосита давлат тасарруфидан чиқариладиган (хусусийлаштириладиган) корхонада (объектда) амалга оширади. Комиссия аъзолари қабул қилинадиган қарорлар учун амалдаги қонун ҳужжатларига мувофиқ жавоб берадилар.

19. Комиссия фаолиятига раҳбарлик қилиш ва унинг ишларини ташкил этиш Давлат мулки қўмитаси ёки унинг ҳудудий бошқармаси ўз ходимларидан тайинлайдиган Комиссия раиси томонидан амалга оширилади.

Комиссия раиси ўз ваколатлари доирасида қуйидаги ҳуқуқларга эга:

Комиссия аъзоларига, давлат мулки бўлган қайта ўзгартирилаётган объектнинг мансабдор шахсларига Комиссия фаолияти масалалари бўйича топшириқлар бериш;

Давлат мулки қўмитаси ёки унинг ҳудудий бошқармаси кўриб чиқиши учун

Комиссия иш тартибини мунтазам равишда бузувчи айрим аъзоларни Комиссия таркибидан чиқариш, уларни тегишли равишда алмаштириш масалаларини киритиш.

20. Комиссия мажлиси унда Комиссия аъзоларининг камида учдан икки қисми, шу жумладан Комиссия раиси қатнашган тақдирда ҳуқуқий кучга эга ҳисобланади. Комиссия қарорлари унинг аъзоларининг оддий кўпчилик овози билан қабул қилинади ва баённома билан расмийлаштирилади. Овоз бериш очик усулда ўтказилади. Комиссиянинг ҳар бир аъзоси битта овозга эга бўлади. Овозлар тенг бўлганда Комиссия раисининг овози ҳал қилувчи овоз ҳисобланади.

Комиссия қарорининг қабул қилинишига рози бўлмаган Комиссия аъзоси ўз мулоҳазасини ёзма равишда баён қилиш ва уни Давлат мулки қўмитасига ёки унинг ҳудудий бошқармасига юбориш ҳуқуқига эга.

21. Корхонани давлат тасарруфидан чиқариш (хусусийлаштириш)га тайёрлаш бўйича Комиссия томонидан амалга ошириладиган ишлар қуйидагилардан иборат бўлади:

корхонанинг ишлаб чиқариш ва ноишлаб чиқариш фондларини хатловдан ўтказиш;

давлат тасарруфидан чиқариладиган ва хусусийлаштириладиган мол-мулк таркибини аниқлаш;

меҳнат жамоасида тушунтириш ишлари олиб бориш;

қонун ҳужжатларига мувофиқ бошқа масалаларни ҳал этиш.

22. Давлат тасарруфидан чиқарилаётган (хусусийлаштирилаётган) корхона маъмурияти мол-мулкни хатловдан ўтказиш далолатномаларини тайёрлаш учун ишчи комиссия тузади. Ишчи комиссия ўз фаолиятини Комиссия раҳбарлигида амалга оширади. Ишчи комиссия аъзолари тақдим этилаётган ҳужжатларнинг тўғрилиги учун амалдаги қонун ҳужжатларига мувофиқ жавоб берадилар.

23. Комиссия Давлат мулки қўмитасига ёки унинг ҳудудий бошқармасига кўриб чиқиш учун:

корхонани акциядорлик жамиятига, бошқа хўжалик жамиятига, ёки бошқа тижорат ташкилотига айлантириш тўғрисидаги;

корхонани мулк комплекси сифатида тўлиқ сотиш тўғрисидаги;

корхонани қайта ташкил этиш (кўшиб юбориш, бирлаштириш, бўлиш, ажратиш), шунингдек қайта ташкил этиш жараёнида вужудга келадиган объектларни давлат тасарруфидан чиқариш (хусусийлаштириш) шакллари тўғрисидаги таклифлардан биттасини киритади.

Агар Комиссия томонидан корхонани давлат тасарруфидан чиқаришга (хусусийлаштиришга) берилган буюртманомада назарда тутилган ташкилий-ҳуқуқий шаклдан фарқ қиладиган бошқа ташкилий-ҳуқуқий шаклга айлантириш тўғрисида қарор қилинган тақдирда Комиссия Давлат мулки қўмитаси ёки унинг ҳудудий бошқармасига қабул қилинган қарорнинг асосланишини тақдим этишга мажбурдир.

Комиссия Давлат мулки қўмитасига корхонани (объектни) сотишдан олдин тайёрлаш тартиб-таомилларини бажариш бўйича асосланган таклифлар киритиши мумкин.

24. Корхонани хўжалик жамиятига айлантиришда Комиссия томонидан:

Давлат мулки қўмитаси томонидан тасдиқланадиган шакл бўйича давлат тасарруфидан чиқаришнинг намунавий режасига мувофиқ давлат тасарруфидан чиқариш (хусусийлаштириш) режаси тузилади, унда давлат тасарруфидан чиқариш (хусусийлаштириш)ни ўтказишнинг тавсия этилаётган муддатлари, қонун ҳужжатларига мувофиқ корхона меҳнат жамоасининг айрим аъзоларига тавсия этилаётган имтиёзлар кўрсатилади;

мол-мулкни хатловдан ўтказиш далолатномалари тасдиқланади;
таъсис ҳужжатлари лойиҳалари тузилади.

25. Комиссиянинг объектларни тўлиқ сотиш тўғрисидаги таклифларида қуйидагилар бўлиши керак:

объектни мол-мулк комплекси сифатида тўлиқ сотишнинг афзалликлари асосланиши;

сотишнинг тавсия этилаётган усули (биржа, кимошди, танлов (тендер) савдолари).

26. Корхонани қайта ташкил этиш (қўшиб юбориш, бирлаштириш, бўлиш, ажратиш, ўзгартириш) тўғрисида таклифлар киритилганда Комиссия уни қайта ташкил этишнинг зарурлигини асослаши ва қайта ташкил этишга доир тадбирлар режасини тузиши керак. Тақдим этилган ҳужжатларда, зарурат бўлганда, қайта ўзгартирилаётган бирликлар ўртасида мажбуриятларнинг тақсимланиши ва бошқа алоқалар бўйича таклифлар бўлиши мумкин.

27. Комиссиянинг иш якунлари бўйича Давлат мулки қўмитасига ёки унинг тегишли ҳудудий бошқармасига мажлислар баённомалари, Комиссия тасдиқлаган мол-мулк хатлови далолатномалари, ишлаб чиқариш ва бошқа бўлинмаларнинг, ер участкаларини тақсимлашнинг тавсифи (режа-схемаси, ҳажмлари, жойлашиши), ушбу Низомнинг 23—26-бандларига мувофиқ давлат тасарруфидан чиқариш (хусусийлаштириш) шаклига доир таклифлар, шунингдек:

корхона солиқ бўйича рўйхатдан ўтказилган жойдаги солиқ органи томонидан тасдиқланган корхона баланси;

— молиявий натижалар тўғрисидаги ҳисобот (2-шакл);

дебиторлик ва кредиторлик қарзларнинг, шу жумладан тўлов муддати ўтган дебиторлик ва кредиторлик қарзларнинг ёйилмаси;

ер участкалари, ер ости бойликлари ва бошқа табиий ресурслардан фойдаланиш ҳуқуқини тасдиқловчи ҳужжатлар;

сотишдан олдин тайёргарлик кўриш бўйича таклифлар ва таркибий қайта ўзгартириш тадбирлари режаси (зарур бўлганда) тақдим этилади.

Агар таркибий ўзгартиришлар тадбирлари режасида тегишли бозорда устунлик қилувчи корхоналар пайдо бўлишига олиб келувчи корхоналарни қўшиб юбориш назарда тутилган ҳолларда монополияга қарши курашиш органининг розилик хати ҳам тақдим этилади.

Комиссия томонидан корхонани масъулияти чекланган ва қўшимча масъулиятли жамиятга айлантириш тўғрисида таклиф киритилганда айна бир вақтда 4-иловага мувофиқ юридик шахсларнинг ёки 4а-иловага мувофиқ жисмоний шахсларнинг қайта ташкил этилаётган корхонанинг устав фондидан муайян улушларни сотиб олиш хоҳиши тўғрисидаги буюртманомалари тақдим этилади. Комиссия томонидан корхонани акциядорлик жамиятига айлантириш тўғрисида таклиф киритилганда акцияларнинг меҳнат жамоаси аъзоларига сотишга тавсия этилган пакети доирасида, уларнинг ҳар бири томонидан улар кўрсатган суммага акциялар сотиб олиш хоҳиши тўғрисида 5-иловага мувофиқ шакл бўйича меҳнат жамоаси аъзоларининг имзолаш варақаси тақдим этилади.

Комиссия томонидан шунингдек меҳнат жамоасининг қонун ҳужжатларига мувофиқ имтиёзлар олиш ҳуқуқига эга бўлган аъзолари рўйхати ҳам тақдим этилади.

28. Комиссия иш олиб боришининг умумий муддати Комиссия тузилган вақтдан бошлаб икки ойдан ошмаслиги керак.

+

IV. Давлат тасарруфидан чиқариш (хусусийлаштириш) тўғрисида қарор қабул қилиш

29. Комиссия тақдим этган материаллар ва ҳужжатлар кўриб чиқилгандан кейин Давлат мулки қўмитаси ёки унинг ҳудудий бошқармаси бир ҳафта муддатда қуйидаги қарорлардан биттасини қабул қилади:

Қайтариш сабабларини кўрсатган ва ҳужжатларни такрорий тақдим этиш муддатини белгиланган ҳолда ҳужжатларни Комиссияга пухталаштириш учун қайтаради, ҳужжатларни такрорий тақдим этиш муддати улар қайтарилган вақтдан бошлаб 10 кундан ошмаслиги керак. Агар Комиссия томонидан ҳужжатлар такрорий тақдим этилганда уларда давлат тасарруфидан чиқариш ёки хусусийлаштириш тўғрисида қарор қабул қилишга имкон бермайдиган жиддий камчиликлар топилса, Комиссия тарқатиб юборилади ва янги Комиссия тузилади;

давлат тасарруфидан чиқарилаётган (хусусийлаштирилаётган) корхона (объект)ни баҳолаш учун баҳоловчи ташкилот билан шартнома тузади. Бунда Давлат мулки қўмитаси баҳоловчи ташкилотга Комиссия томонидан тайёрланган зарур ҳужжатларни тақдим этади.

Корхона (объект)ни баҳолаш бўйича баҳоловчи ташкилотнинг ҳулосаси ва Комиссия томонидан тақдим этилган ҳужжатлар асосида Давлат мулки қўмитаси ёки ҳудудий бошқарма корхона (объект)ни давлат тасарруфидан чиқариш (хусусийлаштириш) тўғрисида буйруқ чиқаради.

Корхонани акциядорлик жамиятига айлантиришда буйруқ билан айна бир вақтда намунавий уставга ва эмиссия проспектига мувофиқ тузилган устав ва эмиссия проспекти тасдиқланади. Корхона масъулияти чекланган ёки қўшимча масъулиятли жамиятга айлантирилганда айна бир вақтда устав ва давлатнинг мулкида сақланиб қоладиган ва инвесторларга сотиладиган устав фондидаги улуш тасдиқланади.

30. Буйруқ, устав, эмиссия проспекти (чиқариш тўғрисидаги ахборот) Давлат мулки қўмитаси ёки унинг ҳудудий бошқармаси ваколатли раҳбари томонидан имзоланади (тасдиқланади), қонун ҳужжатларида белгиланган тартибда рўйхатдан ўтказилади, тарқатилади ва сақланади.

31. Буйруқни бажариш:

хўжалик жамиятини ёки бошқа ташкилотни давлат рўйхатидан ўтказиш бўйича — унинг раҳбарига;

корхона хўжалик жамиятига айлантирилганда объектларни тўлик, устав фондидан улушларни (акцияларни), шу жумладан меҳнат жамоаси аъзоларига сотиш, бошқарув органларини шакллантиришни ташкил этиш бўйича — Давлат мулки қўмитасининг аниқ ходимларига юкланади.

32. Давлат корхоналари негизда ташкил этилган хўжалик жамиятларида мавжуд бошқарув органлари улар қайта сайлангунгача (қайта тайинлангунгача) фаолиятини давом эттиришади.

V. Давлат активини баҳолаш ва унинг бошланғич (дастлабки) нархини белгилаш

33. Давлат активлари қийматини баҳолаш баҳолаш фаолиятини амалга ошириш учун лицензияга эга бўлган баҳолайдиган ташкилотлар томонидан амалга оширилади.

34. Давлат активларининг қийматини баҳолаш хатлов натижалари бўйича

корхонанинг мавжуд мол-мулки ва унинг амалдаги ҳолатидан келиб чиқиб Мол-мулкни баҳолаш миллий стандартларига мувофиқ белгиланади.

Баҳолаш, қоидага кўра, уч усул билан, яъни харажатли, даромадли, қиёсий сотувлар билан амалга оширилади. Баҳолашнинг уч усулидан бирини қўллаш мумкин бўлмаган тақдирда баҳоловчи у ёки бу усулни қўллаш рад этилишини зарур равишда асослаши керак.

Давлат активларининг баҳолаш қиймати миллий валютада белгиланади. Давлат мулкни хорижий инвесторларга сотишда тендер савдолари ўтказиш давлат комиссиясининг қарорига кўра сотиладиган давлат активлари бўйича баҳолаш қиймати айна вақтда баҳолаш ўтказилган пайтда Ўзбекистон Республикаси Марказий банкнинг курси бўйича АҚШ долларидан қайд қилинган ҳолда белгиланади.

35. Харажатли усулни қўллашда баҳоланадиган мол-мулкнинг таркибига қуйидагилар киритилади:

корхона балансида бўлган ва хатлов натижасида аниқланган барча асосий воситалар, уларнинг техник ҳолатидан қатъи назар, ҳам ишлаб турган (вақтинча мукамал таъмирлашда ва модернизацияда бўлган объектлар, қурилиши тугалланмаган объектлар ҳам шу жумлага киради), ҳам консервацияда, захирада ёки резервда бўлган (ўрнатилмаган асбоб-ускуналар), ишлаб чиқариш ва хўжалик инвентари, иш моллари ва маҳсулдор моллар, кўп йиллик дарахтлар ва асосий воситаларнинг бошқа турлари, шунингдек бошқа корхоналар ва ташкилотларга фойдаланишга, ижарага берилган асосий воситалар;

корхона (объект) ер участкалари билан биргаликда давлат тасарруфидан чиқарилганда (хусусийлаштирилганда) — давлат тасарруфидан чиқариладиган (хусусийлаштириладиган корхона (объект) жойлашган ҳамда бинолар ва иншоотларга туташиб кетган ер участкалари, ер ости бойликлари ва бошқа табиий ресурслардан фойдаланиш ҳуқуқлари;

бошқа узоқ муддатли активлар, шу жумладан номоддий активлар;

айланма активлар;

бошқа активлар.

Мол-мулкни харажатли усулда баҳолаш қуйидаги тартибда амалга оширилади:

1) ишга тушириш ёки сотиб олиш вақтида дастлабки қийматдан келиб чиқилган ҳамда Ўзбекистон Республикаси Вазирлар Маҳкамасининг 1992 йил 18 июндаги 293-сон, 1993 йил 1 июндаги 261-сон, 1994 йил 28 ноябрдаги 572-сон, 2000 йил 26 декабрдаги 500-сон ва 2001 йил 31 декабрдаги 490-сон қарорларига мувофиқ индексация коэффициентлари ҳисобга олинган ҳолда қайта ҳисоблаб чиқилган асосий фондларнинг баланс қиймати белгиланади;

2) асосий фондларнинг қийматини тайёрловчи заводлар нархларига, прејскурантлар, прайс-варақлар ва бошқаларга мувофиқ бўлгунгача қайта баҳолаш йўли билан ёки баҳолаш санасида Ҳукумат қарори бўйича асосий фондларни сўнгги қайта баҳолаш санасидан бошлаб Ўзбекистон Республикаси Давлат статистика қўмитаси маълумотлари бўйича асосий фондлар қиймати қимматлашиши коэффициентларини қўллаш йўли билан асосий фондларнинг амалдаги нархлардаги (бозор нархларидан юқори бўлмаган) тиклаш қиймати аниқланади.

10 фоиздан камроқ қолдиқ қийматга эга бўлган асосий фондлар бўйича устав фондига уларнинг амалдаги нархлардаги тиклаш қийматининг 10 фоизи микдоридан қиймати киритилади.

Автотранспорт воситаларини баҳолаш Ўзбекистон Республикаси Вазирлар Маҳкамасининг «Давлат автотототранспорт воситаларини сотиш тартиби тўғрисида» 1994 йил 28 сентябрдаги 489-сон қарорига мувофиқ амалга оширилади;

3) 1997 йил 1 январгача амал қилган ва 1997 йил 1 январдан кейин жорий этилган асосий фондларни тўлиқ тиклашга ва улардан фойдаланиш муддатларига белгиланган тегишли амортизация нормаларидан келиб чиқиб асосий фондларнинг эскириши ҳажми белгиланади. Ишчи комиссиянинг қарорига кўра эскириш даражаси асосий фондларнинг дастлабки истеъмол қийматлари йўқолиши даражасига қараб аниқлаштирилиши мумкин;

4) амалдаги нархларда тиклаш қиймати билан фойдаланиш давридаги муайян норматив эскириш ҳажми ўртасидаги тафовут сифатида амалдаги нархларда асосий фондларнинг қолдиқ қиймати аниқланади. Асосий фондларни баҳолаш далолатномаси 6-иловага мувофиқ тузилади;

5) ижтимоий инфратузилма объектларини баҳолаш далолатномаси 7-иловага мувофиқ тузилади;

6) капитал қўйилмаларни (тугалланмаган қурилиш ва ўрнатилмаган асбоб-ускуналарни) баҳолаш далолатномалари 8 ва 9-иловаларга мувофиқ баҳолаш пайтида амалда бўлган нархларда тузилади;

7) корхонанинг охириги (баҳолаш санасидаги) ҳисобот бухгалтерия баланси маълумотлари ёки хатлаш маълумотлари асосида айланма активлар қиймати (ишлаб чиқариш заҳиралари, тугалланмаган ишлаб чиқариш, тайёр маҳсулот, пул маблағлари, қисқа муддатли қўйилмалар, дебиторлик қарзлар), шунингдек корхонанинг мажбуриятлари (узок муддатли ва қисқа муддатли қарзлар ва кредитлар, аванслар, кредиторлик қарзлар) аниқланади;

8) ер участкаларидан (қонун ҳужжатларида назарда тутилган ҳолларда ер участкасини хусусийлаштиришда ер участкаси қийматини баҳолаш), ер ости бойликларидан ва бошқа табиий ресурслардан фойдаланиш ҳуқуқи қиймати баҳоланади, унинг натижалари 10-иловага мувофиқ шакл бўйича далолатномада акс эттирилади. Хусусийлаштириладиган корхона (объект) жойлашган ва бинолар ва иншоотларга туташиб кетган ер участкасини баҳолаш фақат қонун ҳужжатларида белгиланган тартибда бозор нархлари бўйича амалга оширилади;

9) айланма воситаларга тегишли бўлган товар-моддий бойликлар, шунингдек арзонбаҳо ва тез эскирадиган буюмлар амалдаги улгуржи ёки чакана нархларда баҳоланади. Бойликларнинг айрим турларига янги нархлар ҳисобга олинган ҳолда уларнинг қиймати аниқлаштирилади.

36. Баҳолаш натижалари бўйича 11-иловага мувофиқ мол-мулкни баҳолаш йиғма далолатномаси тузилади.

37. Баҳолашнинг икки ва ундан ортиқ усули қўлланилганда баҳоловчи ташкилот Давлат мулки қўмитасига давлат активлари қийматини баҳолаш бўйича олинган барча натижаларни тақдим этади, улар асосида Давлат мулки қўмитаси (давлат ва хўжалик бошқаруви республика органлари тизимига кирадиган корхоналар бўйича) ёки унинг ҳудудий органи (бошқа корхоналар бўйича) буйруғига кўра корхонанинг қиймати, устав фонди миқдори ва бошқа давлат активлари миқдори тайинланади.

Давлат активларини баҳолаш қиймати, устав фондининг тайинланадиган миқдори мазкур Низомнинг 34-бандида назарда тутилган қўлланилган баҳолаш усуллари натижалари бўйича олинган энг юқори баҳолаш қийматидан паст бўлиши мумкин эмас.

38. Давлат мулки қўмитаси ёки унинг ҳудудий бошқармасининг қарорига кўра, қонун ҳужжатларида назарда тутилган ҳолларда, корхоналар (объектлар)ни ва (ёки) давлатга тегишли акциялар, улушлар ва мулкый пайларни сотиш тўловни бўлиб-бўлиб тўлаш шартномаси бўйича (бир йилдан ортиқ бўлмаган муддатга) амалга оширилиши мумкин.

VI. Корхоналарни сотишдан олдин тайёрлаш

39. Корхона ва бошқа давлат активларини сотишдан олдин тайёрлаш корхонанинг барқарор молиявий-иқтисодий ҳолатини таъминлашни, асосий ишлаб чиқаришга жалб этилмаган мол-мулк ва асбоб-ускуналарни қисқартиришни, потенциал инвесторга сотиш учун корхонанинг инвестиция жалб этувчанлиги ва ликвидлилигини оширишни назарда тутати.

Давлат тасарруфидан чиқариш ва хусусийлаштириш дастурига киритилган корхоналар сотишдан олдин тайёрланиши мумкин.

Якка тартибдаги лойиҳа бўйича хусусийлаштирилаётган корхонани сотишдан олдин тайёрлаш тўғрисидаги қарор Давлат мулкни хорижий инвесторларга сотиш бўйича тендер савдолари ўтказувчи Давлат комиссияси томонидан, хусусийлаштириш дастурига киритилган бошқа корхоналарни сотишдан олдин тайёрлаш тўғрисидаги қарор - таркибига хусусийлаштириладиган корхона кирадиган давлат ёки хўжалик бошқарувининг тегишли органи ёки у юритишига кирадиган жойлардаги маҳаллий ҳокимият органи билан келишув бўйича Давлат мулки қўмитаси ҳайъати томонидан қабул қилиниши мумкин.

Сотишдан олдин тайёрлаш қуйидагиларни ўз ичига олади:

хусусийлаштирилаётган корхона фаолиятини комплекс ўрганиш (диагностик текшириш), бу ишлаб чиқаришни бошқариш тизимини, молиявий ҳолатини, шерикларнинг таркибини, рақобатчиларни, инвесторларни ва хоказоларни ўрганиб чиқишни ўз ичига олади;

корхона фаолияти самарадорлигини ва унинг инвестиция жалб этувчанлигини ошириш бўйича комплекс чора-тадбирларни (ташкилий, иқтисодий, молиявий ва хоказо) ишлаб чиқиш;

тасдиқланган тадбирлар бажарилишининг доимий мониторингини олиб бориш.

40. Давлат мулки қўмитаси билан тузиладиган шартномалар асосида ихтисослаштирилган молиявий, техник ташкилотлар ва мустақил маслаҳатчилар сифатидаги бошқа ташкилотлар бевосита корхонада ишлаб олти ойдан ортиқ бўлмаган муддатда корхона фаолиятини (бошқарув тизими, ишлаб чиқаришнинг ҳолати, маркетинг, молия-хўжалик фаолияти, малакали кадрлар билан таъминлаш) ўрганиб чиқади ва хусусийлаштириш дастурида белгиланган давлат активларини сотиш муддати тамом бўлишидан камида бир ой олдин тўлиқ бажарилишини назарда тутадиган корхонани сотишдан олдин тайёрлаш бўйича аниқ чора-тадбирлар режасини тайёрлайди.

Диагностик текшириш, корхонанинг инвестиция жалб этувчанлигини баҳолаш натижалари ва чора-тадбирлар режаси Давлат мулки қўмитаси, таркибига мазкур корхона кирадиган давлат ёки хўжалик бошқаруви органи, корхонанинг бошқарув органи вакиллари ва корхонани сотишдан олдин тайёрлаш бўйича аниқ чора-тадбирлар режасини ишлаб чиқишда қатнашган мустақил маслаҳатчилар иштирокида муҳокама қилинади, сотишдан олдин тайёрлаш бўйича чора-тадбирлар режаси лойиҳаси аниқлаштирилади. Муҳокама баённомаси чора-тадбирлар режаси лойиҳаси билан биргаликда Давлат мулки қўмитасига ва давлат ёки хўжалик бошқаруви органига тақдим этилади.

41. Якка тартибдаги лойиҳа бўйича хусусийлаштирилаётган корхонани сотишдан олдин тайёрлаш чора-тадбирлари режаси Давлат мулкни хорижий инвесторларга сотиш бўйича тендер савдолари ўтказувчи Давлат комиссияси томонидан, бошқа корхоналар бўйича — Ўзбекистон Республикаси Давлат мулки қўмитаси томонидан тасдиқланади. Зарурият бўлганда чора-тадбирлар режаси Вазирлар Маҳка-

масининг тегишли Комплекси раҳбари, хусусийлаштириладиган корхона таркибига кирадиган давлат ёки хўжалик бошқаруви органи ёки у юритишига тегишли бўлган маҳаллий ҳокимият органи билан келишилиши мумкин.

Корхона раҳбари ва корхона таркибига кирадиган давлат ёки хўжалик бошқаруви органи чора-тадбирлар режасида назарда тутилган вазифалар зарур даражада бажарилиши учун масъул ҳисобланади.

42. Якка тартибдаги лойиҳа бўйича хусусийлаштириладиган корхонани сотишдан олдин тайёрлаш бўйича мустақил маслаҳатчилар хизматларига ҳақ тўлаш Давлат мулки қўмитаси, корхона ва жалб этиладиган ихтисослаштирилган ташкилот билан уч томонлама шартнома асосида, Давлат мулкани хорижий инвесторларга сотиш бўйича тендер савдолари ўтказувчи Давлат комиссияси томонидан белгиланган шартларда, бошқа корхоналарни сотишдан олдин тайёрлаш бўйича мустақил маслаҳатчилар хизматларига ҳақ тўлаш Молия вазирлиги билан келишган ҳолда Давлат мулки қўмитаси томонидан белгиланган шартларда корхона маблағларидан тўланади. Корхонанинг ўз маблағлари етарли бўлмаган тақдирда ушбу сумма Давлат мулки қўмитаси томонидан давлат тасарруфидан чиқариш ва хусусийлаштиришдан тушадиган умумий маблағлардан тўланади ҳамда ушбу сумма кейинчалик корхона томонидан қопланади.

43. Тасдиқланган чора-тадбирлар бажарилиши мониторинги корхонани сотишдан олдин тайёрлаш бўйича аниқ чора-тадбирлар режасини ишлаб чиқишда қатнашган мустақил маслаҳатчилар иштирокида доимий асосда Давлат мулки қўмитаси томонидан амалга оширилади. Мустақил маслаҳатчилар вақти-вақти билан Давлат мулки қўмитасига чора-тадбирлар бажарилишининг бориши тўғрисида ахборот тақдим этадилар.

44. Ўзбекистон Республикаси иқтисодиёти учун стратегик аҳамиятга эга бўлган корхоналарни сотишдан олдин тайёрлаш тадбирларига Давлат мулкани хорижий инвесторларга сотиш бўйича тендер савдолари ўтказувчи Давлат комиссиясининг қарори билан белгиланган чора-тадбирлар киритилади.

VII. Давлат активларини сотиш

45. Давлат активларини (мол-мулк, акциялар, улушларни) сотиш Ҳукуматнинг қарорлари билан тасдиқланадиган низомларга мувофиқ биржа ёки биржадан ташқари савдоларда — кимошди, танлов (тендер) савдоларида ёки тўғридан-тўғри музокаралар натижалари бўйича сотиш йўли билан амалга оширилади.

46. Корхоналарнинг давлат активларини инвесторларга сотиш шартлари ва усулларини тасдиқлаш, шунингдек оммавий танлов (тендер) савдолари асосида сотиладиган корхоналарнинг давлат активларини сотиб олишга талабгорларнинг энг фойдали таклифларини танлаш Давлат мулки қўмитаси (ёки унинг ҳудудий бошқармаси) томонидан амалга оширилади, Давлат мулкани хорижий инвесторларга сотиш бўйича тендер савдолари ўтказувчи Давлат комиссияси қарори асосида сотиладиган объектлар бундан мустасно.

47. Давлат мулкани хорижий инвесторларга сотишда тендер савдолари ўтказиш давлат комиссияси қарори бўйича сотиладиган корхонани (мол-мулк, улушлар, пайлар, акцияларни) мамлакат инвесторларига сотишда таклифнинг нархи АҚШ долларарида белгиланган баҳолаш қийматини танлов (тендер) эълон қилинган пайтда Ўзбекистон Республикаси Марказий банкнинг курси бўйича сўмларга қайта ҳисоблаб чиқиш йўли билан аниқланади. Бунда сотиш нархига белгиланган тартибда тузатиш киритилиши мумкин.

48. Ишлаб чиқариш бинолари ва иншоотлари жойлашган ер участкаларини, шунингдек ишлаб чиқариш бинолари ва иншоотларига туташиб кетган ер участкаларини хусусийлаштириш (сотиш) хусусийлаштириладиган ёки давлат тасарруфидан чиқариладиган корхоналарнинг ишлаб чиқариш жараёнларини амалга ошириш учун қатъий зарур бўлган миқдорларда амалга оширилади. Ишлаб чиқариш жараёнларини амалга ошириш учун зарур бўлган ер участкалари миқдорини белгилаш белгиланган тартибда Давлат мулки қўмитаси ёки у томонидан шартнома асосида жалб этиладиган мустақил маслаҳатчилар томонидан, улар фаолиятига хусусийлаштиришдан тушадиган умумий маблағлардан ҳақ тўланган ҳолда амалга оширилади. Ушбу сарф-харажатлар кейинчалик сотишдан олинган тушумдан маблағлар ҳисобига қопланади.

49. Объектларни инвестиция мажбуриятлари қабул қилиниши шarti билан бепул сотиш Вазирлар Маҳкамасининг 2003 йил 26 августдаги 368-сон қарори билан тасдиқланган Паст рентабелли, зарар кўриб ишлаётган, иқтисодий ночор корхоналарни, паст ликвидли объектларни инвестор томонидан инвестиция мажбуриятлари қабул қилиниши шarti билан инвесторларга танлов асосида бепул бериш тўғрисидаги низомга мувофиқ амалга оширилади.

VIII. Давлат корхоналарини хўжалик жамиятларига айлантиришда ва давлат активларини биржадан ташқари савдоларда сотишда шартномалар тузиш

50. Давлат мулки объектини хўжалик жамиятига айлантиришда Давлат мулки қўмитаси ёки унинг ҳудудий бошқармаси билан акциядорлар (қатнашчилар) ваколат берган шахс (кузатувчи кенгаш раиси ёки ижро этувчи орган раҳбари) ўртасида ўзаро мажбуриятлар тўғрисидаги шартнома-битим тузилиши мумкин.

Шартнома-битимда:

муайян даврда корхона фаолияти соҳасини ва ишлаб чиқариш, маҳсулот экспортининг келишилган ҳажмларини сақлаб қолиш шартлари;
иш ўринлари сонини ўзгартириш шартлари;
муайян истеъмолчиларга маҳсулот етказиб бериш;
экология хавфсизлигини таъминлаш, ишловчиларнинг меҳнат шароитларини яхшилаш чора-тадбирларини амалга ошириш;
ходимларнинг ижтимоий-маиший таъминоти хусусиятлари;
ижтимоий, табиатни муҳофаза қилиш объектларини сақлаш шартлари акс этирилиши мумкин.

51. Акциялар пакетлари (улушлар)ни, объектларни биржа савдоларида сотишда олди-сотдининг биржа битишуви олди-сотди шартномасига тенглаштирилади.

52. Биржадан ташқари савдолар ўтказиш натижалари бўйича давлат мулкининг олди-сотди шартномаси бир томондан Давлат мулки қўмитаси ёки унинг ҳудудий бошқармаси ва иккинчи томондан харидор ўртасида тузилади.

Олди-сотди шартномаси тузилган санасидан бошлаб кучга киради.

53. Олди-сотди шартномасида қуйидаги маълумотлар ва шартлар мажбурий тартибда акс этирилиши керак:

томонларнинг номи ва манзили;

мазкур битишувни содир этиш учун асос (Ҳукумат қарори, Давлат мулкини хорижий инвесторларга сотиш бўйича тендер савдолари ўтказувчи Давлат комиссияси, Давлат мулки қўмитаси ёки унинг ҳудудий бошқармаси буйруғи, ўтказилган биржадан ташқари савдолар натижалари);

сотиладиган давлат активининг тури (номи, тавсифи), миқдори, нархи;
сотиб олиш тўловини амалга ошириш миқдори, валютаси, шартлари ва тартиби, шунингдек муддатлари;

томонларнинг мажбуриятлари, шу жумладан сотиладиган активларга мулк ҳуқуқининг сотувчидан харидорга ўтиши шартлари, тартиби ва изчиллиги, шу жумладан мулк ҳуқуқига далолатнома бериш;

шартнома бўйича қабул қилинадиган мажбуриятлар ўз вақтида бажарилмаганлиги ва/ёки бажарилмаганлиги учун томонларнинг жавобгарлиги, жарима жазоларини тўлаш миқдори ва шартлари;

низоларни ҳал этиш тартиби, шартномани бекор қилиш шартлари, қўлланиладиган ҳуқуқ, форс-мажор ҳолатларни аниқлаш ва бундай ҳолатларда иш кўриш тартиби, шартноманинг тили, нусхалари сони, унга ўзгартириш ва қўшимчалар киритиш шартлари, шартноманинг кучга кириши;

томонларнинг кафолатлари сифатида илова.

Шартномада зарурият бўлганда:

харидор томонидан қабул қилинадиган инвестиция мажбуриятларининг ҳажми (пул ифодасида), умумий мазмуни, шартлари, амалга ошириш изчиллиги ва муддатлари;

тўловни бўлиб-бўлиб тўлаш даврида инвестор томонидан сотиб олинаётган мол-мулк (акциялар, улушлар)дан фойдаланиш ва инвестиция мажбуриятлари бажарилиши шартлари;

инвестиция мажбуриятлари амалга оширилишининг батафсил дастури (режа-жадвали)ни тайёрлаш ва харидор томонидан келишиш учун сотувчига тақдим этиш муддати, унинг бажарилиши мониторинги, харидор томонидан корхона фаолияти ихтисоси сақлаб қолинишининг энг кам даври ва ижтимоий муҳофаза;

инвестиция мажбуриятларининг асосий бандлари мазмунининг тавсифи, унинг харидор томонидан бажарилиши муддатлари, инвестиция мажбуриятлари амалга оширилиши ҳолати тасдиқланиши тартиби ва шартлари.

Инвестор томонидан корхона тўлиқ ёки акциялар (улушлар, пайлар)нинг назорат пакети сотиб олинганда олди-сотди шартномасига мазкур Низомнинг 50-бандида баён қилинган шартлар киритилиши мумкин.

54. Давлат мулки қўмитаси (унинг ҳудудий бошқармаси) хусусийлаштиришдан маблағлар тушиши, янги мулкдорлар томонидан инвестиция мажбуриятлари муддатлари сўзсиз бажарилиши устидан доимий мониторинг олиб боради.

55. Тузиладиган олди-сотди шартномаларида белгиланган сотиб олиш тўловлари ва инвестиция мажбуриятлари инвесторлар томонидан бажарилмаган тақдирда Давлат мулки қўмитаси инвестордан жарима ундириш чораларини кўради ёки бир томонлама тартибда белгиланган тартибда шартномани бекор қилиш ташаббуси билан чиқади. Жарима жазолари миқдори ва шартномани бекор қилиш шартлари шартномаларда кўрсатилади.

Сотиб олаётган давлат активлари учун тўловни хорижий валютада амалга оширган инвестор билан тузилган давлат активларининг олди-сотди шартномаси бекор қилинган тақдирда тузилган шартномага мувофиқ қайтариладиган маблағлар (тегишли жарима санкциялари маблағи ушлаб қолингандан кейин) инвесторнинг розилигига кўра Ўзбекистон Республикаси миллий валютасида, уларни ўтказиш санасидаги курс бўйича, инвестор кўрсатган банк ҳисоб рақамига ўтказилиши мумкин.

IX. Давлат корхоналарини қайта ўзгартириш натижасида ташкил этиладиган хўжалик жамиятларини таъсис этиш хусусиятлари

56. Давлат мулки қўмитаси ёки унинг ҳудудий бошқармаси давлат корхоналарини қайта ташкил қилиш натижасида барпо этиладиган хўжалик жамиятларининг муассислари бўладилар.

57. Корхонани хўжалик жамиятига айлантиришда бошқарув органларини сайлаш (тайинлаш) давлат рўйхатидан ўтказилган пайтдан бошлаб ўн кун муддатда амалга оширилади.

58. Давлат мулки объекти негизда янгидан ташкил этилган хўжалик жамияти давлат тасарруфидан чиқариш (хусусийлаштириш) пайтида корхонада мавжуд бўлган барча ҳуқуқ ва мажбуриятларнинг, шу жумладан, агар таъсис ҳужжатларида ўзгача ҳол назарда тутилмаган бўлса, ер, ер ости бойликлари ва бошқа табиий ресурслардан фойдаланиш ҳуқуқининг ҳуқуқий вориши ҳисобланади.

59. Корхона хўжалик жамиятига айлантирилганда уни давлат рўйхатидан ўтказиш таъсис ҳужжатлари тақдим этилгандан кейин рўйхатдан ўтказувчи органлар томонидан қонун ҳужжатларида белгиланган муддатларда амалга оширилади.

Мазкур Низомга мувофиқ таъсис этилган хўжалик жамиятларини рўйхатдан ўтказишда рўйхатдан ўтказиш йиғимлари ва бошқа тўловлар ундирилмайди. Давлат рўйхатидан ўтказишнинг рад этилишига йўл қўйилмайди.

Акциядорлик жамиятининг рўйхатдан ўтказилган ҳамда нотариал тасдиқланган устави нусхаси унинг раҳбари томонидан Қимматли қоғозлар бозори фаолиятини мувофиқлаштириш ва назорат қилиш марказига (кейинги ўринларда Марказ деб аталади) юборилади.

60. Давлат мулки қўмитаси ёки унинг ҳудудий бошқармаси томонидан корхонани хусусийлаштириш режаси тасдиқланиши уни очиқ акциядорлик жамиятига айлантириш тўғрисидаги қарор, эмиссия проспектини тасдиқлаш эса — акциялар чиқариш (эмиссия) тўғрисидаги қарор ҳисобланади.

61. Давлат корхоналарини акциядорлик жамиятларига айлантириш жараёнида эмиссия қилинган акциялар белгиланган тартибда янги мулкдорга сотилгунга қадар бирламчи жойлаштирилган давлат активлари ҳисобланади.

62. Корхонани қайта ўзгартириш тўғрисидаги буйруқ, эмиссия проспекти (акциялар чиқариш сўровномаси) улар имзолангандан ва тасдиқлангандан кейин 3 кун муддатда Давлат мулки қўмитаси ёки унинг ҳудудий бошқармаси томонидан қимматли қоғозлар чиқаришни рўйхатдан ўтказиш учун Марказга юборилади.

63. Марказ қонун ҳужжатларида белгиланган муддатларда ҳужжатларнинг тўлиқ туркуми олингандан кейин:

қимматли қоғозлар чиқарилишини рўйхатдан ўтказиш;

нақд чиқарилган ҳолларда акциялар намуналари (эскизлари)ни тасдиқлайди;

давлат рўйхатидан ўтказиш санаси, рақами кўрсатилган ва «Рўйхатдан ўтказилди» деган белги қўйилиб, ип ўтказиб тикилган ва ўз муҳри билан тасдиқланган эмиссия проспектининг бир нусхасини акциядорлик жамиятига беради;

эмиссия проспектининг иккинчи нусхасини Давлат мулки қўмитаси ёки унинг ҳудудий бошқармасининг корхонани қайта ўзгартириш тўғрисидаги буйруғи нусхаси билан биргаликда қимматли қоғозлар чиқарилишини ҳисобга олиш учун Марказий депозитарийга беради.

64. Бирламчи эмиссия (акциялар чиқарилиши) проспектлари (чиқариш сўровномалари) Марказ томонидан текин рўйхатдан ўтказилади.

65. Марказий депозитарий мазкур Низомнинг 63-бандида санаб ўтилган хуж-

жатлар олингандан кейин уч кун муддатда акцияларнинг эмиссия проспекти (чиқариш сўровномалари) тавсифини тузади ва эмиссия қилинаётган акцияларни ҳисобга олади. Давлатга тегишли акциялар билан операциялар бўйича Марказий депозитарий хизматларига ва уларни сақлаш учун ҳақ тўлаш давлат тасарруфидан чиқариш (хусусийлаштириш)дан тушган маблағлар ҳисобига Давлат мулки қўмитаси томонидан амалга оширилади.

66. Агар эмиссия проспектида акцияларни махсус бланкалар (нақд шаклда) шаклида чиқариш назарда тутилса, уларни тайёрлашга Давлат мулки қўмитаси ёки унинг ҳудудий бошқармаси томонидан давлат тасарруфидан чиқариш (хусусийлаштириш)дан тушган маблағлар ҳисобига ҳақ тўланади. Бунда уларни чиқариш муддати, шу жумладан Давлат мулки қўмитаси ёки унинг ҳудудий бошқармаси буюртмаси бўйича Ўзбекистон Республикаси Марказий банкининг лицензиясига эга бўлган матбаа корхоналари томонидан тайёрлаш ҳам шу жумлага киради, Марказий депозитарийга сақлаш учун бериш эмиссия проспекти рўйхатдан ўтказилган вақтдан бошлаб бир ойдан ортиқ бўлмаслиги керак.

67. Акцияларни меҳнат жамоаси аъзолари ўртасида тарқатиш акцияларнинг эмиссия проспектига (чиқариш сўровномасига) мувофиқ, шунингдек Давлат мулки қўмитаси (унинг ҳудудий бошқармаси) буйруғи билан (буйруқда акцияларни ҳақини бўлиб-бўлиб тўлаш шарти билан сотиб олган меҳнат жамоаси айрим аъзоларига берилган имтиёзлар кўрсатилади, бироқ бу муддат бир йилдан ортиқ бўлмаслиги керак) Давлат мулки қўмитаси ёки унинг ҳудудий бошқармаси томонидан амалга оширилади (буйруққа илова қилинадиган рўйхатга мувофиқ).

+

Х. Мулкка эгаллик қилиш ҳуқуқини тасдиқловчи далолатномани бериш тартиби

-

68. Давлат тасарруфидан чиқарилган (хусусийлаштирилган) мол-мулкка эгаллик қилиш ҳуқуқининг жорий этилиши янги мулкдор (мулкдорлар) Давлат мулки қўмитаси томонидан бериладиган далолатномани олган пайтдан бошлаб амалга оширилади.

69. Далолатнома бланкаси 12-иловага мувофиқ белгиланган шакл бўйича махсус қоғозда тайёрланади, тартиб рақамига эга бўлади ва қатъий ҳисобда турадиган ҳужжат ҳисобланади.

70. Далолатнома 5 кундан кўп бўлмаган муддатда:

белгиланган тартибда рўйхатдан ўтказилган акциядорлик жамиятига — бошқарув органлари тузилгандан кейин;

масъулияти чекланган ва қўшимча масъулиятли жамиятга ёки ширкатга — инвесторлар томонидан ушбу мақсадлар учун мўлжалланган жамият (ширкат) шакллантирилган устав фонди улушлари сотиб олингандан ва бошқарув органлари тузилгандан кейин;

корхона (объект)ни сотиб олган инвесторга — у мол-мулкнинг сотув қийматини тўлиқ тўлагандан кейин берилади, тузилган битишув нархига кирган инвестиция мажбуриятлари бажарилиши ҳам шу жумлага киради.

71. Мол-мулк тўлов бўлиб-бўлиб тўланган ҳолда сотилганда давлат далолатномаси тузилган олди-сотди шартномасига мувофиқ инвестор томонидан барча мажбуриятлар бажарилгандан кейин берилади.

72. Давлат тасарруфидан чиқарилган (хусусийлаштирилган) мол-мулк (унинг бир қисми) ўзгага берилиши натижасида мулкдор ўзгарган тақдирда ўзгага берилган мол-мулкка янги давлат далолатномаси берилмайди.

73. Давлат мулки объекти ким ошди савдосида ёхуд танлов (тендер) натижалари бўйича сотиб олинган тақдирда давлат далолатномаси Давлат мулки қўмитаси томонидан олди-сотди шартномаси ва битишув шартларига мувофиқ харидор томонидан сотиб олинаётган мол-мулкнинг қийматини тўлаш бўйича барча мажбуриятлар бажарилганлиги тўғрисида тасдиқнома тақдим этилиши асосида берилади.

74. Далолатнома берилганлиги учун янги мулкдор томонидан (акциядорлик жамиятларига айланттирилган корхоналардан ташқари) далолатнома бериш пайтида белгиланган энг кам ойлик иш ҳақининг икки баравари миқдориди давлат божи тўланади.

Давлат мулки бўлган объектларни давлат тасарруфидан чиқариш ва хусусийлаштириш тартиби тўғрисидаги низомга
1-ИЛОВА

(Давлат мулки қўмитаси ҳудудий бошқармасининг номи)

Рўйхатдан ўтказиш №

___ йил «___» _____

Давлат тасарруфидан чиқариш (хусусийлаштириш) учун Б У Ю Р Т М А Н О М А

Қуйидаги манзилда жойлашган _____

(манзил, телефон, факс)

корхона (объект)ни _____

(корхона ёки объектнинг номи)

_____ га

(таклиф қилинаётган шакл — АЖ, масъулияти чекланган ёки қўшимча масъулиятли жамият)

айланттириш, ер участкаси билан биргаликда, ер участкасиз сотиш тўғрисида қарор қабул қилишингизни сўрайман.

(кераксиз иччириб қўйилсин)

Идоравий мансублиги: _____

Ариза берувчи тўғрисидаги маълумотлар:

(нодавлат юридик шахсинг номи)

(манзил, телефон, факс)

(рўйхатдан ўтказиш рақами ва давлат рўйхатидан ўтган санаси)

(ташкилий-ҳуқуқий шакли)

(устав фондидаги давлат улуши, %ларда)

Буюртманомани имзолашга вакил қилинган шахс _____

(Ф.И.О., лавозими)

Ўзбекистон Республикаси Қонун ҳужжатлари тўплами, 2006 й.

(имзо)

___ йил «___» _____

М.Ў.

Изоҳ: Хужжатни тўлдиришда тузатиш ва ўчириб ёзишга йўл қўйилмайди.

Давлат мулки бўлган объектларни давлат
тасарруфидан чиқариш ва хусусийлашти-
риш тартиби тўғрисидаги низомга
2-ИЛОВА

(Давлат мулки кўмитаси ҳудудий бошқармасининг номи)

Рўйхатдан ўтказиш №

___ йил «___» _____

**Давлат тасарруфидан чиқариш (хусусийлаштириш) учун
Б У Ю Р Т М А Н О М А**

Қуйидаги манзилда жойлашган _____
(манзил, телефон, факс)

(корхона ёки объектнинг номи)

_____ га
(таклиф қилинаётган шакл — АЖ, масъулияти чекланган ёки қўшимча масъулиятли жамият)

айлантириш, ер участкаси билан биргаликда, ер участкасиз сотиш тўғрисида қарор
қабул қилишингизни сўрайман.

(кераксизи ўчириб қўйилсин)

Идоравий мансублиги: _____

Ариза берувчи тўғрисидаги маълумотлар:

(жисмоний шахснинг Ф.И.О.)

(манзил, телефон, факс)

(паспортнинг серияси, рақами, ким томонидан ва қачон берилган)

(имзо)

___ йил «___» _____

Изоҳ: Хужжатни тўлдиришда тузатиш ва ўчириб ёзишга йўл қўйилмайди.

Давлат мулки бўлган объектларни давлат тасарруфидан чиқариш ва хусусийлаштириш тартиби тўғрисидаги низомга
3-ИЛОВА

(Давлат мулки кўмитаси ҳудудий бошқармасининг номи)

Рўйхатдан ўтказиш №

_____ йил «_____» _____

**Давлат тасарруфидан чиқариш (хусусийлаштириш) учун
Б У Ю Р Т М А Н О М А**

Қуйидаги манзилда жойлашган _____
(манзил, телефон, факс)

_____ га
(корхона ёки объектнинг номи)

_____ га
(таклиф қилинаётган шакл — АЖ, масъулияти чекланган ёки қўшимча масъулиятли жамият)

айлантириш, ер участкаси билан биргаликда, ер участкасиз сотиш тўғрисида қарор қабул қилишингизни сўрайман.

(кераксизи ўчириб қўйилсин)

Идоравий мансублиги: _____
Ариза берувчи: _____

_____ га
(корхонанинг меҳнат жамоаси)

Буюртманомани имзолашга вакил қилинган шахс _____
(Ф.И.О., лавозими)

_____ га
(имзо)

_____ йил «_____» _____

М.Ў.

Изоҳ: Ҳужжатни тўлдиришда тузатиш ва ўчириб ёзишга йўл қўйилмайди.

Давлат мулки бўлган объектларни давлат тасарруфидан чиқариш ва хусусийлаштириш тартиби тўғрисидаги низомга
4-ИЛОВА

(Давлат мулки кўмитаси худудий бошқармасининг номи)

Рўйхатдан ўтказиш №

___ йил «___» _____

Хусусийлаштирилаётган корхонада улушни сотиб олишга Б У Ю Р Т М А Н О М А

Қуйидаги манзилда жойлашган _____
(манзил, телефон, факс)

хусусийлаштирилаётган _____
(корхонанинг номи)

_____ %
(сотиб олинаётган улуш миқдори)

(улушлар ва акциялар 35 фонддан ортиқ сотиб олинган тақдирда монополияга қарши курашиш органининг розилиги, қарорнинг рақами ва санаси)

улушни сотиш тўғрисида қарор қабул қилишингизни сўрайман.

Идоравий мансублиги: _____

Ариза берувчи тўғрисидаги маълумотлар:

(нодавлат юридик шахснинг номи)

(манзил, телефон, факс)

(рўйхатдан ўтказиш рақами ва давлат рўйхатидан ўтган санаси)

(ташкилий-ҳуқуқий шакли)

(устав фондидаги давлат улуши, %ларда)

Буюртманомани имзолашга вакил қилинган шахс _____
(Ф.И.О., лавозими)

(имзо)

___ йил «___» _____

М.Ў.

Изоҳ: Ҳужжатни тўлдиришда тузатиш ва ўчириб ёзишга йўл қўйилмайди.

Давлат мулки бўлган объектларни давлат тасарруфидан чиқариш ва хусусийлаштириш тартиби тўғрисидаги низомга
4а-ИЛОВА

(Давлат мулки кўмитаси ҳудудий бошқармасининг номи)

Рўйхатдан ўтказиш №

___ йил «___» _____

Хусусийлаштирилаётган корхонада улушни сотиб олишга Б У Ю Р Т М А Н О М А

Қуйидаги манзилда жойлашган _____
(манзил, телефон, факс)

_____ (корхонанинг номи)

_____ %
(сотиб олинаётган улуш миқдори)

(улушлар ва акциялар 35 фонддан ортиқ сотиб олинган тақдирда монополияга қарши курашиш органининг розилиги, қарорнинг рақами ва санаси)
улушни сотиш тўғрисида қарор қабул қилишингизни сўрайман.

Идоравий мансублиги: _____
Ариза берувчи тўғрисидаги маълумотлар:

_____ (жисмоний шахснинг Ф.И.О.)

_____ (манзил, телефон, факс)

_____ (паспорт серияси, рақами, ким томонидан ва қачон берилган)

_____ (имзо)

___ йил «___» _____

Изоҳ: Ҳужжатни тўлдиришда тузатиш ва ўчириб ёзишга йўл қўйилмайди.

Давлат мулки бўлган объектларни давлат тасарруфидан чиқариш ва хусусийлаштириш тартиби тўғрисидаги низомга
5-ИЛОВА

Эмиссия қилинган акцияларнинг бир қисмини ўз маблағлари ҳисобига номинал қиймати бўйича сотиб олиш хоҳишини билдирган давлат тасарруфидан чиқарилган (хусусийлаштирилган) корxonанинг меҳнат жамоаси аъзоларининг имзолаш варақаси

Т/р	Фамилияси, исми, отасининг исми	Эгаллаб турган лавозими	Иш стажи, йил	Номинал қиймати бўйича сотиб олинган акцияларнинг умумий қиймати, сўм
1	2	3	4	5

+

-

Давлат мулки бўлган объектларни давлат тасарруфидан чиқариш ва хусусийлаштириш тартиби тўғрисидаги низомга
6-ИЛОВА

Асосий фондларни хатлаш ва баҳолаш қийматини аниқлаш ДАЛОЛАТНОМАСИ

(корхонанинг номи)

_____ йил «___» _____ даги ҳолатига кўра амалдаги нархларда

Т/р	Инв. №	Хатлов объектининг номи, техник тавсифи	Фойдаланишга топшириш санаси йил ва ой	Дастлабки баланс қиймати, минг сўм	Асосий фондлар амортизацияси бўйича ҳисоб-китоблар				
					Шифр	Норма		Фойд. муддати, йил	Эскириш, %
						1997 йил 1 январгача	1997 йил 1 январдан		
1	2	3	4	5	6	7	8	9	10
1.									
2.									

Жадвалнинг давоми

Эскириш, минг сўм	Қолдиқ қиймат, минг сўм гр. 5 - гр. 11	Статистика органларига тақдим этиладиган баҳолаш санасидаги қайта ҳисоблаш коэффициентлари	Амалдаги нархларда тикланадиган қиймат, минг сўм гр. 5 – гр. 13	Амалдаги нархларда баҳолаш қиймати (қайта ҳисоблаш коэффициентини ва амортизацияланган асосий фондларни тўлиқ баҳолашни ҳисобга олган ҳолдаги қолдиқ қиймат) минг сўм
11	12	13	14	15

Ҳаммаси:

Баҳоловчи компания раҳбари _____

Изоҳ. 1—12-устунлар комиссия раиси ва аъзолари томонидан имзоланган хатловдан ўтказиш далолатномалари асосида тўлдирилади.

+

+

Давлат мулки бўлган объектларни давлат тасарруфидан чиқариш ва хусусийлаштириш тартиби тўғрисидаги низомга
7-ИЛОВА

Ижтимоий инфратузилма ва атропо муҳитни муҳофаза қилиш объектларини хатлаш ва баҳолаш қийматини аниқлаш ДАЛОЛАТНОМАСИ

(корхонанинг номи)

_____ йил «___» _____ даги ҳолатига кўра амалдаги нархларда

Т/р	Инв. №	Хатлов объектининг номи, техник тавсифи	Фойдаланишга топшириш санаси йил ва ой	Дастлабки баланс қиймати, минг сўм	Асосий фондлар амортизацияси бўйича ҳисоб-китоблар				
					Шифр	Норма		Фойдаланиш муддати, йил	Эскириш, %
						1997 йил 1 январгача	1997 йил 1 январдан		
1	2	3	4	5	6	7	8	9	10
1.									
2.									

Жадвалнинг давоми

Эскириш, минг сўм	Қолдиқ қиймат, минг сўм гр. 5 - гр. 11	Статистика органларига тақдим этиладиган баҳолаш санасидаги қайта ҳисоблаш коэффициентлари	Амалдаги нархларда тикланадиган қиймат, минг сўм гр. 5 – гр. 13	Амалдаги нархларда баҳолаш қиймати (қайта ҳисоблаш коэффициентини ва амортизацияланган асосий фондларни тўлиқ баҳолашни ҳисобга олган ҳолдаги қолдиқ қиймат) минг сўм
11	12	13	14	15

Ҳаммаси:

Баҳоловчи компания раҳбари _____

Изоҳ. 1—12-устунлар комиссия раиси ва аъзолари томонидан имзоланган хатловдан ўтказиш далолатномалари асосида тўлдирилади.

Давлат мулки бўлган объектларни давлат тасарруфидан чиқариш ва хусусийлаштириш тартиби тўғрисидаги низомга
8-ИЛОВА

292-модда

Тугалланмаган қурилишни хатлаш ва баҳолаш ДАЛОЛАТНОМАСИ

_____ йил «___» _____ даги ҳолатига кўра амалдаги нархларда

Йил	Харажатлар ҳажми, минг рублда, сўм-купонда, сўмда	Асос (базарилган ишлар далолатномаси, тартиб рақамлари ва санаси)	Баланс қиймати		Амалдаги нархларда баҳолаш қиймати, минг сўм
			Қайта ҳисоблаш коэффициенти	Сумма минг сўм	
1	2	3	4	5	6
1990 йилгача					
1991 йил					
1992 йил					
1993 йил					
1994 йил					
1995 йилдан баҳолаш санасигача					
Ҳаммаси:					

Баҳоловчи компания раҳбари _____

Изоҳ. 1—5-устунлар комиссия раиси ва аъзолари томонидан имзоланган хатловдан ўтказиш далолатномалари асосида тўлдирилади.

— 44 —

30 (218)-сон

+

Давлат мулки бўлган объектларни давлат тасарруфидан чиқариш ва хусусийлаштириш тартиби тўғрисидаги низомга
9-ИЛОВА

**Ўрнатилмаган асбоб-ускуналарни хатлаш ва баҳолаш
ДАЛОЛАТНОМАСИ**

(корхонанинг номи)

_____ йил «___» _____ даги ҳолатига кўра амалдаги нархларда

Т/р	Инв. №	Хатлов объектнинг номи, техник тавсифи	Дастлабки баланс қиймати, минг сўм	Статистика органларига тақдим этиладиган баҳолаш санасидаги қайта ҳисоблаш коэффициентлари	Амалдаги нархларда баҳолаш қиймати
1	2	3	4	5	6

Ҳаммаси:

Баҳоловчи компания раҳбари _____

Изоҳ. 1—5-устунлар комиссия раиси ва аъзолари томонидан имзоланган хатловдан ўтказиш далолатномалари асосида тўлдирилади.

Давлат мулки бўлган объектларни давлат тасарруфидан чиқариш ва хусусийлаштириш тартиби тўғрисидаги низомга
10-ИЛОВА

**Ер участкаси (ер участкалари, ер ости бойликлари ва бошқа табиий ресурслардан фойдаланиш ҳуқуқлари) қийматини баҳолаш
ДАЛОЛАТНОМАСИ**

_____ йил «___» _____ даги ҳолатга кўра амалдаги нархларда

Т/р	Табиий ресурсларнинг номи	Объектнинг жойлашган ўрни	Фойдаланиш ҳуқуқини тасдиқловчи давлат далолатномасининг реқвизитлари (ишланмалар)	Кадастр тартиб рақами
1	2	3	4	5
1.	Ер участкаси			
2.	Табиий ресурслар			
	а)			
	б)			
	в)			
3.	Ер ости бойликларидан фойдаланиш ҳуқуқи			

Жадвалнинг давоми

Ресурсларнинг техник кўрсаткичлари					Саноат заҳиралари қолдиқларининг баҳолаш қиймати	Ер участкасининг қиймати (фойдаланиш ҳуқуқи)
Кон таркиби ва фойдали элементлар миқдори тўғрисидаги маълумотлар	Разведка қилинган саноат заҳиралари	Саноат заҳиралари қолдиғи	Конларнинг жойлашиш параметрлари	Объектларнинг жойлашиш схемаси тўғрисидаги маълумотлар (кадастр хизмати маълумотлари бўйича)		
6	7	8	9	10	11	12

Ҳаммаси:

Баҳоловчи компания раҳбари _____

Изоҳ. 1—5-устунлар комиссия раиси ва аъзолари томонидан имзоланган хатловдан ўтказиш далолатномалари асосида тўлдирилади.

Давлат мулки бўлган объектларни давлат тасарруфидан чиқариш ва хусусийлаштириш тартиби тўғрисидаги низомга
11-ИЛОВА

**Корхона (объект) мол-мулкни баҳолаш
ЙИҒМА ДАЛОЛАТНОМАСИ**

_____ йил _____ даги ҳолатга кўра

минг сўм

Т/р	Кўрсаткичларнинг номи	Миқдор
I	Активлар	
1.	Ижтимоий инфратузилма ва атроф муҳитни муҳофаза қилиш объектларини ҳисобга олган ҳолда асосий фондларнинг амалдаги нархлардаги баҳолаш (қолдиқ) қиймати (асосий фондларни хатлаш ва уларнинг қолдиқ қийматини амалдаги нархларда аниқлаш далолатномаси).	
2.	Номоддий активларнинг қолдиқ қиймати (баланс бўйича қабул қилинади).	
3.	Капитал қўйилмаларнинг амалдаги нархлардаги баҳолаш қиймати: а) Тугалланмаган қурилишнинг баҳолаш қиймати (тугалланмаган қурилишни хатлаш ва амалдаги нархларда баҳолаш далолатномаси); б) Ўрнатилмаган асбоб-ускунанинг баҳолаш қиймати (ўрнатилмаган асбоб-ускунани хатлаш ва амалдаги нархларда баҳолаш далолатномаси).	
4.	Узоқ муддатли молиявий қўйилмалар ва инвестициялар (баланс бўйича қабул қилинади).	
5.	Бошқа узоқ муддатли активлар (баланс бўйича қабул қилинади).	
6.	Ер участкасининг қиймати (ер участкалари, ер ости бойликлари ва бошқа табиий ресурслардан фойдаланиш ҳуқуқи)	
7.	Айланма активлар (II бўлим — баланс активлари).	
	Активларнинг ҳаммаси.	
II	Пассивлар (корхонанинг мажбуриятлари)	
III	Ижтимоий инфратузилма ва атроф муҳитни муҳофаза қилиш объектларини ҳисобга олган ҳолда мол-мулкнинг амалдаги нархларда баҳолаш қиймати (I бўлим суммаси – II бўлим суммаси).	
IV	Ижтимоий инфратузилма ва атроф муҳитни муҳофаза қилиш объектларининг қиймати (ижтимоий инфратузилма ва атроф муҳитни муҳофаза қилиш объектларини хатлаш ва уларнинг қолдиқ қийматини амалдаги нархларда аниқлаш далолатномаси).	
V	Ижтимоий инфратузилма ва атроф муҳитни муҳофаза қилиш объектларининг баҳолаш қийматини ҳисобга олмаган ҳолда мол-мулкнинг баҳолаш қиймати (III бўлим — V бўлим).	

Баҳоловчи компания раҳбари _____

Изоҳ: IV—VI бўлимлар ижтимоий инфратузилма ва атроф муҳитни муҳофаза қилиш объектлари давлат тасарруфидан чиқариладиган (хусусийлаштириладиган) корхона (объект)га фойдаланиш учун берилган ҳолларда тўлдирилади.

Давлат мулки бўлган объектларни давлат тасарруфидан чиқариш ва хусусийлаштириш тартиби тўғрисидаги низомга
12-ИЛОВА

ТИТУЛ ВАРАҚ

Ўзбекистон Республикасининг
Давлат герби

**ЎЗБЕКИСТОН РЕСПУБЛИКАСИ ДАВЛАТ МУЛКИНИ БОШҚАРИШ
ДАВЛАТ ҚЎМИТАСИ**

**МУЛККА ЭГАЛИК ҚИЛИШ ҲУҚУҚИНИ БЕРУВЧИ
ДАВЛАТ ДАЛОЛАТНОМАСИ**

—

(Ўзбекистон Республикаси Давлат байроғи фонида
олтин босма ҳарфлар билан ёзилади)

+

Далолатноманинг орқа томони

**МУЛККА ЭГАЛИК ҚИЛИШ ХУҚУҚИНИ БЕРУВЧИ
ДАВЛАТ ДАЛОЛАТНОМАСИ № _____**

_____ манзилда турувчи (яшовчи)

(юридик шахснинг номи ёки jismoniy шахснинг

_____ га

– янги мулк эгасининг Ф.И.О.)

қиймати _____ бўлган

(сумма ёзув билан)

(давлат тасарруфидан чиқарилган ёки хусусийлаштирилган давлат мулки номи)

_____ мулкка эгалик қилиш ҳуқуқи берилди.

Паспорт серияси _____ рақами _____

_____ қачон ва ким томонидан берилган.

Ҳисоб-китоб рақами ва банк бўлими _____

Мазкур далолатнома _____

(мазкур далолатномани берган ташкилотнинг номи)

томонидан _____ асосида берилди.

(далолатномани бериш асоси)

Ўзаро мажбуриятлар тўғрисида битим тузилди:

_____ йил «___» _____ № _____

Далолатнома берилган ва рўйхатдан ўтказилган сана _____

Қўмита раиси

(Худудий бошқарма бошлиғи)

(_____)

Ф.И.О.

М.Ў.

Вазирлар Маҳкамасининг
2006 йил 21 июлдаги 145-сон қарорига
2-ИЛОВА

**Ўзбекистон Республикаси Ҳукуматининг ўз кучини йўқотган
қарорлари рўйхати**

1. Вазирлар Маҳкамасининг «2001-2002 йилларда хорижий инвесторларни жалб этган ҳолда корхоналарни давлат тасарруфидан чиқариш ва хусусийлаштириш бўйича келгусидаги чора-тадбирлар тўғрисида» 2001 йил 9 мартдаги 119-сон қарорининг 1-банди (Ўзбекистон Республикаси ҚТ, 2001 й., 3-сон, 17-модда) ва қарорга 5-илова.

2. Вазирлар Маҳкамасининг «Ички валюта бозорида алмашув курсларини бир-

Ўзбекистон Республикаси Қонун ҳужжатлари тўплами, 2006 й.

хиллаштириш чора-тадбирлари тўғрисида» 2001 йил 25 октябрдаги 422-сон қарорига (Ўзбекистон Республикаси ҚТ, 2001 й., 10-сон, 58-модда) 1-илованинг II бўлими 1-банди.

3. Вазирлар Маҳкамасининг «Давлат тасарруфидан чиқариш ва хусусийлаштириш дастурлари амалга оширилишини, хорижий инвестицияларни жалб этиш фаоллаштирилишини таъминлашга доир қўшимча чора-тадбирлар тўғрисида» 2002 йил 26 мартдаги 97-сон қарорига (Ўзбекистон Республикаси ҚТ, 2002 й., 3-сон, 17-модда) 3-илованинг 9-банди.

4. Вазирлар Маҳкамасининг «Ўзбекистон Республикаси Ҳукуматининг айрим қарорларига ўзгартириш ва қўшимчалар киритиш ҳамда айримларини ўз кучини йўқотган деб ҳисоблаш тўғрисида» 2002 йил 5 сентябрдаги 317-сон қарорига (Ўзбекистон Республикаси ҚТ, 2002 й., 9-сон, 50-модда) илованинг 4-банди.

5. Вазирлар Маҳкамасининг «Ўзбекистон Республикаси Ҳукуматининг айрим қарорларига ўзгартиришлар киритиш тўғрисида» 2003 йил 28 февралдаги 112-сон қарорига (Ўзбекистон Республикаси ҚТ, 2003 й., 2-сон, 19-модда) илованинг 42-банди.

6. Вазирлар Маҳкамасининг «2003-2004 йилларда корхоналарни давлат тасарруфидан чиқариш ва хусусийлаштириш дастури тўғрисида» 2003 йил 17 апрелдаги 185-сон қарорига (Ўзбекистон Республикаси ҚТ, 2003 й., 4-сон, 30-модда) 6-илованинг 15-банди.

7. Вазирлар Маҳкамасининг «Ўзбекистон Республикаси Ҳукуматининг айрим қарорларига ўзгартириш ва қўшимчалар киритиш тўғрисида» 2003 йил 9 июлдаги 307-сон қарорига (Ўзбекистон Республикаси ҚТ, 2003 й., 7-сон, 59-модда) 1-илованинг 4-банди.

8. Вазирлар Маҳкамасининг «Давлат мулки айрим объектларини инвестиция мажбуриятлари эвазига бепул беришни жадаллаштириш чора-тадбирлари тўғрисида» 2004 йил 5 май 209-сон қарорига (Ўзбекистон Республикаси ҚТ, 2004 й., 5-сон, 45-модда) 2-илованинг 3-банди.

9. Вазирлар Маҳкамасининг «Ўзбекистон Республикаси Ҳукуматининг айрим қарорларига ўзгартиришлар киритиш тўғрисида» 2005 йил 12 августдаги 196-сон қарорига (Ўзбекистон Республикаси ҚТ, 2005 й., 8-сон, 43-модда) 2-илованинг 16-банди.

ЎЗБЕКИСТОН RESPUBLIKACI VAZIRLAR MAХKAMACIНИНГ
ҚАРОРИ**293** Ўзбекистон Республикаси Президентининг «Юридик шахслар ва фуқароларнинг бинолари ҳамда иншоотлари билан банд бўлган ер участкаларини хусусийлаштириш тўғрисида» 2006 йил 24 июлдаги ПФ–3780-сон Фармонини амалга ошириш ҳақида

Ўзбекистон Республикаси Президентининг «Юридик шахслар ва фуқароларнинг бинолари ҳамда иншоотлари билан банд бўлган ер участкаларини хусусийлаштириш тўғрисида» 2006 йил 24 июлдаги ПФ–3780-сон Фармонини бажариш юзасидан ҳамда бинолар, иншоотлар ва якка тартибдаги уй-жойлар билан банд бўлган ер участкаларини хусусийлаштиришни таъминлаш бўйича зарур ташкилий-ҳуқуқий чора-тадбирларни амалга ошириш мақсадида Вазирлар Маҳкамаси **қарор қилади:**

1. Қорақалпоғистон Республикаси Вазирлар Кенгаши, вилоятлар, шаҳарлар ва туманлар ҳокимликлари «Ергеодезкадастр» давлат қўмитаси билан биргаликда 2006 йил 1 декабргача бўлган муддатда:

ер участкаларининг ер тўғрисидаги қонун ҳужжатлари талабларига мувофиқ мақсадларда фойдаланилаётганлигини аниқлаган ҳолда эгалик қилиш, фойдаланиш учун ва ижарага берилган ер участкаларини;

якка тартибдаги уй-жой қурилиши ер фондини шакллантириш, шу жумладан корхоналар, ташкилотлар ва муассасаларнинг бўш турган ва самарасиз фойдаланилаётган ер майдонлари ҳисобига яратиш мақсадида, аҳоли яшаш пунктларидаги ер майдонларини, шунингдек уларга ёндош ҳудудларни хатловдан ўтказсинлар.

Хатловдан ўтказиш натижаларига кўра Ўзбекистон Республикаси «Давархитектқурилиш» қўмитаси билан биргаликда, якка тартибдаги уй-жой мавзеларини жойлаштиришни ҳисобга олган ҳолда, аҳоли яшаш пунктларининг бош режаларига, муҳандислик инфратузилмаси схемаларига тузатишлар киритилсин.

Ер эгалари ва ердан фойдаланувчилар томонидан ер тўғрисидаги қонун ҳужжатларининг бузилишлари аниқланганда, қонун ҳужжатларида белгиланган ҳолларда ва тартибда ер участкалари олиб қўйилсин, кейинчалик улар ушбу участкаларда ишлаб чиқариш фаолиятини амалга ошириш хоҳишини билдирган шахсларга берилсин.

2. Ўзбекистон Республикаси Иқтисодиёт вазирлиги Молия вазирлиги, «Ергеодезкадастр» давлат қўмитаси ва «Давархитектқурилиш» қўмитаси билан биргаликда 2006 йил 1 декабргача бўлган муддатда ер фондининг иқтисодий зоналарини аниқласин.

3. Белгилаб қўйилсинки, ер участкалари гаров таъминоти сифатида белгиланган тартибда банкларга ва бошқа кредит муассасаларига ўтган ҳолларда улар ушбу ер участкаларини мулк ҳуқуқи ўзларига ўтган вақтдан бошлаб олти ойдан кечикмасдан сотувга қўйишлари шарт.

4. Ўзбекистон Республикаси Молия вазирлиги, Иқтисодиёт вазирлиги, Давлат солиқ қўмитаси 2006 йил 1 октябргача бўлган муддатда Вазирлар Маҳкамасига хусусийлаштирилган ер участкаларига солиқ солиш, шунингдек ижарага берилган ер участкалари учун ижара тўлови миқдорлари юзасидан таклифлар киритсинлар.

5. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари Р.С. Азимов зиммасига юклансин.

Ўзбекистон Республикасининг Бош вазири Ш. МИРЗИЁЕВ

Тошкент ш.,
2006 йил 26 июль,
147-сон

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ
ҚАРОРИ

294 Ўзбекистон Республикаси Ҳукуматининг айрим қарорларига қўшимчалар киритиш тўғрисида (Ўзбекистон Республикаси Президентининг «Ўзбекистон Республикасининг Тикланиш ва тараққиёт жамғармасини ташкил этиш тўғрисида» 2006 йил 11 майдаги ПФ–3751-сон Фармони)

Ўзбекистон Республикаси Президентининг «Ўзбекистон Республикасининг Тикланиш ва тараққиёт жамғармасини ташкил этиш тўғрисида» 2006 йил 11 майдаги ПФ–3751-сон Фармонига мувофиқ Вазирлар Маҳкамаси **қарор қилади:**

Ўзбекистон Республикаси Ҳукуматининг иловага мувофиқ айрим қарорларига қўшимчалар киритилсин.

Ўзбекистон Республикасининг Бош вазири Ш. МИРЗИЁЕВ

Тошкент ш.,
2006 йил 27 июль,
149-сон

Вазирлар Маҳкамасининг
2006 йил 27 июлдаги 149-сон қарорига
ИЛОВА

**Ўзбекистон Республикаси Ҳукуматининг айрим қарорларига
киритилаётган қўшимчалар**

1. Вазирлар Маҳкамасининг «Биржадан ташқари валюта бозорини ташкил этиш чора-тадбирлари тўғрисида» 2001 йил 10 июлдаги 294-сон қарорида (Ўзбекистон Республикаси ҚТ, 2001 й., 7-сон, 38-модда):

а) 1-илованинг 11-бандига қуйидаги таҳрирдаги хатбоши қўшилсин:

«Ўзбекистон Республикасининг Тикланиш ва тараққиёт жамғармасига қонун

хужжатларида назарда тутилган манбалардан тушаётган миллий валютадаги маблағларни Марказий банк томонидан хорижий валютага конвертация қилишда;

б) 2-иловада:

10-банднинг охири хатбошига «Ўзбекистон Республикасининг Тикланиш ва тараққиёт жамғармасига тушаётган миллий валютадаги маблағларни Марказий банк томонидан конвертация қилиш бундан мустасно» сўзлари қўшилсин;

25-бандга қуйидаги тахрирдаги хатбоши қўшилсин:

«Ўзбекистон Республикасининг Тикланиш ва тараққиёт жамғармасига қонун хужжатларида назарда тутилган манбалардан тушаётган миллий валютадаги маблағларни Марказий банк томонидан хорижий валютага конвертация қилиш».

2. Вазирлар Маҳкамасининг 2003 йил 2 апрелдаги 173-сон қарори (Ўзбекистон Республикаси ҚТ, 2003 й., 4-сон, 28-модда) билан тасдиқланган Ўзбекистон Республикаси Иш билан таъминлашга қўмаклашиш давлат жамғармаси маблағларини шакллантириш ва улардан фойдаланиш тартиби тўғрисидаги низомнинг 9-бандига қуйидаги мазмундаги хатбоши қўшилсин:

«Ўзбекистон Республикасининг Тикланиш ва тараққиёт жамғармаси».

3. Вазирлар Маҳкамасининг 2003 йил 21 августдаги 361-сон қарори (Ўзбекистон Республикаси ҚТ, 2003 й., 8-сон, 74-модда) билан тасдиқланган Ўзбекистон Республикаси Молия вазирлиги ҳузуридаги Республика йўл жамғармаси даромадларини шакллантириш ва маблағларини сарфлаш тартиби тўғрисидаги низомда:

а) 29-банднинг олтинчи хатбошига «Ўзбекистон Республикаси Марказий банки» сўзларидан кейин «Ўзбекистон Республикасининг Тикланиш ва тараққиёт жамғармаси» сўзлари қўшилсин;

б) 31-бандга биринчи хатбошидан кейин қуйидаги мазмундаги янги хатбоши қўшилсин:

«Ўзбекистон Республикасининг Тикланиш ва тараққиёт жамғармаси»;

иккинчи—тўққизинчи хатбоши тегишли равишда учинчи—ўнинчи хатбоши деб ҳисоблансин.

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

295 Республика ахборот-кутубхона тизими фаолиятини мувофиқлаштириш бўйича Идоралараро кенгаш тўғрисидаги низомни тасдиқлаш ҳақида

Ўзбекистон Республикаси Президентининг «Республика аҳолисини ахборот-кутубхона билан таъминлашни ташкил этиш тўғрисида» 2006 йил 20 июндаги ПҚ-381-сон қарорига мувофиқ Вазирлар Маҳкамаси **қарор қилади:**

1. Республика ахборот-кутубхона тизими фаолиятини мувофиқлаштириш бўйича Идоралараро кенгаш тўғрисидаги низом иловага мувофиқ тасдиқлансин.

2. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари Р.С. Қосимов зиммасига юклансин.

Ўзбекистон Республикасининг Бош вазири Ш. МИРЗИЁЕВ

Тошкент ш.,
2006 йил 27 июль,
150-сон

Вазирлар Маҳкамасининг
2006 йил 27 июлдаги 150-сон қарорига
ИЛОВА

**Республика ахборот-кутубхона тизими фаолиятини
мувофиқлаштириш бўйича Идоралараро кенгаш тўғрисида
НИЗОМ**

I. Умумий қоидалар

1. Республика ахборот-кутубхона тизими фаолиятини мувофиқлаштириш бўйича Идоралараро кенгаш (кейинги ўринларда Идоралараро кенгаш деб аталади) Ўзбекистон Республикаси ахборот-ресурс марказлари, ахборот-кутубхона марказлари ва кутубхоналари фаолиятини унинг йўналишларига мувофиқ мувофиқлаштиришни амалга оширувчи коллегиял идоралараро орган ҳисобланади.

2. Идоралараро кенгаш ўз фаолиятида Ўзбекистон Республикаси Конституциясига, Ўзбекистон Республикаси қонунларига, Ўзбекистон Республикаси Олий Мажлиси палаталари қарорларига, Ўзбекистон Республикаси Президентининг фармонлари, қарорлари ва фармойишларига, Ўзбекистон Республикаси Вазирлар Маҳкамасининг қарорлари ва фармойишларига, шунингдек ушбу Низомга амал қилади.

3. Идоралараро кенгаш Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари, кутубхона шохобчаларига эга бўлган вазирликлар ва идоралар билан ўзаро ҳамкорлик қилади.

**II. Идоралараро кенгашнинг вазифалари, функциялари
ва ҳуқуқлари**

4. Қуйидагилар Идоралараро кенгашнинг асосий вазифалари ҳисобланади:
Ўзбекистон Республикасининг миллий ахборот-кутубхона тизими ва миллий ахборот-кутубхона фонди фаолият кўрсатиши ва ривожлантирилиши соҳасидаги стратегик устувор вазифаларни амалга ошириш;

тармоқлараро ташкилий-методик раҳбарликни амалга ошириш, ахборот-ресурс марказларини, ахборот-кутубхона марказларини ва кутубхоналарни улар фаолиятининг барча йўналишлари бўйича ривожлантириш ишларини мувофиқлаштириш;

ахборот-ресурс марказлари, ахборот-кутубхона марказлари ва кутубхоналарнинг, кутубхона-ахборот хизмати кўрсатиш тизимининг мақбул фаолият кўрсатиши бўйича, мамлакатимиз ва хориждаги илмий-ахборот фаолияти ривожланишини ҳисобга олган ҳолда тавсияномалар ишлаб чиқиш.

5. Идоралараро кенгаш асосий вазифаларига мувофиқ қуйидаги функцияларни бажаради:

Ўзбекистон Республикаси Қонун ҳужжатлари тўплами, 2006 й.

Ўзбекистон Республикасининг ягона ахборот-кутубхона тизими сифатида ахборот-ресурс марказларини, ахборот-кутубхона марказларини ва кутубхоналарни ривожлантиришнинг асосий йўналишларини белгилайди;

ахборот-ресурс марказларини, ахборот-кутубхона марказларини ва кутубхоналарни комплектлашнинг асосий йўналишлари, мамлакатимиздаги адабиётлар (шу жумладан ҳужжатларнинг мажбурий нусхалари), қоғоз ва электрон манбалардаги хорижий нашрлар (шу жумладан халқаро китоблар алмашиш), маълумотлар базалари ва банклари билан энг тўлиқ таъминлаш бўйича тавсияномалар ишлаб чиқади ва ишларни мувофиқлаштиради;

ахборот-ресурс марказлари, ахборот-кутубхона марказлари ва кутубхоналар фондларининг физик ҳолатини нашрларнинг, айниқса ноёб фондлар ва маданий мерос ёдгорликларининг сақланишини таъминлаш бўйича чора-тадбирлар ҳамда тавсияномалар ишлаб чиқиш йўли билан назорат қилишни ташкил этади;

республика ахборот-ресурс марказлари, ахборот-кутубхона марказлари ва кутубхоналар учун мамлакатимиздаги ва хорижий нашрларга обуна бўлишга бюджет, шу жумладан валюта маблағларини тақсимлаш, шунингдек кутубхона ишларини юритишнинг илғор технологиялари негизда кутубхона кадрларини тайёрлаш ва қайта тайёрлаш бўйича таклифларни кўриб чиқади ҳамда Ўзбекистон Республикаси Вазирлар Маҳкамасига киритади;

республика ахборот-ресурс марказлари, ахборот-кутубхона марказлари ва кутубхоналари фаолиятини тартибга солувчи норматив ҳужжатларнинг ишлаб чиқиш-лишини таъминлайди;

ахборот-ресурс марказларида ва ахборот-кутубхона марказларида янги ахборот технологияларини жорий этиш ишларини мувофиқлаштиради;

республикада ахборот-кутубхона ишларини истиқболли ривожлантиришнинг комплекс дастурларини ва асосий йўналишларини ишлаб чиқиш ва амалга ошириш ишларини мувофиқлаштиради;

ахборот-ресурс марказлари, ахборот-кутубхона марказлари ва кутубхоналарнинг нашриётлар, китоб савдоси ташкилотлари ҳамда оммавий ахборот воситалари билан ўзаро ҳамкорлигини яхшилаш чора-тадбирларини ишлаб чиқади;

ахборот-ресурс марказлари, ахборот-кутубхона марказлари ва кутубхоналар фондларини шакллантириш ва улардан фойдаланиш, адабиётларни нашр этиш ва қайта нашр этиш ҳамда уларнинг тиражларини белгилаш бўйича таклифлар тайёрлайди;

республика ахборот-ресурс марказлари, ахборот-кутубхона марказлари ва кутубхоналарида меҳнат шароитларини яхшилашга ва уларни кадрлар билан мустаҳкамлашга йўналтирилган таклифлар тайёрлайди;

республиканинг ахборот-кутубхона шохобчаларини ривожлантириш, шу жумладан электрон каталоглар ташкил этиш тизимини ривожлантириш, электрон илмий-таълим ресурсларидан фойдаланишнинг корпоратив тизимларини, ноёб фондларни рақамлаштириш марказларини ва шу кабиларни ташкил этиш бўйича илмий-техник лойиҳаларни ишлаб чиқиш ва амалга оширишда ташаббус кўрсатади;

иш тажрибаларини ўрганиш, халқаро кутубхоналараро абонементни ривожлантириш, ахборотларни ўзаро айирбошлаш, халқаро кутубхона анжуманларида ва ташкилотларида қатнашиш учун чет эл кутубхоналари, нашриётлари, ахборот марказлари билан халқаро ҳамкорликни ривожлантириш бўйича тавсияномалар ишлаб чиқади;

халқаро ва республика кутубхона конференциялари ва семинарларини ташкил этишда ва ўтказишда ташаббус кўрсатади.

6. Идоралараро кенгаш ўзига юкланган вазифалар ва функцияларни бажариш учун қуйидаги ҳуқуқларга эга:

республика ахборот-ресурс марказлари, ахборот-кутубхона марказлари ва кутубхоналари фаолиятининг мувофиқлаштирилишини яхшилашга йўналтирилган қарорлар қабул қилиш;

вазирликлар ва идоралардан, маҳаллий давлат ҳокимияти органларидан Идоралараро кенгаш ваколатига тааллуқли ахборот ва маълумотнома материалларини белгиланган тартибда сўраш ва олиш;

ахборот-ресурс марказлари, ахборот-кутубхона марказлари ва кутубхона муассасалари вакилларининг ахборот-кутубхона ишлари соҳасидаги ишларни таъминлаш ва такомиллаштиришнинг аҳволи ва чора-тадбирлари тўғрисидаги ҳисоботлари ва маърузаларини эшитиш;

ахборот-ресурс марказлари, ахборот-кутубхона марказлари ва кутубхоналар фаолиятининг энг муҳим масалалари бўйича таклифларни ўрганиш ва таклифлар тайёрлаш учун ишчи комиссиялар ва эксперт гуруҳлар ташкил этиш, шунингдек мутахассислар ва илмий ходимларни ушбу комиссиялар ва гуруҳларда ишлашга жалб этиш;

республика ахборот-кутубхона шохобчаларини ривожлантиришга доир илмий-техник лойиҳаларни қўллаб-қувватлаш ёки рад этиш бўйича эксперт хулосалари ва тавсиялар бериш.

Идоралараро кенгаш ўзига юкланган вазифаларнинг самарали бажарилиши учун жавоб беради ва ҳар йили Вазирлар Маҳкамасига ҳисобот беради.

III. Таркиби ва ишларини ташкил этиш

7. Идоралараро кенгашнинг шахсий таркиби Ўзбекистон Республикаси Президенти томонидан тасдиқланади.

8. Идоралараро кенгаш ўз мажлисларини заруриятга кўра, лекин ҳар йили камида икки марта ўтказиши.

9. Ўзига юкланган асосий вазифаларга мувофиқ Идоралараро кенгаш ҳар йили ўз ишлари режасини тасдиқлайди, шунингдек раис ўринбосарлари, масъул котиб ва кенгашнинг бошқа аъзолари вазифаларини белгилайди.

10. Алишер Навоий номидаги Ўзбекистон миллий кутубхонаси Идоралараро кенгашнинг ишчи органи ҳисобланади.

11. Идоралараро кенгаш ўз бланкасига эга бўлади. Идоралараро кенгаш фаолияти билан боғлиқ ёзишмаларни юритишда хатлар, Идоралараро кенгаш раиси (унинг ўринбосари) ёки масъул котиби томонидан имзоланади.

12. Идоралараро кенгаш мажлисини ўтказиш жойи, санаси ва тартиби раис ёки унинг ўринбосарлари томонидан белгиланади, қарорлар эса мажлисда қатнашганларнинг кўпчилик овози билан қабул қилинади. Идоралараро кенгаш мажлисда таркибидагиларнинг камида ярми қатнашган тақдирда масалаларни ҳал этиш ваколатига эга бўлади.

13. Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари томонидан Идоралараро кенгаш билан келишган ҳолда Идоралараро кенгашга бўйсунадиган ана шундай ҳудудий кенгашлар ташкил этилиши мумкин.

14. Идоралараро кенгаш қарорлари протокол билан расмийлаштирилади, уни раис ёки унинг ўринбосарларидан бири, шунингдек масъул котиб имзолайди.

15. Идоралараро кенгаш қарорлари барча манфаатдор шахсларга етказилади ҳамда кутубхона шохобчаларига эга бўлган вазирликлар, идоралар ва ташкилотлар томонидан бажарилиши мажбурий ҳисобланади.

БЕШИНЧИ БЎЛИМ

ЎЗБЕКИСТОН RESPUBLIKACI MOЛИЯ BAZИPЛИГИ
ЎЗБЕКИСТОН RESPUBLIKACI MAPKAZИЙ BАНК БОШҚАРУВИНИНГ
ҚАРОРИ

296 Самарқанд вилояти маҳаллий бюджетининг ғазна ижроси ҳисоби тўғрисидаги Вақтинчалик қоидаларини тасдиқлаш тўғрисида

*Ўзбекистон Республикаси Адлия вазирлиги томонидан 2006 йил
24 июлда 1599-сон билан давлат рўйхатидан ўтказилди*

(2006 йил 3 августдан кучга киради)

Ўзбекистон Республикасининг «Бюджет тизими тўғрисида»ги ва «Давлат бюджетининг ғазна ижроси тўғрисида»ги қонунларини, Ўзбекистон Республикаси Президентининг 2005 йил 27 декабрдаги «Ўзбекистон Республикасининг 2006 йилги асосий макроиқтисодий кўрсаткичлари прогнози ва Давлат бюджети параметрлари тўғрисида»ги ПҚ-244-сонли қарорига (Ўзбекистон Республикаси Қонун ҳужжатлари тўплами, 2005 йил, 52-сон, 386-модда) асосан Самарқанд вилояти маҳаллий бюджетининг ғазна ижросини амалга ошириш ва унинг ҳисобини тўғри юритилишини таъминлаш мақсадида Ўзбекистон Республикаси Молия вазирли ва Марказий банк Бошқаруви **қарор қилади:**

1. Илова* қилинаётган «Самарқанд вилояти маҳаллий бюджетининг ғазна ижроси ҳисоби тўғрисида»ги Вақтинчалик қоидалари тасдиқлансин.

2. Мазкур қарор Ўзбекистон Республикаси Адлия вазирлигида давлат рўйхатидан ўтган вақтдан бошлаб ўн кундан сўнг кучга киритилсин.

Молия вазири Р. АЗИМОВ

Тошкент ш.,
2006 йил 12 июль,
61-сон

Марказий банк Бошқаруви раиси Ф. МУЛЛАЖОНОВ

Тошкент ш.,
2006 йил 12 июль,
279-В-сон

* Илова рус тилидаги матнда берилган.

ЎЗБЕКИСТОН RESPUBLIKACИ MOЛИЯ BAZИРИНИНГ
БУЙРУФИ**297** Бюджетдан маблағ тақсимловчи (олувчи)ларнинг шахсий ҳисобварағини очиш ҳақида вақтинчалик қоидаларини тасдиқлаш тўғрисида

*Ўзбекистон Республикаси Адлия вазирлиги томонидан 2006 йил
24 июлда 1600-сон билан давлат рўйхатидан ўтказилди*

(2006 йил 3 августдан кучга киради)

Ўзбекистон Республикаси «Давлат бюджети ғазна ижроси тўғрисида»ги Қонуни, Ўзбекистон Республикаси Президентининг 2005 йил 14 июндаги «Бозор ислохотлари чуқурлаштириш ва иқтисодиётни янада эркинлаштириш соҳасидаги устувор йўналишлар амалга оширилишини жадаллаштириш чора-тадбирлари тўғрисида»ги ПФ–3618-сонли Фармонининг 1-илова IV бўлим 6-банди ва 2005 йил 27 декабрдаги «Ўзбекистон Республикасининг 2006 йилги асосий макроиқтисодий кўрсаткичлари прогнози ва Давлат бюджети параметрлари тўғрисида» ПҚ–244-сонли қарорининг 18-бандига мувофиқ (Ўзбекистон Республикаси қонун ҳужжатлари тўплами, 2005 йил, 52-сон, 386-модда), ҳамда Самарқанд вилояти молия органларида бюджетдан маблағ тақсимловчи (олувчи)ларнинг шахсий ҳисобварағини очиш ҳақида вақтинчалик тартиби ижросини амалга ошириш мақсадида **буюраман:**

1. Бюджетдан маблағ тақсимловчи (олувчи)ларнинг шахсий ҳисоб варағини очиш ҳақида вақтинчалик қоидалари иловага* асосан тасдиқлансин.
2. Мазкур буйруқ Ўзбекистон Республикаси Адлия вазирлигида давлат рўйхатига олингандан сўнг ўн кундан кейин амалга киритилсин.

Молия вазир Р. АЗИМОВ

Тошкент ш.,
2006 йил 27 июнь,
№ 59

* Илова рус тилидаги матнда берилган.

ЎЗБЕКИСТОН РЕСПУБЛИКАСИ МОЛИЯ ВАЗИРИНИНГ
БУЙРУҒИ**298 Самарқанд вилояти фазначилик ижросида бухгалтерия ҳисоби ҳақида вақтинчалик қоидаларини тасдиқлаш тўғрисида**

*Ўзбекистон Республикаси Адлия вазирлиги томонидан 2006 йил
24 июлда 1601-сон билан давлат рўйхатидан ўтказилди*

(2006 йил 3 августдан кучга киради)

Ўзбекистон Республикаси «Давлат бюджети газна ижроси тўғрисида»ги ва «Бухгалтерия ҳисоби» қонунлари, Ўзбекистон Республикаси Президентининг 2005 йил 14 июндаги «Бозор ислохотлари чуқурлаштириш ва иқтисодиётни янада эркинлаштириш соҳасидаги устувор йўналишлар амалга оширилишини жадаллаштириш чоратадбирлари тўғрисида»ги ПФ-3618-сонли Фармонининг 1-илова IV бўлим 6-банди (Ўзбекистон Республикаси Қонун ҳужжатлари тўплами, 2005 йил, 23-24-сон, 166-модда) ва 2005 йил 27 декабрдаги «Ўзбекистон Республикасининг 2006 йилги асосий макроиқтисодий кўрсаткичлари прогнози ва Давлат бюджети параметрлари тўғрисида» ПҚ-244-сонли қарорининг 18-бандига мувофиқ (Ўзбекистон Республикаси Қонун ҳужжатлари тўплами, 2005 йил, 52-сон, 386-модда), ҳамда Самарқанд вилояти фазначилик ижроси бухгалтерия ҳисобини юритиш тартибини жорий этиш мақсадида **буюраман:**

1. Самарқанд вилояти фазначилик ижросида бухгалтерия ҳисоби ҳақида вақтинчалик қоидалари иловага* асосан тасдиқлансин.
2. Мазкур буйруқ Ўзбекистон Республикаси Адлия вазирлигида давлат рўйхатига олингандан сўнг ўн кундан кейин амалга киритилсин.

Молия вазири Р. АЗИМОВ

Тошкент ш.,
2006 йил 27 июнь,
60-сон

* Илова рус тилидаги матнда берилган.

ЎЗБЕКИСТОН RESPUBLIKACISI MARKAZIЙ BANKI BOШҚARUVINING
ҚARORI**299** Ўзбекистон Республикаси банкларида касса амалларининг бухгалтерия ҳисобини юритиш қоидаларини тасдиқлаш тўғрисида

*Ўзбекистон Республикаси Адлия вазирлиги томонидан 2006 йил
24 июлда 1602-сон билан давлат рўйхатидан ўтказилди*

(2006 йил 3 августдан кучга киради)

Ўзбекистон Республикасининг «Ўзбекистон Республикасининг Марказий банки тўғрисида»ги Қонунининг 7 ва 51-моддаларига асосан Ўзбекистон Республикаси Марказий банк Бошқаруви **қарор қилади:**

1. «Ўзбекистон Республикаси банкларида касса амалларининг бухгалтерия ҳисобини юритиш қоидалари» (янги таҳрирда) иловага мувофиқ тасдиқлансин.
2. Мазкур қарор Ўзбекистон Республикаси Адлия вазирлигида давлат рўйхатидан ўтказилган вақтдан бошлаб 10 кундан сўнг кучга киради.
3. Ушбу қарор кучга кириши муносабати билан Ўзбекистон Республикаси Марказий банки Бошқарувининг 2005 йил 9 апрелдаги 6/16-сонли қарори ва у билан тасдиқланган 604-сонли «Ўзбекистон Республикаси банкларида касса амалларининг бухгалтерия ҳисобини юритиш қоидалари» бекор қилинсин.
4. Ушбу қарорнинг ижросини назорат қилиш Марказий банк раисининг ўринбосари А.Қ. Қодиров зиммасига юклатилсин.

Марказий банк Бошқаруви раиси Ф. МУЛЛАЖОНОВ

Тошкент ш.,
2006 йил 15 июнь,
13/6-сон

Марказий банки Бошқарувининг
2006 йил 15 июндаги 13/6-сонли
қарори билан
ТАСДИҚЛАНГАН

**Ўзбекистон Республикаси банкларида касса амалларининг
бухгалтерия ҳисобини юритиш
ҚОИДАЛАРИ**

Ушбу Қоида Ўзбекистон Республикасининг «Ўзбекистон Республикаси Марказий банки тўғрисида», «Банклар ва банк фаолияти тўғрисида» ва «Бухгалтерия ҳисоби тўғрисида»ги қонунларига мувофиқ ишлаб чиқилган бўлиб, банклар томонидан касса амалларининг бухгалтерия ҳисобини юритиш тартибини белгилайди.

I. Умумий қоидалар

1. Банкларда касса амалларининг бухгалтерия ҳисоби «Ўзбекистон Республикаси тижорат банкларида бухгалтерия ҳисоби ҳисобварақлар режаси» ҳамда «Ўзбекистон Республикаси Марказий банкида бухгалтерия ҳисоби ҳисобварақлар режаси»даги қўйидаги ҳисобварақларда юритилади:

10101	— Айланма кассадаги нақд пуллар
10102	— Нақд пуллар захираси
10103	— Пул алмаштириш шохобчаларидаги нақд пуллар
10107	— Банкоматлардаги нақд пуллар
10109	— Йўлдаги нақд пуллар ва бошқа тўлов ҳужжатлари
10111	— Банк биносида жойлашмаган амалиёт кассалардаги нақд пуллар
10307	— Марказий банкдан олиниши лозим бўлган маблағлар — Нақд пуллар
10311	— Марказий банкка топширилган нақд пуллар учун олиниши лозим бўлган маблағлар
10507	— Бошқа банклардан олиниши лозим бўлган маблағлар — Нақд пуллар
16101	— Бош банк/филиаллардан олинadиган маблағлар — Нақд пуллар
16103	— Бош банк/филиаллардан филиаллар ва банклараро ҳисоб-китоблар бўйича олинadиган маблағлар
16103	— Марказий банк/филиал/агентликларнинг филиаллараро ва банклараро ҳисоб-китоблар бўйича олинadиган маблағлари (Марказий банк)
17301	— Транзит ҳисобварақлари
19903	— Инкассо қилинган пул тушумлари ва чеклар
19935	— Қайта санаш вақтида аниқланган нақд пул бўйича камомадлар
21008	— Бошқа банкларга берилиши лозим бўлган -Нақд пуллар
21307	— Нақд пул олиш учун резидент банклардан келиб тушган маблағлар (Марказий банк)
21314	— Резидент банклари томонидан топширилган нақд пул учун тўланиши лозим бўлган маблағлар (Марказий банк)
22202	— Бош банк/филиалларга тўланадиган маблағлар — Нақд пуллар
29804	— Бошқа банк мижозларининг инкассо қилинган пул тушумлари ва чеклари
29816	— Қайта санаш вақтида аниқланган ортиқча нақд пуллар

Ушбу ҳисобварақлардан мижозларнинг депозит ва кредит ҳисобварақлари билан бухгалтерия ўтказмаларини амалга оширишда фойдаланилади.

I. Банк филиаллари айланма кассаларида амалга ошириладиган кирим ва чиқим амалларининг бухгалтерия ҳисобини юритиш тартиби

2. Мижозлардан қабул қилинган нақд пуллар банк айланма кассасига қўйидаги бухгалтерия ўтказмаси орқали кирим қилиниши лозим:

а) **Дебет** 10101 — «Айланма кассадаги нақд пуллар»
Кредит «Мижозларнинг депозит ҳисобварағи»

б) агар кредитни қайтариш учун нақд пуллар топширилган бўлса:

Дебет 10101 — «Айланма кассадаги нақд пуллар»
Кредит «Мижозларнинг тегишли кредит ҳисобварағи»

в) агар олинган кредитлар бўйича фоизлар тўлови нақд пулда амалга оширилган бўлса:

Дебет 10101 — «Айланма кассадаги нақд пуллар»

Кредит 16309 — «Кредитлар бўйича ҳисобланган фоизлар»

3. Банк айланма кассасидан мижозларга иш ҳақи ва унга тенглаштирилган тўловлар, хизмат сафари харажатларини, нафақа ва ёрдам пули, моддий ёрдам пуллари, дивидендлар ҳамда бошқа қонунчиликда таъқиқланмаган нақд тўловларини қуйидаги бухгалтерия ўтказмаси орқали чиқим қилиниши лозим:

Дебет «Мижозларнинг депозит ва кредит ҳисобварақлари»

Кредит 10101 — «Айланма кассадаги нақд пуллар»

4. Айланма кассада ўрнатилган лимит миқдоридан ортиқча нақд пуллар суммаси 10102 — «Нақд пуллар захираси» ҳисобварағига кирим қилинганда бир вақтнинг ўзида қуйидаги иккита бухгалтерия ўтказмалари амалга оширилади:

а) 10101 — «Айланма кассадаги нақд пуллар» ҳисобварағидан нақд пуллар чиқим қилинганда:

Дебет 17301 — «Транзит ҳисобварақлари»

Кредит 10101 — «Айланма кассадаги нақд пуллар»

б) 10102 — «Айланма кассадаги нақд пуллар» ҳисобварағига нақд пуллар кирим қилинганда:

Дебет 10102 — «Нақд пуллар захираси»

Кредит 17301 — «Транзит ҳисобварақлари»

5. Банклар ҳар куни иш бошлашдан олдин ўз мижозларидан ёзма равишда тушган касса буюртманомаларидан келиб чиқиб, 10101 — «Айланма кассадаги нақд пуллар» ҳисобварағидаги маблағ етарли ёки етарли эмаслигини аниқлайди.

Агар маблағ етарли бўлмаса, у ҳолда 10102 — «Нақд пуллар захираси» ҳисобварағидан айланма кассага маблағ чиқарилади ва бир пайтнинг ўзида қуйидаги иккита бухгалтерия ўтказмалари амалга оширилиши лозим:

а) 10102 — «Нақд пуллар захираси» ҳисобварағидан нақд пуллар чиқим қилинганда:

Дебет 17301 — «Транзит ҳисобварақлари»

Кредит 10102 — «Нақд пуллар захираси»

б) 10101 ҳисобварағига нақд пуллар кирим қилинганда:

Дебет 10101 — «Айланма кассадаги нақд пуллар»

Кредит 17301 — «Транзит ҳисобварақлари»

III. Банкларда мижозларнинг нақд пул тушумини инкассация қилишнинг бухгалтерия ҳисоби

6. Инкассаторлар томонидан мижозлардан йиғиб келинган пул маблағлари солинган инкассатор қоплари банкларнинг кечки кассаларига белгиланган тартибда қабул қилинади. Ушбу пул маблағлари солинган инкассаторлик қоплари кейинги иш куни эрталаб қайта санаш кассасига топширилади. Кечки касса томонидан юк хати асосида тайёрланган кирим рўйхатининг биринчи нусхаси қайта санаш

кассасига ва иккинчи нусхаси банк бухгалтериясига топширилади ҳамда бухгалтерия ушбу кирим рўйхати асосида қўйидаги ўтказмаларни амалга оширади:

а) инкассаторлар орқали йиғиб келинган инкассаторлик қопларидаги нақд пул ва ҳисоб-китоб чеклари бўйича маблағлар шу банк миқозига тегишли бўлса:

Дебет 19903 — «Инкассо қилинган пул тушумлари ва чеклар»
Кредит «Мижоз депозит ҳисобварағи»

б) инкассаторлар орқали йиғиб келинган инкассаторлик қопларидаги нақд пул ва ҳисоб-китоб чеклари бўйича маблағлар бошқа банк ёки банкнинг бошқа филиали миқозига тегишли бўлса:

Дебет 19903 — «Инкассо қилинган пул тушумлари ва чеклар»
Кредит 29804 — «Бошқа банк миқозларининг инкассо қилинган пул тушумлари ва чеклари»

7. Қайта санаш кассасида инкассаторлик қопларидаги пул маблағлари белгиланган тартибда санаб бўлингандан кейин, нақд пул маблағлари банк айланма кассасига кирим қилинади ва қўйидаги бухгалтерия ўтказмаси амалга оширилади:

Дебет 10101 — «Айланма кассадаги нақд пуллар»
Кредит 19903 — «Инкассо қилинган пул тушумлари ва чеклар»

8. Агар қайта санаш кассасида қайта санаш вақтида аниқланган ортиқча нақд пул маблағлари аниқланса, белгиланган тартибда далолатнома тузилиб, қўйидаги бухгалтерия ўтказмаси амалга оширилади:

Дебет 10101 — «Айланма кассадаги нақд пуллар»
Кредит 29816 — «Қайта санаш вақтида аниқланган ортиқча нақд пуллар»

9. Банкнинг қайта санаш кассасида аниқланган ортиқча нақд пул маблағлари ушбу банк миқозига тегишли бўлса, у миқознинг ҳисобварағига қўйидаги бухгалтерия ўтказмаси орқали кирим қилинади:

Дебет 29816 — «Қайта санаш вақтида аниқланган ортиқча нақд пуллар»
Кредит «Мижоз депозит ҳисобварағи»

10. Банкнинг қайта санаш кассасида аниқланган ортиқча нақд пул маблағлари бошқа банк миқозининг 29804-«Бошқа банк миқозларининг инкассо қилинган пул тушумлари ва чеклари» ҳисобварағига шартномада келишилган ҳолларда ўтказиб берилганда, қўйидаги бухгалтерия ўтказмаси амалга оширилади:

Дебет 29816 — «Қайта санаш вақтида аниқланган ортиқча нақд пуллар»
Кредит 29804 — «Бошқа банк миқозларининг инкассо қилинган пул тушумлари ва чеклари»

11. Агар қайта санаш кассасида нақд пул маблағлари камомад чиққанлиги аниқланса, белгиланган тартибда далолатнома тузилиб, қўйидаги бухгалтерия ўтказмаси амалга оширилади:

Дебет 19935 — «Қайта санаш вақтида аниқланган нақд пул бўйича камомадлар»
Кредит 19903 — «Инкассо қилинган пул тушумлари ва чеклар»

12. Банкнинг қайта санаш кассасида аниқланган камомад суммаси ушбу банк миқозига тегишли бўлса ва у миқознинг ҳисобварағидан шартномада келишилган

шартларга биноан ундириб олинганда, қуйидаги бухгалтерия ўтказмаси амалга оширилади:

Дебет «Мижознинг депозит ҳисобварағи»

Кредит 19935 — «Қайта санаш вақтида аниқланган нақд пул бўйича камомадлар»

13. Банкнинг қайта санаш кассасида аниқланган камомад суммаси бошқа банк мижозининг 29804 — «Бошқа банк мижозларининг инкассо қилинган пул тушумлари ва чеклари» баланс ҳисобварағидан шартномада келишилган шартларга асосан ундириб олинганда, қуйидаги бухгалтерия ўтказмаси амалга оширилади:

Дебет 29804 — «Бошқа банк мижозларининг инкассо қилинган пул тушумлари ва чеклари»

Кредит 19935 — «Қайта санаш вақтида аниқланган нақд пул бўйича камомадлар»

14. Бошқа банк мижозларига тегишли бўлган нақд пул бўйича маблағлар қайта санаш кассасида санаб бўлингандан кейин, электрон мемориал ордер шакллантирилиб, вакиллик ҳисобварағидан шу куннинг ўзида, электрон тўлов тизими орқали, уларнинг ҳисобварақларига ўтказиб берилади ва қуйидаги бухгалтерия ўтказмаси амалга оширилади:

Дебет 29804 — «Бошқа банк мижозларининг инкассо қилинган пул тушумлари ва чеклари»

Кредит «Мижознинг асосий депозит ҳисобварағи»

Кредит 22624 — «Савдо корхоналарининг мақсадли маблағлари» тегишли ҳисобварағига кирим қилинади (16103 — «Бош банк/филиаллардан филиаллар ва банклараро ҳисоб-китоблар бўйича олинган маблағлар» ҳисобварағи орқали)

15. Маблағ олувчининг банкига электрон тўлов тизими орқали маблағ келиб тушганда, дастурий йўл билан, қуйидаги бухгалтерия ўтказмаси орқали кирим қилинади:

Дебет 29804 — «Бошқа банк мижозларининг инкассо қилинган пул тушумлари ва чеклари» (16103 — «Бош банк/филиаллардан филиаллар ва банклараро ҳисоб-китоблар бўйича олинган маблағлар» ҳисобварағи орқали)

Кредит «Мижознинг асосий депозит ҳисобварағи»

Кредит 22624 — «Савдо корхоналарининг мақсадли маблағлари» (ҳисобварақнинг тегишли шахсий ҳисобварағига кирим қилинади)

Агар банк томонидан 29804 — «Бошқа банк мижозларининг инкассо қилинган пул тушумлари ва чеклари» ҳисобварағидан мемориал ордер билан бошқа банк мижозларининг асосий депозит ҳисобварағига ёки акцизли товарлар сотувидан пул тушумлари суммаси ўтказилганда, ҳар бир акциз товар тури бўйича савдо тушуми суммасини алоҳида мемориал ордер орқали ўтказилиши шарт.

Пул маблағлари банк айланма кассасига электрон тўлов тизими ёпилгандан кейин кирим қилинган бўлса, бошқа банкдаги мижозларнинг ҳисобварағига пул маблағлари кейинги иш кунидан кечиктирилмаган ҳолда ўтказиб берилади.

16. Қайта санаш кассасида аниқланган бошқа банкларнинг ҳисоб-китоб чеклари бўйича тўловларнинг ўтказилишида инициатор (тўлов операциясини бошловчи)

банк филиали томонидан қуйидаги бухгалтерия ўтказмалари амалга оширилиши лозим:

Дебет 20206 — «Жисмоний шахсларнинг талаб қилиб олингунча сақланадиган депозит ҳисобварақлари» (16103 — «Бош банк/филиаллардан филиаллар ва банклараро ҳисоб-китоблар бўйича олинадиган маблағлар» ҳисобварағи орқали)

Кредит 19903 — «Инкассо қилинган пул тушумлари ва чеклар»

17. Бенефициар (тўлов операциясини яқунловчи) банкка электрон чек келиб тушганда, дастурий йўл билан қуйидаги бухгалтерия ўтказмаси амалга оширилади:

Дебет 20206 — «Жисмоний шахсларнинг талаб қилиб олингунча сақланадиган депозит ҳисобварақлари»

Кредит 19903 — «Инкассо қилинган пул тушумлари ва чеклар» (16103 — «Бош банк/филиаллардан филиаллар ва банклараро ҳисоб-китоблар бўйича олинадиган маблағлар» ҳисобварағи орқали)

Бунда бошқа банклар ҳисоб-китоб чекларининг асл нусхалари инициатор банкда қолдирилади ҳамда кунлик ҳужжатлар йиғма жилдига белгиланган тартибда тикилади ва сақланади.

18. Маблағ тўловчи ва олувчига бир банкда хизмат кўрсатилса, қуйидаги бухгалтерия ўтказмаси амалга оширилади:

Дебет 20206 — «Жисмоний шахсларнинг талаб қилиб олингунча сақланадиган депозит ҳисобварақлари»

Кредит 19903 — «Инкассо қилинган пул тушумлари ва чеклар»

19. Филиаллари мавжуд бўлмаган банклар ўртасида амалга ошириладиган банклараро тўловлар қуйидаги тартибда амалга оширилади:

Бошқа банк мижозларига тегишли бўлган нақд пул бўйича маблағлар қайта санаш кассасида санаб бўлингандан кейин, вакиллик ҳисобварағи орқали шу куннинг ўзида, электрон мемориал ордер шакллантирилиб электрон тўлов тизими орқали, уларнинг ҳисобварақларига ўтказиб берилади ва қуйидаги бухгалтерия ўтказмаси амалга оширилади:

Дебет 29804 — «Бошқа банк мижозларининг инкассо қилинган пул тушумлари ва чеклари»

Кредит «Мижознинг асосий депозит ҳисобварағи»

Кредит 22624 — «Савдо корхоналарининг мақсадли маблағлари» тегишли ҳисобварағига кирим қилинади (10301 — «Марказий банкдаги вакиллик ҳисобварағи-Ностро» ҳисобварағи орқали)

Бенефициар банкка яъни маблағ олувчининг банкка электрон тўлов тизими орқали маблағ келиб тушганда, дастурий йўл билан, қуйидаги бухгалтерия ўтказмаси орқали кирим қилинади:

Дебет 29804 — «Бошқа банк мижозларининг инкассо қилинган пул тушумлари ва чеклари» (10301 — «Марказий банкдаги вакиллик ҳисобварағи-Ностро» ҳисобварағи орқали)

Кредит «Мижознинг асосий депозит ҳисобварағи»

Кредит 22624 — «Савдо корхоналарининг мақсадли маблағлари» (ҳисобварақнинг тегишли шахсий ҳисобварағига кирим қилинади)

Инициатор банк (тўлов операциясини бошловчи)да ҳисоб-китоб чеклари бўйича қуйидаги бухгалтерия ўтказмаси амалга оширилади:

Дебет 20206 — «Жисмоний шахсларнинг талаб қилиб олингунча сақланадиган депозит ҳисобварақлари» (10301 — «Марказий банкдаги вакиллик ҳисобварағи-Ностро» ҳисобварағи орқали)

Кредит 19903 — «Инкассо қилинган пул тушумлари ва чеклар»

Бенефициар (тўлов операциясини якунловчи) банкга электрон чек келиб тушганда, дастурий йўл билан, қуйидаги бухгалтерия ўтказмаси орқали чиқим қилинади:

Дебет 20206 — «Жисмоний шахсларнинг талаб қилиб олингунча сақланадиган депозит ҳисобварақлари»

Кредит 19903 — «Инкассо қилинган пул тушумлари ва чеклар» (10301 — «Марказий банкдаги вакиллик ҳисобварағи-Ностро» ҳисобварағи орқали)

IV. Марказий банкнинг ҳудудий Бош бошқармалари Ҳисоб китоб касса марказ (кейинги ўринларда — ҲККМ) ларидан тижорат банкларига мадад пулларини бериш ва олиш амаллари бўйича бухгалтерия ўтказмалари

20. Тижорат банк Марказий банкнинг ҳудудий Бош бошқармалари ҲККМларидан нақд пул олиш учун ҳудудий Бош бошқармалари томонидан мадад пули бериш тўғрисидаги фармойишга асосан тегишли бухгалтерия ўтказмаси орқали ҳудудий Бош бошқармаларнинг Ҳисоб-китоб касса марказларига маблағ жўнатиладилар.

21. Филиали мавжуд бўлмаган инициатор банк мадад пули олиш учун, қуйидаги бухгалтерия ўтказмасини амалга ошириши лозим:

Дебет 10307 — «Марказий банкдан олиними лозим бўлган маблағлар— Нақд пуллар»

Кредит 21307 — «Нақд пул олиш учун резидент банклардан келиб тушган маблағлар» (10301 — «Марказий банкдаги вакиллик ҳисобварағи-Ностро» ҳисобварағи орқали)

22. Марказий банкнинг ҳудудий Бош бошқармалари ҲККМларига мадад пули олиш учун маблағ келиб тушганда, дастурий йўл билан, қуйидаги бухгалтерия ўтказмаси амалга оширилади:

Дебет 10307 — «Марказий банкдан олиними лозим бўлган маблағлар— Нақд пуллар» (16103 — «Марказий банк /филиал /агентликларнинг филиалларо ва банкларо ҳисоб-китоблар бўйича олинадиган маблағлари» ҳисобварағи орқали)

Кредит 21307 — «Нақд пул олиш учун резидент банклардан келиб тушган маблағлар»

23. Марказий банкнинг ҳудудий Бош бошқармалари ҲККМлари томонидан мадад пули жўнатилганда қуйидаги бухгалтерия ўтказмаси амалга оширилади:

Дебет 10109 — «Йўлдаги нақд пуллар ва бошқа тўлов ҳужжатлари»

Кредит 10101 — «Айланма кассадаги нақд пуллар»

24. Филиали мавжуд бўлмаган инициатор банкка, ҲККМдан Марказий банк

худудий Бош бошқармалари фармойишига асосан мадад пули келтирилганда, қуйидаги бухгалтерия ўтказмаси амалга оширилади:

Дебет 10101 — «Айланма кассадаги нақд пуллар»

Кредит 10307 — «Марказий банкдан олиними лозим бўлган маблағлар — Нақд пуллар»

25. Марказий банкнинг худудий Бош бошқармалари ҲККМларига филиали мавжуд бўлмаган инициатор банкдан мадад пулини олганлиги тўғрисида тасдиқнома келганда, қуйидаги бухгалтерия ўтказмаси амалга оширилади:

Дебет 21307 — «Нақд пул олиш учун резидент банклардан келиб тушган маблағлар»

Кредит 10109 — «Йўлдаги нақд пуллар ва бошқа тўлов ҳужжатлари»

26. Инициатор банк филиалида (филиали мавжуд банкларда) Марказий банкнинг худудий Бош бошқармалари ҲККМларидан мадад пули олиш қуйидаги бухгалтерия ўтказмаси амалга оширилади:

Дебет 10307 — «Марказий банкдан олиними лозим бўлган маблағлар — Нақд пуллар»

Кредит 21307 — «Нақд пул олиш учун резидент банклардан келиб тушган маблағлар» (16103 — «Бош банк/филиаллардан филиаллар ва банклараро ҳисоб-китоблар бўйича олинмиган маблағлар» ҳисобварағи орқали)

Бенефициар банк филиалига, яъни Марказий банкнинг худудий Бош бошқармалари ҲККМларига мадад пули учун маблағ келиб тушганда, дастурий равишда, қуйидаги бухгалтерия ўтказмаси амалга оширилади:

Дебет 10307 — «Марказий банкдан олиними лозим бўлган маблағлар — Нақд пуллар» (16103 — «Марказий банк /филиал /агентликларнинг филиаллараро ва банклараро ҳисоб-китоблар бўйича олинмиган маблағлари» ҳисобварағи орқали)

Кредит 21307 — «Нақд пул олиш учун резидент банклардан келиб тушган маблағлар»

Бенефициар банк филиали, яъни Марказий банкнинг худудий Бош бошқармалари ҲККМлари томонидан мадад пули жўнатилганда, қуйидаги бухгалтерия ўтказмаси амалга оширилади:

Дебет 10109 — «Йўлдаги нақд пуллар ва бошқа тўлов ҳужжатлари»

Кредит 10101 — «Айланма кассадаги нақд пуллар»

Инициатор банк филиалига мадад пули келтирилганда, қуйидаги бухгалтерия ўтказмалари амалга оширилади:

Дебет 10101 — «Айланма кассадаги нақд пуллар»

Кредит 10307 — «Марказий банкдан олиними лозим бўлган маблағлар — Нақд пуллар»

Марказий банкнинг худудий Бош бошқармалари ҲККМларига мадад пулини олганлиги тўғрисида, инициатор банк филиалидан тасдиқнома келганда, қуйидаги бухгалтерия ўтказмасини амалга оширилади:

Дебет 21307 — «Нақд пул олиш учун резидент банклардан келиб тушган маблағлар»

Кредит 10109 — «Йўлдаги нақд пуллар ва бошқа тўлов ҳужжатлари»

27. Тижорат банк филиаллари Марказий банк ҳудудий Бош бошқармалари фармойишига асосан бошқа тижорат банк филиалидан мадад пули олганда қуйидаги бухгалтерия ўтказмаси амалга оширилади:

Инициатор банк филиаллари мадад пули олиш учун қуйидаги бухгалтерия ўтказмаси орқали маблағ жўнатадилар:

Дебет 10507 — «Бошқа банклардан олиниши лозим бўлган маблағлар — Нақд пуллар»

Кредит 21008 — «Бошқа банкларга берилиши лозим бўлган — Нақд пуллар» (16103 — «Бош банк/филиаллардан филиаллар ва банклараро ҳисоб-китоблар бўйича олинадиган маблағлар» ҳисобварағи орқали)

Бенефициар банк филиалига мадад пули учун маблағ келиб тушганда, дастурий равишда, қуйидаги бухгалтерия ўтказмаси амалга оширилади:

Дебет 10507 — «Бошқа банклардан олиниши лозим бўлган маблағлар — Нақд пуллар» 16103 — «Бош банк/филиаллардан филиаллар ва банклараро ҳисоб-китоблар бўйича олинадиган маблағлар» ҳисобварағи орқали

Кредит 21008 — «Бошқа банкларга берилиши лозим бўлган — Нақд пуллар»

Бенефициар банк филиали мадад пули жўнатганда, қуйидаги бухгалтерия ўтказмасини амалга оширади:

Дебет 10109 — «Йўлдаги нақд пуллар ва бошқа тўлов ҳужжатлари»

Кредит 10101 — «Айланма кассадаги нақд пуллар»

Инициатор банк филиалида, яъни мадад пули олган филиалда эса олинган мадад пули суммасига қуйидаги бухгалтерия ўтказмаси амалга оширилади:

Дебет 10101 — «Айланма кассадаги нақд пуллар»

Кредит 10507 — «Бошқа банклардан олиниши лозим бўлган маблағлар — Нақд пуллар»

Бенефициар банк филиалига инициатор банк филиали томонидан жўнатилган мадад пулини олганлиги тўғрисида тасдиқнома келиб тушганда қуйидаги бухгалтерия ўтказмасини амалга оширади:

Дебет 21008 — «Бошқа банкларга берилиши лозим бўлган — Нақд пуллар»

Кредит 10109 — «Йўлдаги нақд пуллар ва бошқа тўлов ҳужжатлари»

28. Бир банк филиаллари ўртасида мадад пулларини бериш ва олиш бўйича бухгалтерия ҳисоби қуйидаги тартибда амалга оширилади:

Инициатор банк филиали, яъни мадад пули олувчи филиал нақд пул олиш учун шу банкнинг бенефициар филиалига маблағ жўнатганда қуйидаги бухгалтерия ўтказмасини амалга оширади:

Дебет 16101 — «Бош банк/ филиаллардан олинадиган маблағлар — Нақд пуллар»

Кредит 22202 — «Бош банк/филиалларга тўланадиган маблағлар — Нақд пуллар» (16103 — «Бош банк/филиаллардан филиаллар ва банклараро ҳисоб-китоблар бўйича олинадиган маблағлар» ҳисобварағи орқали)

Банкнинг бенефициар банк филиалига электрон тўлов орқали мадад пули учун маблағ келиб тушганда, дастурий йўл билан, қуйидаги бухгалтерия ўтказмаси амалга оширилади:

Дебет 16101 — «Бош банк/филиаллардан олинadиган маблағлар — Нақд пуллар» (16103 — «Бош банк/филиаллардан филиаллар ва банклараро ҳисоб-китоблар бўйича олинadиган маблағлар» ҳисобварағи орқали)

Кредит 22202 — «Бош банк/филиалларга тўланадиган маблағлар — Нақд пуллар»

Банкнинг бенефициар филиали, яъни мадад пули жўнатувчи 22202-сонли ҳисобвараққа мадад пули учун маблағ келиб тушгандан сўнг, қуйидаги бухгалтерия ўтказмасини амалга оширади:

Дебет 10109 — «Йўлдаги нақд пуллар ва бошқа тўлов ҳужжатлари»

Кредит 10101 — «Айланма кассадаги нақд пуллар»

Банкнинг инициатор филиалига, яъни мадад пули олувчи банкка мадад пули келтирилганда қуйидаги бухгалтерия ўтказмаси амалга оширилади:

Дебет 10101 — «Айланма кассадаги нақд пуллар»

Кредит 16101 — «Бош банк/филиаллардан олинadиган маблағлар — Нақд пуллар»

Мадад пулини қабул қилиб олган филиал юқоридаги бухгалтерия ўтказмасини амалга оширгандан сўнг бенефициар филиалга яъни мадад пулини жўнатган филиалга мадад пулини қабул қилганлиги тўғрисида белгиланган тартибда тасдиқнома жўнатади.

Бенефициар банк филиали яъни мадад пули жўнатган филиал, инициатор банк филиали, яъни мадад пули олган филиалдан белгиланган тартибда тасдиқнома келганда, бенефициар банк филиали томонидан қуйидаги бухгалтерия ўтказмаси амалга оширилади:

Дебет 22202 — «Бош банк/филиалларга тўланадиган маблағлар — Нақд пуллар»

Кредит 10109 — «Йўлдаги нақд пуллар ва бошқа тўлов ҳужжатлари»

V. Пул алмаштириш шохобчаларида кирим ва чиқим амалларини амалга оширишга доир бухгалтерия ҳисоби

29. Банкнинг айланма кассасидан пул алмаштириш шохобчаларига мадад пули олиб келинганда, мадад пули шохобча томонидан белгиланган тартибда қабул қилиниши лозим.

Банк 10103 — «Пул алмаштириш шохобчаларидаги нақд пуллар» ҳисобварағига мадад пулини жўнатганда, ҳар бир валюта (VVV-валюта белгиси) бўйича алоҳида, қуйидаги бухгалтерия ўтказмаси орқали чиқим қилади:

Дебет 10109VVV — «Йўлдаги нақд пуллар ва бошқа тўлов ҳужжатлари»

Кредит 10101VVV — «Айланма кассадаги нақд пуллар»

30. Қабул қилинган мадад пули 10103 — «Пул алмаштириш шохобчаларидаги нақд пуллар» ҳисобварағига қуйидаги бухгалтерия ўтказмаси орқали кирим қилинади:

Дебет 10103VVV — «Пул алмаштириш шохобчаларидаги нақд пуллар»
Кредит 10109VVV — «Йўлдаги нақд пуллар ва бошқа тўлов ҳужжатлари»

31. Банкнинг бош бухгалтери банк амалиёт куни охирида ўзларининг пул алмаштириш шохобчаларининг «09009» маълумотномасида кўрсатилган «Дебет» ва «Кредит» айланмалари умумий суммасига, қуйидагиларни амалга оширади:

Пул алмаштириш шохобчаси хорижий валюта сотиб олиш учун сарфланган нақд пулнинг «09009» маълумотномасида кўрсатилган сўмдаги умумий суммасига:

Дебет 17101000 — «Валюта позицияси ҳисобварақлари»
Кредит 10103000 — «Пул алмаштириш шохобчаларидаги нақд пуллар»

32. Пул алмаштириш шохобчаси хорижий валютани сотишдан тушган сўмдаги нақд пулнинг юкхатда кўрсатилган алоҳида ҳар бир хорижий валютадаги умумий суммасига:

Дебет 10103000 — «Пул алмаштириш шохобчаларидаги нақд пуллар»
Кредит 17101000 — «Валюта позицияси ҳисобварақлари»

33. Пул алмаштириш шохобчаси сотиб олинган хорижий валютанинг «09009» маълумотномасида кўрсатилган алоҳида ҳар бир хорижий валютадаги умумий суммасига:

Дебет 10103VVV — «Пул алмаштириш шохобчаларидаги нақд пуллар»
Кредит 17101000 — «Валюта позицияси ҳисобварақлари»

34. Пул алмаштириш шохобчаси сотилган хорижий валютанинг «09009» маълумотномасида кўрсатилган умумий суммасига:

Дебет 17101 VVV — «Валюта позицияси ҳисобварақлари»
Кредит 10103VVV — «Пул алмаштириш шохобчаларидаги нақд пуллар»

35. Банк балансида 10103 — «Пул алмаштириш шохобчаларидаги нақд пуллар» ҳисобварағидаги сўмдаги ва валютадаги қолдиқ пул алмаштириш шохобчалари кассирларидан олинган «09009» маълумотномасида кўрсатилган қолдиққа солиштирилади ва улар тенг бўлган тақдирда мазкур банк амалиёт куни белгиланган тартибда яқунланади.

Бунда, 10103 — «Пул алмаштириш шохобчаларидаги нақд пуллар» қолдиғи 10109 — «Йўлдаги нақд пуллар ва бошқа тўлов ҳужжатлари» ҳисобварағига ҳар бир валюта бўйича қуйидаги бухгалтерия ўтказмаси орқали кирим қилиб қўйилади:

Дебет 10109VVV — «Йўлдаги нақд пуллар ва бошқа тўлов ҳужжатлари»
Кредит 10103VVV — «Пул алмаштириш шохобчаларидаги нақд пуллар»

36. Кейинги иш куни эрталаб, 10109 — «Йўлдаги нақд пуллар ва бошқа тўлов ҳужжатлари» ҳисобварағидаги қолдиқни 10101 — «Айланма кассадаги нақд пул-

лар» ҳисобварағига ҳар бир валюта бўйича кирим қилинганда, қуйидаги бухгалтерия ўтказмаси амалга оширилади:

Дебет 10101VVV — «Айланма кассадаги нақд пуллар»

Кредит 10109VVV — «Йўлдаги нақд пуллар ва бошқа тўлов ҳужжатлари»

Агарда, пул алмаштириш шохобчаларидан олинган нақд пуллар қайта санаш кассасида қайта саналгандан сўнг камомад ёки ортиқча маблағлар аниқланса, белгиланган тартибда расмийлаштирилади ва тегишли бухгалтерия ўтказмалари амалга оширилади.

VI. Банкоматда кирим ва чиқим амалларини амалга оширишга доир бухгалтерия ҳисобини юритиш тартиби

37. Банк 10107 — «Банкоматдаги нақд пуллар» ҳисобварағига мадад пулини белгиланган тартибда тақсимлаб бўлгандан сўнг ҳар бир банкомат бўйича қуйидаги бухгалтерия ўтказмасини амалга оширилади:

Дебет 17301 — «Транзит ҳисобварақлари»

Кредит 10101 — «Айланма кассадаги нақд пуллар»

38. 10107 — «Банкоматлардаги нақд пуллар» ҳисобварағига мадад пулини кирим қилинганда қуйидаги бухгалтерия ўтказмаси амалга оширилади:

Дебет 10107 — «Банкоматлардаги нақд пуллар»

Кредит 17301 — «Транзит ҳисобварақлари»

39. Банкоматдан пластик карточка бўйича харажат қилинган ҳар бир харажат суммаси дастурий йўл билан қуйидаги бухгалтерия ўтказмаси орқали амалга оширилади:

Дебет 22618 — «Жисмоний шахсларнинг пластик карточкалари бўйича мажбуриятлари»

Кредит 10107 — «Банкоматлардаги нақд пуллар»

40. Банкоматдаги қолган ёки тўловга яроқсиз нақд пулларни банкка қайтарилганда қуйидаги бухгалтерия ўтказмаси амалга оширилади:

Дебет 17301 — «Транзит ҳисобварақлари»

Кредит 10107 — «Банкоматлардаги нақд пуллар»

41. Банкоматга ортиқча қўйилган ёки тўловга яроқсиз нақд пулларни 10101 — «Айланма кассадаги нақд пуллар» ҳисобварағига кирим қилинганда, қуйидаги бухгалтерия ўтказмаси амалга оширилади:

Дебет 10101 — «Айланма кассадаги нақд пуллар»

Кредит 17301 — «Транзит ҳисобварақлари»

VII. Банк биносида ва банк биносидан ташқарида жойлашган шохобча ва минибанкларида кирим ва чиқим амалларини амалга оширишга доир бухгалтерия ҳисоби

42. Ҳар бир банк биносида ва биносидан ташқарида жойлашган шохобчасига, минибанкига талаб қилинган мадад пулини ўз вақтида ва сўралган миқдорда тақсимлаши лозим.

Банк 10101 — «Айланма кассадаги нақд пуллар» ҳисобварағидан банк биносидан ташқарида жойлаштирилган шохобчаларига (10111 — «Банк биносидан жойлашмаган амалиёт кассалардаги нақд пуллар») мадад пулини жўнатганда қўйидаги бухгалтерия ўтказмасини амалга оширадilar:

Дебет 10109 — «Йўлдаги нақд пуллар ва бошқа тўлов ҳужжатлари»

Кредит 10101 — «Айланма кассадаги нақд пуллар»

10111 — «Банк биносидан жойлашмаган амалиёт кассалардаги нақд пуллар» ҳисобварағига мадад пули кириш қилинганда қўйидаги бухгалтерия ўтказмаси амалга оширилади:

Дебет 10111 — «Банк биносидан жойлашмаган амалиёт кассалардаги нақд пуллар»

Кредит 10109 — «Йўлдаги нақд пуллар ва бошқа тўлов ҳужжатлари»

43. Банк биносидан ва банк биносидан ташқарида жойлашган шохобча ёки минибанк жисмоний шахслардан коммунал хизматлар ва бошқа йиғимлар бўйича тушган нақд пулларни қўйидаги бухгалтерия ўтказмаси орқали кириш қилиши лозим:

Агар шу банкнинг миқозларига тегишли бўлса қўйидаги бухгалтерия ўтказмаси амалга оширилади:

Дебет 10111 — «Банк биносидан жойлашмаган амалиёт кассалардаги нақд пуллар»

Кредит «Мижоз ҳисобварағи»

Агар бошқа банк миқозига тегишли бўлса қўйидаги бухгалтерия ўтказмаси амалга оширилади:

Дебет 10111 — «Банк биносидан жойлашмаган амалиёт кассалардаги нақд пуллар»

Кредит 29804 — «Бошқа банк миқозларининг инкассо қилинган пул тушумлари ва чеклари»

44. Бошқа банк миқозларига тегишли бўлган маблағлар шу куннинг ўзидан ёки кейинги иш кунидан кечиктирилмаган ҳолда қўйидаги бухгалтерия ўтказмаси орқали ўтказиб берилиши шарт:

Дебет 29804 — «Бошқа банк миқозларининг инкассо қилинган пул тушумлари ва чеклари»

Кредит 16103 — «Бош банк/филиаллардан филиаллар ва банклараро ҳисоб-китоблар бўйича олинган маблағлар»

45. Банк биносидан ва банк биносидан ташқарида жойлашган шохобча ёки минибанк ўз миқозларининг омонатларига нақд пул қабул қилса, қўйидаги бухгалтерия ўтказмаси амалга оширилади:

Дебет 10111 — «Банк биносидан жойлашмаган амалиёт кассалардаги нақд пуллар»

Кредит 20206 — «Жисмоний шахсларнинг талаб қилиб олинган сақланган депозитлари»

Кредит 20406 — «Жисмоний шахсларнинг жамғарма депозитлари»

Кредит 20606 — «Жисмоний шахсларнинг муддатли депозитлари»

46. Банк биносидан ва банк биносидан ташқарида жойлашган шохобча ёки ми-

нибанк ўз мижозларининг омонатлари ҳисобидан нақд пул берса, қуйидаги бухгалтерия ўтказмаси амалга оширилади:

Дебет 20206 — «Жисмоний шахсларнинг талаб қилиб олингунча сақланадиган депозитлари»

Дебет 20406 — «Жисмоний шахсларнинг жамғарма депозитлари»

Дебет 20606 — «Жисмоний шахсларнинг муддатли депозитлари»

Кредит 10111 — «Банк биносида жойлашмаган амалиёт кассалардаги нақд пуллар»

47. Банк биносида ва банк биносидан ташқарида жойлашган шохобча ёки мибанк ҳисобварағига кирим қилинган мадад пули ҳамда кун давомида мижозлардан кирим қилинган нақд пуллар миқдорида харажат қилишга рухсат этилади, амалиёт куни якунланганда қолдиқ сумма тўлалигича 10101 — «Айланма кассадаги нақд пуллар» ҳисобварағига қуйидаги бухгалтерия ўтказмаси орқали беркитилиши лозим:

Дебет 10109 — «Йўлдаги нақд пуллар ва бошқа тўлов ҳужжатлари»

Кредит 10111 — «Банк биносида жойлашмаган амалиёт кассалардаги нақд пуллар»

48. 10111 — «Банк биносида жойлашмаган амалиёт кассалардаги нақд пуллар» ҳисобварағи қолдиғи кун охирида беркитилганда, қуйидаги бухгалтерия ўтказмаси амалга оширилади:

Дебет 10101 — «Айланма кассадаги нақд пуллар»

Кредит 10109 — «Йўлдаги нақд пуллар ва бошқа тўлов ҳужжатлари»

VIII. Марказий банкнинг ҳудудий Бош бошқармалари ҲККМлари томонидан тижорат банкларининг айланма кассаларидаги ортиқча нақд пулларни қабул қилиш амаллари бўйича бухгалтерия ҳисоби

49. Тижорат банклари нақд пуллар захирасидан ортиқча нақд пулларни Марказий банкнинг ҳудудий Бош бошқармалари ҲККМларига жўнатганда, қуйидаги бухгалтерия ўтказмасини амалга оширилади:

Дебет 10109 — «Йўлдаги нақд пуллар ва бошқа тўлов ҳужжатлари»

Кредит 10101 — «Айланма кассадаги нақд пуллар»

50. Марказий банкнинг ҳудудий Бош бошқармалари ҲККМлари айланма кассасига тижорат банкларидан келтирилган нақд пулларни кирим қилганда, қуйидаги бухгалтерия ўтказмаси амалга оширилади:

Дебет 10101 — «Айланма кассадаги нақд пуллар»

Кредит 21314 — «Резидент банклари томонидан топширилган нақд пул учун тўланиши лозим бўлган маблағлар»

Марказий банкнинг ҳудудий Бош бошқармалари ҲККМлари нақд пулларни айланма кассасига кирим қилгандан сўнг, шу захотиёқ дастурий равишда тижорат банкига нақд пулларни қабул қилганлиги тўғрисида тасдиқномани жўнатиши шарт.

51. Худудий Бош бошқармалари ҲККМлари айланма кассасига кирим қилинган нақд пуллар учун тижорат банкларига маблағ ўтказиб берилганда, қуйидаги яқунловчи бухгалтерия ўтказмаси амалга оширилади:

Дебет 21314 — «Резидент банклари томонидан топширилган нақд пул учун тўланиши лозим бўлган маблағлар»

Кредит 10311 — «Марказий банкка топширилган нақд пуллар учун олиниши лозим бўлган маблағлар» (16103 — «Марказий банк /филиал /агентликларнинг, филиаллараро ва банклараро ҳисоб-китоблар бўйича олинadиган маблағлари» ҳисобварағи орқали)

52. Тижорат банкларига Марказий банкнинг худудий Бош бошқармалари ҲККМларидан топширилган нақд пуллар учун тасдиқнома келиб тушганда, қуйидаги бухгалтерия ўтказмасини амалга оширишлари шарт:

Дебет 10311 — «Марказий банкка топширилган нақд пуллар учун олиниши лозим бўлган маблағлар»

Кредит 10109 — «Йўлдаги нақд пуллар ва бошқа тўлов ҳужжатлари»

53. Тижорат банкка топширилган нақд пуллар учун Марказий банкнинг худудий Бош бошқармалари ҲККМларидан маблағ келиб тушганда, дастурий йўл билан қуйидаги яқунловчи бухгалтерия ўтказмаси амалга оширилади:

Дебет 21314 — «Резидент банклари томонидан топширилган нақд пул учун тўланиши лозим бўлган маблағлар» (16103 — «Бош банк/филиаллардан филиаллар ва банклараро ҳисоб-китоблар бўйича олинadиган маблағлар» ҳисобварағи)

Кредит 10311 — «Марказий банкка топширилган нақд пуллар учун олиниши лозим бўлган маблағлар»

ЎЗБЕКИСТОН RESPUBLIKASI MARKAZIY BANKI BOШҚАРУВИНИНГ
ҚАРОРИ**300** Ўзбекистон Республикаси тижорат банкларида бухгалтерия ҳисоби ҳисобварақлар режасига ўзгартириш ва қўшимчалар киритиш тўғрисида

*Ўзбекистон Республикаси Адлия вазирлиги томонидан 2006 йил
24 июлда 773-22-сон билан давлат рўйхатидан ўтказилди*

(2006 йил 3 августдан кучга киради)

Ўзбекистон Республикасининг «Ўзбекистон Республикасининг Марказий банки тўғрисида»ги Қонунининг 7 ва 51-моддаларига асосан Ўзбекистон Республикаси Марказий банк Бошқаруви **қарор қилади:**

1. Ўзбекистон Республикаси Марказий банки Бошқарувининг 2004 йил 17 июлдаги 15/3-сонли қарори билан тасдиқланган (2004 йил 13 август, рўйхат рақами 773-17 — Ўзбекистон Республикаси Қонун ҳужжатлари тўплами, 2004 йил 32-сон, август, 369-модда) «Ўзбекистон Республикаси тижорат банкларида бухгалтерия ҳисоби ҳисобварақлар режасига» иловага* мувофиқ ўзгартириш ва қўшимчалар киритилсин.

2. Мазкур қарор Ўзбекистон Республикаси Адлия вазирлигида давлат рўйхатидан ўтказилган вақтдан бошлаб 10 кундан сўнг кучга киради.

3. Ушбу қарорнинг ижросини назорат қилиш Марказий банк раисининг ўринбосари А.Қ. Қодиров зиммасига юклатилсин.

Марказий банк Бошқаруви раиси Ф. МУЛЛАЖОНОВ

Тошкент ш.,
2006 йил 15 июнь,
13/7-сон

* Илова рус тилидаги матнда берилган.

ЎЗБЕКИСТОН РЕСПУБЛИКАСИ ХАЛҚ ТАЪЛИМИ ВАЗИРЛИГИ
ЎЗБЕКИСТОН РЕСПУБЛИКАСИ МОЛИЯ ВАЗИРЛИГИ
ЎЗБЕКИСТОН РЕСПУБЛИКАСИ МАДАНИЯТ ВА СПОРТ
ИШЛАРИ ВАЗИРЛИГИ
ЎЗБЕКИСТОН МАТБУОТ ВА АХБОРОТ АГЕНТЛИГИНИНГ
ҚАРОРИ

301 Умумтаълим мактабларини дарсликлар ва ўқув-методик қўлланмалар билан таъминлаш тўғрисидаги низомни тасдиқлаш ҳақида

*Ўзбекистон Республикаси Адлия вазирлиги томонидан 2006 йил
24 июлда 1603-сон билан давлат рўйхатидан ўтказилди*

(2006 йил 3 августдан кучга киради)

Ўзбекистон Республикаси Президентининг 2006 йил 31 майда ПҚ-362-сонли «Умумтаълим мактабларини дарсликлар билан таъминлаш тизимини ривожлантиришнинг қўшимча чора-тадбирлари тўғрисида» қарорининг 7-бандини (Ўзбекистон Республикаси Қонун ҳужжатлари тўплами, 2006 йил, 22-сон, 190-модда) ижросини таъминлаш мақсадида **қарор қиламиз:**

1. Илова* қилинаётган Умумтаълим мактабларини дарсликлар ва ўқув-методик қўлланмалар билан таъминлаш тўғрисида низом тасдиқлансин.

2. Мазкур қарор Ўзбекистон Республикаси Адлия вазирлигида давлат рўйхатидан ўтказилган кундан бошлаб ўн кундан кейин кучга киритилсин.

Халқ таълими вазири Т. ЖўРАЕВ

Тошкент ш.,
2006 йил 30 июнь,
17-сон

Молия вазири Р. АЗИМОВ

Тошкент ш.,
2006 йил 30 июнь,
63-сон

Маданият ва спорт ишлари вазири А. АЗИЗХЎЖАЕВ

Тошкент ш.,
2006 йил 30 июнь,
2-сон

Ўзбекистон матбуот ва ахборот Агентлиги директори Б. АЛИМОВ

Тошкент ш.,
2006 йил 30 июнь,
1-сон

* Илова рус тилидаги матнда берилган.

ЎЗБЕКИСТОН RESPUBLIKACI ДАВЛАТ МУЛКИНИ БОШҚАРИШ
ДАВЛАТ ҚЎМИТАСИ
ҚАРОРИ

302 Ўзбекистон Республикаси мулкни баҳолаш миллий
стандартини тасдиқлаш тўғрисида «Баҳолашни умумий
тушунча ва принциплари»

*Ўзбекистон Республикаси Адлия вазирлиги томонидан 2006 йил
24 июлда 1604-сон билан давлат рўйхатидан ўтказилди*

(2006 йил 3 августдан кучга киради)

Ўзбекистон Республикаси «Баҳолаш фаолияти тўғрисида»ги Қонунига, Ўзбекистон Республикаси Президентининг 2006 йил 26 апрелдаги ПҚ-335-сонли «Ўзбекистон Республикаси Давлат мулки қўмитаси фаолиятини такомиллаштиришга доир чора-тадбирлар тўғрисида»ги қарорига ҳамда Вазирлар Маҳкамасининг 2003 йил 8 майдаги 210-сонли «Баҳолаш фаолиятини лицензиялаш тўғрисида»ги қарорига мувофиқ Ўзбекистон Республикаси Давлат мулкни бошқариш давлат қўмитаси **қарор қилади:**

1. Ўзбекистон Республикаси мулкни баҳолаш миллий стандарти «Баҳолашнинг умумий тушунча ва принциплари» иловага* мувофиқ тасдиқлансин.
2. Мазкур қарор Ўзбекистон Республикаси Адлия вазирлигида давлат рўйхатидан ўтказилган санадан ўн кун ўтгандан кейин кучга киради.

Давлат мулки қўмитаси раиси Д. МУСАЕВ

Тошкент ш.,
2006 йил 14 июнь,
01/19-19-сон

* Илова рус тилидаги матнда берилган.

ЎЗБЕКИСТОН RESPUBLIKACI ДАВЛАТ МУЛКИНИ БОШҚАРИШ
ДАВЛАТ ҚЎМИТАСИ
ҚАРОРИ

303 Ўзбекистон Республикаси мулкни баҳолаш миллий
стандартини тасдиқлаш тўғрисида «Бозор қиймати
баҳолаш базаси сифатида»

*Ўзбекистон Республикаси Адлия вазирлиги томонидан 2006 йил
24 июлда 1605-сон билан давлат рўйхатидан ўтказилди*

(2006 йил 3 августдан кучга киради)

Ўзбекистон Республикаси «Баҳолаш фаолияти тўғрисида»ги Қонунига, Ўзбекистон Республикаси Президентининг 2006 йил 26 апрелдаги ПҚ-335-сонли «Ўзбекистон Республикаси Давлат мулки қўмитаси фаолиятини такомиллаштиришга доир чора-тадбирлар тўғрисида»ги қарорига ҳамда Вазирлар Маҳкамасининг 2003 йил 8 майдаги 210-сонли «Баҳолаш фаолиятини лицензиялаш тўғрисида»ги қарорига мувофиқ Ўзбекистон Республикаси Давлат мулкни бошқариш давлат қўмитаси **қарор қилади:**

1. Ўзбекистон Республикаси мулкни баҳолаш миллий стандарти «Бозор қиймати баҳолаш базаси сифатида» иловага* мувофиқ тасдиқлансин.
2. Мазкур қарор Ўзбекистон Республикаси Адлия вазирлигида давлат рўйхатидан ўтказилган санадан ўн кун ўтгандан кейин кучга киради.

Давлат мулки қўмитаси раиси Д. МУСАЕВ

Тошкент ш.,
2006 йил 14 июнь,
01/19-20-сон

* Илова рус тилидаги матнда берилган.

ЎЗБЕКИСТОН RESPUBLIKACI ДАВЛАТ МУЛКИНИ БОШҚАРИШ
ДАВЛАТ ҚЎМИТАСИ
ҚАРОРИ

304 Ўзбекистон Республикаси мулкни баҳолаш миллий
стандартини тасдиқлаш тўғрисида «Бозор қиймати-
дан фарқланувчи баҳолаш базаси»

*Ўзбекистон Республикаси Адлия вазирлиги томонидан 2006 йил
24 июлда 1606-сон билан давлат рўйхатидан ўтказилди*

(2006 йил 3 августдан кучга киради)

Ўзбекистон Республикаси «Баҳолаш фаолияти тўғрисида»ги Қонунига, Ўзбекистон Республикаси Президентининг 2006 йил 26 апрелдаги ПҚ-335-сонли «Ўзбекистон Республикаси Давлат мулки қўмитаси фаолиятини такомиллаштиришга доир чора-тадбирлар тўғрисида»ги қарорига ҳамда Вазирлар Маҳкамасининг 2003 йил 8 майдаги 210-сонли «Баҳолаш фаолиятини лицензиялаш тўғрисида»ги қарорига мувофиқ Ўзбекистон Республикаси Давлат мулкни бошқариш давлат қўмитаси **қарор қилади:**

1. Ўзбекистон Республикаси мулкни баҳолаш миллий стандарти «Бозор қийматидан фарқланувчи баҳолаш базаси» иловага* мувофиқ тасдиқлансин.

2. Мазкур қарор Ўзбекистон Республикаси Адлия вазирлигида давлат рўйхатидан ўтказилган санадан ўн кун ўтгандан кейин кучга киради.

Давлат мулки қўмитаси раиси Д. МУСАЕВ

Тошкент ш.,
2006 йил 14 июнь,
01/19-21-сон

* Илова рус тилидаги матнда берилган.

ЎЗБЕКИСТОН RESPUBLIKACI ДАВЛАТ МУЛКИНИ БОШҚАРИШ
ДАВЛАТ ҚЎМИТАСИ
ҚАРОРИ

305 Ўзбекистон Республикаси мулкни баҳолаш миллий
стандартини тасдиқлаш тўғрисида «Молиявий ҳисобот
ва турдош ҳужжатлар мақсадида баҳолаш»

*Ўзбекистон Республикаси Адлия вазирлиги томонидан 2006 йил
24 июлда 1607-сон билан давлат рўйхатидан ўтказилди*

(2006 йил 3 августдан кучга киради)

Ўзбекистон Республикаси «Баҳолаш фаолияти тўғрисида»ги Қонунига, Ўзбекистон Республикаси Президентининг 2006 йил 26 апрелдаги ПҚ-335-сонли «Ўзбекистон Республикаси Давлат мулки қўмитаси фаолиятини такомиллаштиришга доир чора-тадбирлар тўғрисида»ги қарорига ҳамда Вазирлар Маҳкамасининг 2003 йил 8 майдаги 210-сонли «Баҳолаш фаолиятини лицензиялаш тўғрисида»ги қарорига мувофиқ Ўзбекистон Республикаси Давлат мулкни бошқариш давлат қўмитаси **қарор қилади:**

1. Ўзбекистон Республикаси мулкни баҳолаш миллий стандарти «Молиявий ҳисобот ва турдош ҳужжатлар мақсадида баҳолаш» иловага* мувофиқ тасдиқлансин.

2. Мазкур қарор Ўзбекистон Республикаси Адлия вазирлигида давлат рўйхатидан ўтказилган санадан ўн кун ўтгандан кейин кучга киради.

Давлат мулки қўмитаси раиси Д. МУСАЕВ

Тошкент ш.,
2006 йил 14 июнь,
01/19-22-сон

* Илова рус тилидаги матнда берилган.

ЎЗБЕКИСТОН РЕСПУБЛИКАСИ ДАВЛАТ МУЛКИНИ БОШҚАРИШ
ДАВЛАТ ҚЎМИТАСИ
ҚАРОРИ

306 Ўзбекистон Республикаси мулкни баҳолаш миллий
стандартини тасдиқлаш тўғрисида «Ссуда, гаров ва
қарз мажбуриятларини таъминлаш учун баҳолаш»

*Ўзбекистон Республикаси Адлия вазирлиги томонидан 2006 йил
24 июлда 1608-сон билан давлат рўйхатидан ўтказилди*

(2006 йил 3 августдан кучга киради)

Ўзбекистон Республикаси «Баҳолаш фаолияти тўғрисида»ги Қонунига, Ўзбекистон Республикаси Президентининг 2006 йил 26 апрелдаги ПҚ-335-сонли «Ўзбекистон Республикаси Давлат мулки қўмитаси фаолиятини такомиллаштиришга доир чора-тадбирлар тўғрисида»ги қарорига ҳамда Вазирлар Маҳкамасининг 2003 йил 8 майдаги 210-сонли «Баҳолаш фаолиятини лицензиялаш тўғрисида»ги қарорига мувофиқ Ўзбекистон Республикаси Давлат мулкни бошқариш давлат қўмитаси **қарор қилади:**

1. Ўзбекистон Республикаси мулкни баҳолаш миллий стандарти «Ссуда, гаров ва қарз мажбуриятларини таъминлаш учун баҳолаш» иловага мувофиқ тасдиқлансин.

2. Мазкур қарор Ўзбекистон Республикаси Адлия вазирлигида давлат рўйхатидан ўтказилган санадан ўн кун ўтгандан кейин кучга киради.

Давлат мулки қўмитаси раиси Д. МУСАЕВ

Тошкент ш.,
2006 йил 14 июнь,
01/19-23-сон

* Илова рус тилидаги матнда берилган.

ЎЗБЕКИСТОН РЕСПУБЛИКАСИ ТАШҚИ ИҚТИСОДИЙ АЛОҚАЛАР,
ИНВЕСТИЦИЯЛАР ВА САВДО ВАЗИРЛИГИ
ЎЗБЕКИСТОН РЕСПУБЛИКАСИ ИҚТИСОДИЁТ ВАЗИРЛИГИ
ЎЗБЕКИСТОН РЕСПУБЛИКАСИ МОЛИЯ ВАЗИРЛИГИ
ЎЗБЕКИСТОН РЕСПУБЛИКАСИ ДАВЛАТ БОЖХОНА ҚЎМИТАСИ
ЎЗБЕКИСТОН РЕСПУБЛИКАСИ ДАВЛАТ СОЛИҚ ҚЎМИТАСИНИНГ
ҚАРОРИ

307 Ўзбекистон Республикасида ишлаб чиқарилмайдиган, четдан олиб келинадиган технология асбоб-ускуналари, эҳтиёт қисмлар, материаллар ва компонентларни маҳаллийлаштириладиган маҳсулотлар ишлаб чиқаришда технология жараёнида фойдаланиладиган тоифага киритиш тўғрисида хулосалар бериш тартиби ҳақидаги низомни тасдиқлаш тўғрисидаги қарорга ўзгартиришлар киритиш ҳақида

*Ўзбекистон Республикаси Адлия вазирлиги томонидан 2006 йил
26 июлда 1311-1-сон билан давлат рўйхатидан ўтказилди*

(2006 йил 5 августдан кучга киради)

Ўзбекистон Республикаси Президентининг 2005 йил 21 июлдаги, ПФ–3631-сонли «Ташқи иқтисодий ва савдо алоқалари, хорижий инвестицияларни жалб этиш соҳасида бошқарув тизимини такомиллаштириш тўғрисида»ги Фармони, Ўзбекистон Республикаси Президентининг 2005 йил 26 июлдаги ПҚ–136 сонли «Ўзбекистон Республикаси Ташқи иқтисодий алоқалар, инвестициялар ва савдо вазирлиги фаолиятини ташкил этиш тўғрисида»ги қарори ва 2006 йил 22 июндаги ПҚ–386-сонли «2006—2008 йиллар учун маҳаллий хом-ашё асосида тайёр маҳсулотлар, бутловчи қисмлар ва материаллар ишлаб чиқаришни маҳаллийлаштириш дастури тўғрисида»ги қарорларига мувофиқ, Ташқи иқтисодий алоқалар, инвестициялар ва савдо вазирлиги, Иқтисодиёт вазирлиги, Молия вазирлиги, Давлат божхона қўмитаси ва Давлат солиқ қўмитаси **қарор қилади:**

1. Ташқи иқтисодий алоқалар агентлиги, Иқтисодиёт вазирлиги, Молия вазирлиги, Давлат божхона қўмитаси, Давлат солиқ қўмитаси томонидан 2004 йил 6 февралдаги ЭГ-01/12-368, 19, 01-02/8-11 ва 2004-18-сон билан тасдиқланган (2004 йил 16 февраль, рўйхат рақами 1311) Ўзбекистон Республикасида ишлаб чиқарилмайдиган, четдан олиб келинадиган технология асбоб-ускуналари, эҳтиёт қисмлар, материаллар ва компонентларни маҳаллийлаштириладиган маҳсулотлар ишлаб чиқаришда технология жараёнида фойдаланиладиган тоифага киритиш тўғрисида хулосалар бериш тартиби ҳақидаги низомни тасдиқлаш тўғрисидаги қарорга (Ўзбекистон Республикаси Қонун ҳужжатлари тўплами, 2004 йил 7-сон) иловага* мувофиқ ўзгартиришлар киритилсин.

* Илова рус тилидаги матнда берилган.

2. Мазкур қарор Ўзбекистон Республикаси Адлия вазирлигида давлат рўйхатидан ўтказилган кундан бошлаб 10 кун ўтганидан сўнг кучга кирази.

**Ташқи иқтисодий алоқалар, инвестициялар ва савдо
вазири Э. ҒАНИЕВ**

Тошкент ш.,
2006 йил 25 июль,
ЭГ-01/10-4090-сон

Иқтисодиёт вазири Б. ХЎЖАЕВ

Тошкент ш.,
2006 йил 25 июль,
4-сон

Молия вазири Р. АЗИМОВ

Тошкент ш.,
2006 йил 25 июль,
68-сон

Давлат божхона қўмитаси раиси С. НОСИРОВ

Тошкент ш.,
2006 йил 25 июль,
01-02/8-14-сон

Давлат солиқ қўмитаси раиси Б. ПАРПИЕВ

Тошкент ш.,
2006 йил 25 июль,
2006-33-сон

Ўзбекистон Республикаси
Адлия вазирлиги маълум қилади:
вазирликлар, давлат қўмиталари ва идораларининг
умумий мажбурий тусдаги меъёрий ҳужжатларини давлат
рўйхатидан ўтказиш ҳолати тўғрисида
2006 йил 22 июлдан 28 июлгача бўлган маълумот

I. Давлат рўйхатидан ўтказилди:

1. «Самарқанд вилояти маҳаллий бюджетининг ғазна ижроси ҳисоби тўғрисидаги Вақтинчалик қоидаларини тасдиқлаш тўғрисида» *Ўзбекистон Республикаси Молия вазирлиги, Ўзбекистон Республикаси Марказий банки Бошқарувининг 2006 йил 12 июлдаги 61, 279-В-сон қарори.*

2006 йил 24 июлда 1599-сон билан рўйхатдан ўтказилди (2006 йил 3 августдан кучга киради).

2. «Бюджетдан маблағ олувчиларнинг шахсий ҳисобварағини очиш ҳақида вақтинчалик қоидаларини тасдиқлаш тўғрисида» *Ўзбекистон Республикаси Молия вазирининг 2006 йил 27 июндаги 59-сон буйруғи.*

2006 йил 24 июлда 1600-сон билан рўйхатдан ўтказилди (2006 йил 3 августдан кучга киради).

3. «Самарқанд вилояти ғазначилик ижросида бухгалтерия ҳисоби ҳақида вақтинчалик қоидаларини тасдиқлаш тўғрисида» *Ўзбекистон Молия вазирининг 2006 йил 27 июндаги 60-сон буйруғи.*

2006 йил 24 июлда 1601-сон билан рўйхатдан ўтказилди (2006 йил 3 августдан кучга киради).

4. «Ўзбекистон Республикаси банкларида касса амалларининг бухгалтерия ҳисобини юритиш қоидаларини тасдиқлаш тўғрисида» *Ўзбекистон Республикаси Марказий банки Бошқарувининг 2006 йил 15 июндаги 13/6 қарори.*

2006 йил 24 июлда 1602-сон билан рўйхатдан ўтказилди (2006 йил 3 августдан кучга киради).

5. «Ўзбекистон Республикаси тижорат банкларида бухгалтерия ҳисоби ҳисобварақлар режасига ўзгартириш ва қўшимчалар киритиш тўғрисида» *Ўзбекистон Республикаси Марказий банки Бошқарувининг 2006 йил 15 июндаги 13/7 қарори.*

2006 йил 24 июлда 773-22-сон билан рўйхатдан ўтказилди (2006 йил 3 августдан кучга киради).

6. «Умумтаълим мактабларини дарсликлар ва ўқув-методик қўлланмалар билан таъминлаш тартиби тўғрисидаги низомни тасдиқлаш ҳақида» *Ўзбекистон Республикаси Халқ таълим вазирлиги, Молия вазирлиги, Маданият ва спорт ишлари вазирлиги, Ўзбекистон матбуот ва ахборот агентлигининг 2006 йил 30 июндаги 17, 63, 2, 1-сон қарори.*

2006 йил 24 июлда 1603-сон билан рўйхатдан ўтказилди (2006 йил 3 августдан кучга киради).

7. «Ўзбекистон Республикаси мулкни баҳолаш миллий стандартини тасдиқлаш тўғрисида» «Баҳолашни умумий тушунча ва принциплари» *Ўзбекистон Республикаси Давлат мулки қўмитасининг 2006 йил 14 июндаги 01/19-19-сон қарори.*

2006 йил 24 июлда 1604-сон билан рўйхатдан ўтказилди (2006 йил 3 августдан кучга киради).

8. «Ўзбекистон Республикаси мулкни баҳолаш миллий стандартини тасдиқлаш тўғрисида» «Бозор қиймати баҳолаш базаси сифатида» *Ўзбекистон Республикаси Давлат мулки қўмитасининг 2006 йил 14 июндаги 01/19-20-сон қарори.*

2006 йил 24 июлда 1605-сон билан рўйхатдан ўтказилди (2006 йил 3 августдан кучга киради).

9. «Ўзбекистон Республикаси мулкни баҳолаш миллий стандартини тасдиқлаш тўғрисида» «Бозор қийматидан фарқланувчи баҳолаш базаси» *Ўзбекистон Республикаси Давлат мулки қўмитасининг 2006 йил 14 июндаги 01/19-21-сон қарори.*

2006 йил 24 июлда 1606-сон билан рўйхатдан ўтказилди (2006 йил 3 августдан кучга киради).

10. «Ўзбекистон Республикаси мулкни баҳолаш миллий стандартини тасдиқлаш тўғрисида» «Молиявий ҳисобот ва турдош ҳужжатлар мақсадида баҳолаш» *Ўзбекистон Республикаси Давлат мулки қўмитасининг 2006 йил 14 июндаги 01/19-22-сон қарори.*

2006 йил 24 июлда 1607-сон билан рўйхатдан ўтказилди (2006 йил 3 августдан кучга киради).

11. «Ўзбекистон Республикаси мулкни баҳолаш миллий стандартини тасдиқлаш тўғрисида» «Ссуда, гаров ва қарз мажбуриятларини таъминлаш учун баҳолаш» *Ўзбекистон Республикаси Давлат мулки қўмитасининг 2006 йил 14 июндаги 01/19-23-сон қарори.*

2006 йил 24 июлда 1608-сон билан рўйхатдан ўтказилди (2006 йил 3 августдан кучга киради).

12. «Ўзбекистон Республикасида ишлаб чиқарилмайдиган, четдан олиб келинадиган технология асбоб-ускуналари, эҳтиёт қисмлар, материаллар ва компонентларни маҳаллийлаштириладиган маҳсулотлар ишлаб чиқаришда технология жараёнида фойдаланиладиган тоифага киритиш тўғрисида хулосалар бериш тартиби ҳақидаги низомни тасдиқлаш тўғрисида»ги қарорга ўзгартиришлар киритиш ҳақида» *Ўзбекистон Республикаси Ташқи иқтисодий алоқалар, инвестициялар ва савдо вазирлиги, Иқтисодий вазирлиги, Молия вазирлиги, Давлат божхона қўмитаси, Давлат солиқ қўмитасининг 2006 йил 25-июлдаги ЭГ-01/10-4090, 4, 68, 01-02/8-14, 2006-33-сонли қарори.*

2006 йил 26 июлда 1311-1-сон билан рўйхатдан ўтказилди (2006 йил 5 августдан кучга киради).

-

+